

二十世纪名人自述系列

唐文治自述

唐文治 著 / 文明国 编


著名教育家、国学大师

曾任邮传部上海高等实业学堂

(上海交通大学和西安交通大学的前身) 监督(校长)



时代出版传媒股份有限公司
安徽文艺出版社



TANG WENZHI ZISHU

唐文治 著 / 文明国 编

唐文治自述

二十世纪名人自述系列



时代出版传媒股份有限公司
安徽文艺出版社

100070810

图书在版编目(CIP)数据

唐文治自述/唐文治著;文明国编. —合肥:安徽文艺出版社,
2013. 7

(二十世纪名人自述系列)

ISBN 978-7-5396-4489-9

I. ①唐… II. ①唐… ②文… III. ①唐文治(1865 ~
1954) - 自传 IV. ①K827 = 6

中国版本图书馆 CIP 数据核字(2013)第 057523 号

出版人:朱寒冬

责任编辑:朱寒冬

特约编辑:韩美玲

装帧设计:汪要军 闻 艺

出版发行:时代出版传媒股份有限公司 www.press-mart.com

安徽文艺出版社 www.awpub.com

地 址:合肥市翡翠路1118号 邮政编码:230071

营 销 部:(0551) 63533889

印 制:合肥创新印务有限公司 (0551)64456946

开本:710×1010 1/16 印张:12.25 字数:180千字

版次:2013年7月第1版 2013年7月第1次印刷

定价:24.00元

(如发现印装质量问题,影响阅读,请与出版社联系调换)

版权所有,侵权必究

目 录

第一编 茹经先生自订年谱正续篇

年谱题辞·····	3
世系·····	5
茹经先生自订年谱正续篇·····	7
清同治四年（公元一八六五年） 乙丑	
一岁·····	7
清同治五年（公元一八六六年） 丙寅	
二岁·····	7
清同治六年（公元一八六七年） 丁卯	
三岁·····	7
清同治七年（公元一八六八年） 戊辰	
四岁·····	7
清同治八年（公元一八六九年） 己巳	
五岁·····	8

清同治九年（公元一八七〇年）庚午	
六岁	8
清同治十年（公元一八七一年）辛未	
七岁	8
清同治十一年（公元一八七二年）壬申	
八岁	8
清同治十二年（公元一八七三年）癸酉	
九岁	8
清同治十三年（公元一八七四年）甲戌	
十岁	9
清光绪元年（公元一八七五年）乙亥	
十一岁	9
清光绪二年（公元一八七六年）丙子	
十二岁	9
清光绪三年（公元一八七七年）丁丑	
十三岁	9
清光绪四年（公元一八七八年）戊寅	
十四岁	9
清光绪五年（公元一八七九年）己卯	
十五岁	10
清光绪六年（公元一八八〇年）庚辰	
十六岁	10
清光绪七年（公元一八八一年）辛巳	
十七岁	11
清光绪八年（公元一八八二年）壬午	
十八岁	12

清光绪九年（公元一八八三年） 癸未	
十九岁	13
清光绪十年（公元一八八四年） 甲申	
二十岁	14
清光绪十一年（公元一八八五年） 乙酉	
二十一岁	14
清光绪十二年（公元一八八六年） 丙戌	
二十二岁	16
清光绪十三年（公元一八八七年） 丁亥	
二十三岁	16
清光绪十四年（公元一八八八年） 戊子	
二十四岁	17
清光绪十五年（公元一八八九年） 己丑	
二十五岁	17
清光绪十六年（公元一八九〇年） 庚寅	
二十六岁	19
清光绪十七年（公元一八九一年） 辛卯	
二十七岁	20
清光绪十八年（公元一八九二年） 壬辰	
二十八岁	21
清光绪十九年（公元一八九三年） 癸巳	
二十九岁	23
清光绪二十年（公元一八九四年） 甲午	
三十岁	24
清光绪二十一年（公元一八九五年） 乙未	
三十一岁	25

清光绪二十二年（公元一八九六年） 丙申	
三十二岁	26
清光绪二十三年（公元一八九七年） 丁酉	
三十三岁	27
清光绪二十四年（公元一八九八年） 戊戌	
三十四岁	27
清光绪二十五年（公元一八九九年） 己亥	
三十五岁	29
清光绪二十六年（公元一九〇〇年） 庚子	
三十六岁	30
清光绪二十七年（公元一九〇一年） 辛丑	
三十七岁	38
清光绪二十八年（公元一九〇二年） 壬寅	
三十八岁	41
清光绪二十九年（公元一九〇三年） 癸卯	
三十九岁	46
清光绪三十年（公元一九〇四年） 甲辰	
四十岁	49
清光绪三十一年（公元一九〇五年） 乙巳	
四十一岁	51
清光绪三十二年（公元一九〇六年） 丙午	
四十二岁	53
清光绪三十三年（公元一九〇七年） 丁未	
四十三岁	56
清光绪三十四年（公元一九〇八年） 戊申	
四十四岁	58

清宣统元年（公元一九〇九年） 己酉	
四十五岁	59
清宣统二年（公元一九一〇年） 庚戌	
四十六岁	60
清宣统三年（公元一九一一年） 辛亥	
四十七岁	61
民国元年（公元一九一二年） 壬子	
四十八岁	63
民国二年（公元一九一三年） 癸丑	
四十九岁	65
民国三年（公元一九一四年） 甲寅	
五十岁	65
民国四年（公元一九一五年） 乙卯	
五十一岁	67
民国五年（公元一九一六年） 丙辰	
五十二岁	67
民国六年（公元一九一七年） 丁巳	
五十三岁	68
民国七年（公元一九一八年） 戊午	
五十四岁	69
民国八年（公元一九一九年） 己未	
五十五岁	71
民国九年（公元一九二〇年） 庚申	
五十六岁	72
民国十年（公元一九二一年） 辛酉	
五十七岁	75

民国十一年（公元一九二二年） 壬戌	
五十八岁	78
民国十二年（公元一九二三年） 癸亥	
五十九岁	79
民国十三年（公元一九二四年） 甲子	
六十岁	80
民国十四年（公元一九二五年） 乙丑	
六十一岁	84
民国十五年（公元一九二六年） 丙寅	
六十二岁	85
民国十六年（公元一九二七年） 丁卯	
六十三岁	87
民国十七年（公元一九二八年） 戊辰	
六十四岁	89
民国十八年（公元一九二九年） 己巳	
六十五岁	91
民国十九年（公元一九三〇年） 庚午	
六十六岁	93
民国二十年（公元一九三一年） 辛未	
六十七岁	95
民国二十一年（公元一九三二年） 壬申	
六十八岁	97
民国二十二年（公元一九三三年） 癸酉	
六十九岁	101
民国二十三年（公元一九三四年） 甲戌	
七十岁	104

民国二十四年（公元一九三五年） 乙亥	
七十一岁	107
民国二十五年（公元一九三六年） 丙子	
七十二岁	109
民国二十六年（公元一九三七年） 丁丑	
七十三岁	111
民国二十七年（公元一九三八年） 戊寅	
七十四岁	114
民国二十八年（公元一九三九年） 己卯	
七十五岁	119
民国二十九年（公元一九四〇年） 庚辰	
七十六岁	120
民国三十年（公元一九四一年） 辛巳	
七十七岁	120
民国三十一年（公元一九四二年） 壬午	
七十八岁	121
民国三十二年（公元一九四三年） 癸未	
七十九岁	123
民国三十三年（公元一九四四年） 甲申	
八十岁	123
民国三十四年（公元一九四五年） 乙酉	
八十一岁	124
民国三十五年（公元一九四六年） 丙戌	
八十二岁	125
民国三十六年（公元一九四七年） 丁亥	
八十三岁	126

民国三十七年（公元一九四八年） 戊子	
八十四岁	126
公元一九四九年 己丑 八十五岁	127
公元一九五〇年 庚寅 八十六岁	129
公元一九五一年 辛卯 八十七岁	130
公元一九五二年 壬辰 八十八岁	130
公元一九五三年 癸巳 八十九岁（男庆诒谨述）	131
公元一九五四年 甲午 九十岁	132
茹经先生自订年谱跋	135

第二编 茹经先生著作年表

茹经先生著作年表	139
清光绪十年（公元一八八四年） 甲申	
二十岁	139
清光绪十一年（公元一八八五年） 乙酉	
二十一岁	139
清光绪十二年（公元一八八六年） 丙戌	
二十二岁	139
清光绪十三年（公元一八八七年） 丁亥	
二十三岁	140
清光绪十四年（公元一八八八年） 戊子	
二十四岁	140
清光绪十五年（公元一八八九年） 己丑	
二十五岁	141

清光绪十六年（公元一八九〇年）庚寅	
二十六岁·····	141
清光绪十七年（公元一八九一年）辛卯	
二十七岁·····	141
清光绪十八年（公元一八九二年）壬辰	
二十八岁·····	141
清光绪十九年（公元一八九三年）癸巳	
二十九岁·····	141
清光绪二十年（公元一八九四年）甲午	
三十岁·····	141
清光绪二十一年（公元一八九五年）乙未	
三十一岁·····	142
清光绪二十二年（公元一八九六年）丙申	
三十二岁·····	142
清光绪二十三年（公元一八九七年）丁酉	
三十三岁·····	142
清光绪二十四年（公元一八九八年）戊戌	
三十四岁·····	142
清光绪二十五年（公元一八九九年）己亥	
三十五岁·····	142
清光绪二十六年（公元一九〇〇年）庚子	
三十六岁·····	143
清光绪二十七年（公元一九〇一年）辛丑	
三十七岁·····	143
清光绪二十八年（公元一九〇二年）壬寅	
三十八岁·····	143

清光绪二十九年（公元一九〇三年） 癸卯	
三十九岁·····	143
清光绪三十年（公元一九〇四年） 甲辰	
四十岁·····	144
清光绪三十一年（公元一九〇五年） 乙巳	
四十一岁·····	144
清光绪三十二年（公元一九〇六年） 丙午	
四十二岁·····	144
清光绪三十三年（公元一九〇七年） 丁未	
四十三岁·····	145
清光绪三十四年（公元一九〇八年） 戊申	
四十四岁·····	145
清宣统元年（公元一九〇九年） 己酉	
四十五岁·····	145
清宣统二年（公元一九一〇年） 庚戌	
四十六岁·····	146
清宣统三年（公元一九一一年） 辛亥	
四十七岁·····	146
中华民国元年（公元一九一二年） 壬子	
四十八岁·····	146
中华民国二年（公元一九一三年） 癸丑	
四十九岁·····	147
中华民国三年（公元一九一四年） 甲寅	
五十岁·····	147
中华民国四年（公元一九一五年） 乙卯	
五十一岁·····	147

中华民国五年（公元一九一六年） 丙辰	
五十二岁·····	148
中华民国六年（公元一九一七年） 丁巳	
五十三岁·····	148
中华民国七年（公元一九一八年） 戊午	
五十四岁·····	149
中华民国八年（公元一九一九年） 己未	
五十五岁·····	149
中华民国九年（公元一九二〇年） 庚申	
五十六岁·····	150
中华民国十年（公元一九二一年） 辛酉	
五十七岁·····	150
中华民国十一年（公元一九二二年） 壬戌	
五十八岁·····	150
中华民国十二年（公元一九二三年） 癸亥	
五十九岁·····	152
中华民国十三年（公元一九二四年） 甲子	
六十岁·····	152
中华民国十四年（公元一九二五年） 乙丑	
六十一岁·····	153
中华民国十五年（公元一九二六年） 丙寅	
六十二岁·····	154
中华民国十六年（公元一九二七年） 丁卯	
六十三岁·····	155
中华民国十七年（公元一九二八年） 戊辰	
六十四岁·····	156

中华民国十八年（公元一九二九年） 己巳	
六十五岁·····	156
中华民国十九年（公元一九三〇年） 庚午	
六十六岁·····	158
中华民国二十年（公元一九三一年） 辛未	
六十七岁·····	159
中华民国二十一年（公元一九三二年） 壬申	
六十八岁·····	160
中华民国二十二年（公元一九三三年） 癸酉	
六十九岁·····	161
中华民国二十三年（公元一九三四年） 甲戌	
七十岁·····	162
中华民国二十四年（公元一九三五年） 乙亥	
七十一岁·····	162
中华民国二十五年（公元一九三六年） 丙子	
七十二岁·····	163
中华民国二十六年（公元一九三七年） 丁丑	
七十三岁·····	163
中华民国二十七年（公元一九三八年） 戊寅	
七十四岁·····	164
中华民国二十八年（公元一九三九年） 己卯	
七十五岁·····	166
中华民国二十九年（公元一九四〇年） 庚辰	
七十六岁·····	168
中华民国三十年（公元一九四一年） 辛巳	
七十七岁·····	168

中华民国三十一年（公元一九四二年） 壬午	
七十八岁·····	170
中华民国三十二年（公元一九四三年） 癸未	
七十九岁·····	171
中华民国三十三年（公元一九四四年） 甲申	
八十岁·····	173
中华民国三十四年（公元一九四五年） 乙酉	
八十一岁·····	174
中华民国三十五年（公元一九四六年） 丙戌	
八十二岁·····	176
中华民国三十六年（公元一九四七年） 丁亥	
八十三岁·····	177
中华民国三十七年（公元一九四八年） 戊子	
八十四岁·····	179

唐文治

自述



第一编

茹经先生
自订年谱正续篇

年谱题辞

余弱冠时读陆稼书、汤潜庵、张杨圆暨吾乡陆、陈诸先生年谱，心向往之；复读朱子年谱，更大好之：遂有必为圣贤之志。中年读罗罗山、胡润芝、曾涤生、左季高诸先生年谱，志气发扬，更慨然以建功立业为事。然后叹奇乎百世之上，百世之下感动兴起，所以立德立功者，必以前贤年谱为先路之导。乃我生不辰，运会机陞，立朝之时，欲匡君德，纾国忧，迄无所成；退而讲学，欲正人心，维世道，亦靡所裨。每诵杜工部诗“匡衡抗疏功名薄，刘向传经心事违”之句，辄为恍然。年谱云乎哉！惟是师友之渊源，学问之次第，事变之阅历，著述之积累，有不能已于怀者，随笔记录，汇为一编。甲戌岁七十初度，同学索观者甚众，友人侯官陈石遗同年，益阳陈君天倪，门人陈生柱尊等，亦屡以为言，爰属北流冯生振心校正付印，振心复增入著作年表，可感也。嗟夫！王风之诗曰：“行迈靡靡，中心如醉。”小雅之诗曰：“明发不寐，有怀二人。”追维往哲，内疚孔多矣。年谱云乎哉！蔚芝唐文治自题。

世 系

周初封唐叔于晋，系出姬姓，郡名晋阳。吾家迁娄始祖良鼎公，谱载明末由金陵迁娄。公弟鼎臣迁崇明，将宗谱携去。考其时当在明万历、天启之间。良鼎公子凤仪公，配杨氏。生文正公，妣王氏；文璧公，妣杨氏。《礼记》曰：“别子为祖，继别为宗。”兹谨述继别本支：文璧公生子天栋，号宏任公，始有遗传手迹，妣顾氏。宏任公生子承焘，号南轩公，妣施氏。生子景星，号墨池公，嘉庆元年入州学第二名，是为吾宗入学籍之始，妣徐氏。墨池公嗣子森阶，号尧莫公，钦赏八品顶戴，候选按察使司知事，诰赠光禄大夫，妣胡氏，诰赠一品夫人，箴室张氏，诰赠一品夫人。尧莫公嗣子学韩，号翼亭公，诰赠荣禄大夫，妣张氏、继妣王氏，俱诰赠一品夫人。翼亭公子受祺号若钦公，咸丰九年入州学第四名，补廩膳生，乙丑恩贡候选复设教谕，己未重游泮水，诰封荣禄大夫，妣胡氏，诰封一品夫人。若钦公定子孙名以“文庆孝德为世家祥”八字为次，

八世后再定。子文治，号蔚芝，光绪六年入州学，八年中式举人，十八年中式进士，官户务部主事，改官外务部主事，二十九年洊升外务部员外郎，外务部郎中，改官商部右丞，洊升左丞，三十二年改商部为农工商部，升左侍郎，署理尚书，诰封光禄大夫，配郁氏，诰赠一品夫人，继配黄氏，诰封一品夫人。子庆诒，美国哥伦比亚大学外交科硕士，配俞氏，美国哥伦比亚大学教育科学士。次子庆平，殇。三子庆增，美国哈佛大学经济科硕士，配周氏。四子庆永，美国哥伦比亚大学经济科硕士，聘钱氏，未归，殇。配陆氏。庆诒子孝宣。庆永子孝威。是为第十二世孙也。文治谨述。

茹经先生自订年谱正续篇

清同治四年（公元一八六五年）乙丑 一岁

十月十六日亥时，生于太仓镇洋县境岳王市陆宅之静观堂。时余家因避洪杨之乱，甫于海门迁回，由时思庵乡徙岳市。先是壬戌年，姊氏文珠生，大父望孙綦切；及余生，喜甚，命曰文治，字曰颖侯，号曰蔚芝。越三朝，赴某亲戚家饮酒，醉怀果饵甚多，曰：“将以遗吾孙也。”或戏之曰：“君孙已能啖果饵耶？”则相与大笑以为乐。

清同治五年（公元一八六六年）丙寅 二岁

是年，余家迁城中，借居武陵桥南胡宅。

清同治六年（公元一八六七年）丁卯 三岁

清同治七年（公元一八六八年）戊辰 四岁

清同治八年（公元一八六九年）己巳 五岁

清同治九年（公元一八七〇年）庚午 六岁

是年，受业于外叔祖胡啸山先生之门。先生名汝诚，邑诸生。时设帐杨氏，衡宇相对，因往受业。先识字，后读《孝经》。夜归，吾母恒自课之，极严。

清同治十年（公元一八七一年）辛未 七岁

读《论语》。是时家贫约，吾母甚健，缝纫予衣，补缀破裂，或结数处，同学咸姗笑之。余语之曰：“君子固穷，若辈则小人，穷斯滥矣。”同学咸讶之。是二语盖习闻外大父以之训人者也。夜课，恒随月读书，目力已受伤矣。

清同治十一年（公元一八七二年）壬申 八岁

是年，读《孟子》。

某节日，赴汪家二姑母处午饭，同座王君谷初名恩寿，询余志。余曰：“吾愿为伊尹。”王君大奇之；大父闻之，甚喜。

清同治十二年（公元一八七三年）癸酉 九岁

是年，余家迁居飞云桥东秦氏市屋，受业于姨丈姚慕翹先生之门。先生名葆光，邑诸生，为芷轩太夫子之长子，即胡啸山先生之婿也。余时读《诗经》。同学陆君庚星名咸清，聪慧绝伦，已能诗，予与之交，后以其狂，稍远之。

清同治十三年（公元一八七四年）甲戌 十岁

是年，读《尚书》。吾父馆于苏州佃泾镇李提督霭堂家，课其子名景淮、字汉秋读。

清光绪元年（公元一八七五年）乙亥 十一岁

去年，穆宗升遐，今上即位。本年改元光绪元年。

是年，随吾父读书于李宅。夏，余家迁居南牌楼赵氏宅，余时读《周易》。

清光绪二年（公元一八七六年）丙子 十二岁

春，在家读书。夏，随吾父赴上海，参观制造局。受业于外大父古愚胡公之门。公名汝直，邑诸生。时设帐厂东郑氏。余时读《礼记》，始学作制义及试帖诗。

门人冯振谨案：先生有《外祖古愚胡公家传》载《茹经堂文集》（即文集初编，下同）卷五。又有《外祖古愚胡公手迹谨志》载同卷。

清光绪三年（公元一八七七年）丁丑 十三岁

是年，受业于姨丈钱会甫先生之门。先生名宫极，邑诸生，为只文太夫子第四子。余时读《左传》。

清光绪四年（公元一八七八年）戊寅 十四岁

是年，随吾父读书苏州方氏。主人益斋，安徽桐城人。其尊人传书，曾任太仓州牧。吾父课益斋长子名怀仁、字

伯元读。余时读“五经”毕业。

夏，王紫翔先生来馆访吾父，畅谈。先生名祖畬，癸酉科乡试第二人，吾父之挚友也。见余文，亟赏之，谓必成大器；且谓宜读古大家文，以扩充其才气。先生去后，吾父训之曰：“汝尚幼稚，稍长，当执贽王先生门下也。”

振谨案：先生有《王文贞公文集跋》载《茹经堂文集二编》卷五。《王文贞先生学案》、《镇洋王紫翔先生书函手迹跋》，俱编入《茹经堂文集三编》卷一及卷五。

秋，始应童子试，不售。试时，得交毕君枕梅，名光祖。

冬，大父捐馆舍。追念平日爱我教我之恩，哀痛之极，尚能擗踊尽礼。

振谨案：先生有《王考府君事略》载《茹经堂文集》卷五。

清光绪五年（公元一八七九年）己卯 十五岁

去冬，外大父胡公弃养，其居停粤东郑氏，延请吾父赴上海教读，即前余读书处也。同学昆仲二人，长名学书，字让卿；次名学源，字静卿。时家境愈困，余益发愤读书，恒至夜分。

冬，应州试，首场列七十四名。初覆十九名，再覆十三名，三覆十一名。州尊为吴广龠先生名承潞，浙江名进士也。

清光绪六年（公元一八八〇年）庚辰 十六岁

春，学院夏公子松岁试，取入州学第六名。公名同善，浙江仁和人。题为《一人定国尧》，次题《文王之民无冻馁之老者》，诗题《赋得惠风和畅》，得“和”字。同入学者，

姊丈许君弼臣，名沐铎；友人张君海民，名培埵。

振谨案：先生有《夏文敬公年谱并遗诗后序》载《茹经堂文集二编》卷五。

是年，仍在郑氏馆中读《公羊传》、《谷梁传》及《史记》。始学作古文。

清光绪七年（公元一八八一年）辛巳 十七岁

春，因姨丈黄公浚之介绍，受业于紫翔王先生之门。间三四日，前往听讲。先生教诲倍至，告之曰：“文章一道，人品学问皆在其中。故凡文之博大昌明者，必其人之光明磊落者也；文之精深坚卓者，必其人之忠厚笃实者也。至尖新险巧，则人必刻薄；圆熟软美，则人必鄙陋。汝学作文，先从立品始，不患不为天下第一等人，亦不患不为天下第一等文。”并教予先读汪武曹《孟子大全》、陆清献《三鱼堂集》，并《唐宋文醇》、《熊钟陵制义》等。余日夜淬厉于性理文学，初知门径矣。

振谨案：先生有《外舅黄浚之先生家传》载《茹经堂文集》卷五。又有《外舅黄浚之先生诛文》载《茹经堂文集二编》卷九。

秋，学院黄漱兰先生科试，余列一等十五名。先生名体芳，浙江瑞安人，中兴时直臣也。题为《其所厚者薄，而其所薄者厚，未之有也》。策问“太仓形胜”。诗题《赋得一帘秋雨梦吴淞》，得“吴”字。

冬，吾父为镇海卫漕粮事因人受过，姨丈黄公浚之锐身而出，为排难解纷，并为规划一切，全家感之。

清光绪八年（公元一八八二年）壬午 十八岁

春，正月，郁夫人来归。夫人为吾邑新塘市人。外舅名振镛，字铭轩，外姑杨氏。内兄名朝桂，字擷芳，邑诸生。

振谨案：先生有《外舅郁铭轩先生家传》载《茹经堂文集》卷五。

是年，随吾父读书本邑城北陆氏。主人为陆君少江，名锦采，与吾父同门。课其子：长，智贤；次，智海；三，智广；四，智渊。时余学颇精进，书“毋不敬，毋自欺”六字于座右。行路不斜视，务收束身心。分日读《朱子小学》、《近思录》、《性理精义》、《学菴通辨》、《程氏读书分年日程》等，兼钞《王学质疑》、《明辨录》细读之，觉醅醅有味。读《孟子》，乃更有心得。爰摘录“大全”诸先儒说，并录王师笔记，作《读孟札记》，理学乃日进。同学有王君晋蕃，名康寿，王师之从弟也。李君虎臣名炳，陆君礼南名朝琮，相与考德问业，深得切磋之益。

振谨案：先生有《王晋蕃先生传》编入《茹经堂文集三编》卷七。

吾邑城内，向无天主、耶稣教堂。夏，四月，忽有耶稣牧师吴虹玉，自上海来传教，购镇民桥宋姓房屋，行将迁入矣。王师闻之，谓：“是不可以启外侮。”偕邑绅并诸同学数十人，往谒州县尊阻止之。余亦随往。县尊任石芝先生，坐大堂判决：“资送吴虹玉出境，偿其费，拨公款购宋姓屋，改为乡先贤陆尊道桴亭、陈安道确庵、江孝友药园、盛贞介寒溪四先生祠。”六月某日，修葺竣工。余随吾父、

吾师恭送栗主人祠，长老暨同志，来者甚多。

将赴省试，王师示以金陵官书局单，嘱购读数种，余苦无资。内子闻之，立出奁具内银锭数枚，交余自赴当铺质之，得八金。余喜甚，遂购性理书数种。今家藏《二程遗书》、《朱子全书》、《拙修集》，皆郁夫人奁中物所购也。

七月，随吾父赴金陵省试。试前，余日游书肆，中热患暑病，吾父为检理考具。入场时，人极拥挤，汗出而愈。题为《子曰：‘小子何莫夫学诗’两章》，次题《尊贤之等，礼所生也》，三题《命也有性焉，君子不谓命也》。诗题《赋得袖中吴郡新诗本》，得“新”字。榜发，余中式第二十名。房师为安徽知县林燮轩先生名调阳，福建长乐人。座师为侍郎许公星叔，名庚身，浙江仁和人；翰林院编修谭公叔裕，名宗浚，广东南海人。报到之日，吾父、吾师均甚喜。舆论谓先人焚券之报。盖先曾祖尧萸公，当道光年间大水时，曾将贫户借贷之券，概付焚如，不令偿还。人以为阴德也。同举者金君蓬生，名簏，砚香先生之孙也。

振谨案：先生有《谭叔裕先生墓表》载《茹经堂文集》卷六。

冬，随吾父赴扬州，筹明岁计偕资，见表叔毛平甫，名华，时为两淮盐知事，赠余初印仿宋本《说文解字》一部。

清光绪九年（公元一八八三年）癸未 十九岁

春，随王师赴礼部试，寓宣武门外球芝巷太仓会馆。榜发，王师中式，入词林，授庶吉士。余下第归。

五月，姊氏文珠卒。姊天性仁孝，通翰墨，勤于操作，

乃竟不寿。吾父吾母哭之恸。吾父挽联云：“病由热中，貽误在医药。余方冀鬼求食、神有灵，或者隐与挽回，此后依依仍绕膝。症已积久，忘情轻死生。汝可知父渐衰、母多病，何故决焉舍去，相看默默竟无言。”余与内子含悲劝慰，而吾母肝郁头晕之病，遂日增矣。

振谨案：先生有《归高阳姊氏墓志铭》，载《茹经堂文集》卷五。

秋，友人张君海民卒。张君亦从王师游，天资近道，喜阅性理书，步趋先儒，不逾礼法。尝语余曰：“圣贤之学在躬行。先儒有言，懈怠一生，即是自暴自弃。此言最有味。”余为悚然起敬焉。文章书法亦极工。以中暑病卒，且无后。余往吊之，不觉涕泗之横流也。为录成遗稿一卷。癸巳岁，其族人小元，出资刊之。

秋冬间，仍研理学，读《二程遗书》、《朱子文集》，并先儒语录等书，粗有论著，然皆不足存也。

清光绪十年（公元一八八四年）甲申 二十岁

读《周礼》、《仪礼》、《尔雅》，始从事经学。

学政浙江瑞安黄漱兰师，在江阴设立南菁书院，以朴学提倡多士。毕君枕梅为余报名，寄卷应试。

清光绪十一年（公元一八八五年）乙酉 二十一岁

春，偕毕君枕梅、张君拙嘉名树莫诸友，同赴江阴南菁书院应试。取超等，住院肄业。谒见黄漱兰师，谆谆然训以有用之学，遂受业于院长黄元同先生之门。先生名以

周，浙江定海人，为薇香太夫子之季子，东南经学大师也。闻余讲宋儒之学，甚喜。语余曰：“顾亭林先生有言，经学即理学，理学即经学，不可歧而为二。圣门之教，先博后约，子其勉之。”复教余训诂义理合一之旨。先假余陈北溪先生“字义”，余钞读之，逾月而毕。又示余所著《经义通故》（后改名《经训比谊》），余亦摘其精要者钞录之。又于藏书楼纵览诸书，自是于经学、小学亦粗得门径矣。

振谨案：先生有《张君拙嘉传略》载《茹经堂文集二编》卷六。又有《黄元同先生学案》载《茹经堂文集》卷二。

交吴县曹君叔彦，名元弼，江阴同年章君琴若，名际治，阳湖赵君剑秋，名椿年，武进刘君准生，名翰，皆一时俊彦也。曹君精于“易”、“礼”诸学，笃守郑君家法，尤为纯实。

振谨案：先生有《与曹君叔彦书》二首载《茹经堂文集二编》卷四，又有《答曹叔彦书》载《茹经堂文集三编》卷四。又有《礼经校释序》载《茹经堂文集二编》卷五。《礼经校释》，即曹先生所著书也。又有《章君琴若墓志铭》载《茹经堂文集二编》卷八。

作《宋元明诸儒主一辨》，黄师叹赏不置，谓择精语详，于斯道已得十之七八矣。

振谨案：先生所作《宋明诸儒主一辨》载《茹经堂文集》卷三。

课余，作宁波辨志文会，宋学课艺，主讲者浙江刘艺兰先生名树人，甚器赏余，屡置第一，且托元同师转达惓惓，余深感之。

冬，学院王益吾先生来接任。先生名先谦，湖南长沙人，

亦名翰林也。

清光绪十二年（公元一八八六年）丙戌 二十二岁

春，赴礼部试，下第归。黄师函招，仍赴南菁书院。初治《易》，先读惠氏、张氏、焦氏诸书，继请业于黄师。师曰：“本朝《易》学，虽称极盛，然未有能贯通汉宋，自成一家者。子读《易》当于《通志堂经解》中求之。其中如朱氏《汉上易传》、项氏《周易玩辞》、吴氏《易纂言》，皆极精当。”余因细读之，觉项氏《易》尤胜。黄师又假予所著《十翼后录》，哀然巨帙，未克抄录。思作《周易集解疏》，不果。因拟别作《周易兼采汉宋诸家之说》，始属稿焉。

夏，读《庄子》，文尚恢诡。喜效吾娄王弼州文，颇菲薄震川。黄师假余《评点震川集》。读之乃知震川白描处，极有精神，且得力于欧、曾两家甚多，固未可轻加訾议也。

交丹徒陈君善余，名庆年，常熟孙君师郑，名同康，丁君秉衡，名国钧，元和曹君夔一，名元忠，泰州卢君羲侣，名求古，如皋姚君小宾，名彭年。

振谨案：先生有《陈君善余墓志铭》载《茹经堂文集三编》卷八。又有《读经救国论序》载《茹经堂文集二编》卷五。《读经救国论》，即孙师郑先生所著也。

清光绪十三年（公元一八八七年）丁亥 二十三岁

春，仍赴南菁书院肄业。

交宝山邵君心炯，名曾鉴，系庚辰年与余同入学者。天才横溢，豪放不羁，奇士也。又交阳湖庄君思缄，名蕴宽，

上海赵君韵丞，名世修，丹徒殷君墨卿，名松年，海门刘君乙青，名宗向。

是年，读书心较静细，始编录《茹经堂文集》。

《易》学稍进，黄师示余所著《周易故训订》，喜甚，亟钞藏之。惜仅有《上经》，盖未成之书也。

振谨案：先生有《周易故训订跋》载《茹经堂文集二编》卷五。

清光绪十四年（公元一八八八年）戊子 二十四岁

春，仍赴南菁书院肄业。

同学泰兴于君玉峰，名璠，华亭雷君君曜，名璠，咸来问业。

王益吾先生刻《皇清经解续编》成，余曾任校书之役，交半价，得书全部。

夏日，王益吾先生招余入署弈围棋，见国手周小松先生，受九子，余获胜。

是秋，江南乡闹，典试者为顺德李芍农、闽县王可庄两先生，收罗好古积学之士，南菁同学获隽者二十余人，赵君剑秋，雷君君曜均与焉。友人王君晋蕃，姊丈许君弼臣中副车。毕君枕梅赴北闹试，亦中式，大有拔茅连茹之庆。

王益吾先生参劾内监李莲英，遂引疾归，可敬也。

清光绪十五年（公元一八八九年）己丑 二十五岁

春，偕毕君枕梅赴礼部试。先期吾父训余曰：“汝此次会试，倘再不售，明年尚有恩科会试，可暂留京处馆，以

免拔涉。”余因作留京之计。

先是余喜谈道讲学，京中诸人咸疏远之。至是，毕君枕梅戒余曰：“天下安得皆同志，子盍慎诸！和光同尘可耳。”余憬然悟，爰于周旋世故，随时注意，人始不以余为狂矣。

谒座师许公星叔。师语余曰：“汝壬午试卷，左文襄公季高大为叹赏（左公时任两江总督）。揭晓后，将朱墨卷一并索去细阅；并云：‘此人三场字迹，一笔不苟，必有后福。’”余闻之，知己之感，萦绕于怀，惜前数年未经谒见耳（公殁于乙酉岁）。

榜发，余挑取誊录，房师为张子虞先生，名预，浙江钱塘人。三场评语云：“淹贯诸子百家，皆腾跃出其腕下，可称雄博。”而主试嘉定廖公仲山，名寿恒，因补荐太迟，额满见遗。余谒张子虞先生，为咨嗟太息久之。

振谨案：先生有《张子虞先生墓表》载《茹经堂文集三编》卷八。

觅京馆颇难得。同乡友人顾君公度，名思义（乙酉举人），言于其尊人廷一先生，延余教读，余欣然往就。顾先生名元爵，时官直隶候补道，会办大沽船坞。为人渊渊有度，喜读书，并喜谈吾娄掌故，盖长者也。余课其第四子，名思永，字公亮；第五子，名思远，字公毅。大沽地颇幽静，由天津赴彼处，约三百里，离海口约五六十里。

振谨案：先生有《顾廷一先生墓志铭》载《茹经堂文集二编》卷八。

五月，考内阁中书。余得公度电，复赴京。既试，亦被屏。六月出京，坐驴车中，炎天奔走，途遇大雨，极为辛苦。

秋，闻于玉峰之丧，痛悼殊甚。玉峰治经学，工词章，且学道不倦。在南菁书院时，依依执弟子礼，歿时年仅十九。后阅十余年，余为刻遗稿一卷。

生日，作思亲诗。

振谨案：先生诗皆未刊。

冬间，梦吾母肝风病甚剧，面色浮肿。醒后大戚，以《周易》筮之，得坤卦。辞曰：“安贞吉。”心始稍安。作“父母在，不远游”制义以自警。末云：“呜呼！行迈靡靡，中心如醉，得吾父慰劳之语，不觉悲从中来。冬日烈烈，岂曰无衣，念吾母缝纫之艰，曷禁潸然出涕，然则人子而常依膝下，岂非厚福耶？”

清光绪十六年（公元一八九〇年）庚寅 二十六岁

春，偕公度赴礼部试，荐而不售。房师为朱小唐先生名琛。谱兄崇明王君丹揆名清穆，中式，以主事分户部。

振谨案：先生有《王君丹揆六十寿序》载《茹经堂文集二编》卷七。

五月中，航海归。廷一先生命思永、思远，随余回太仓，仍赴其家课读。顾氏宅在小西门。

赴新塘市，吊外舅郁公铭轩之丧。李生颂韩，名联珪，来受业。

振谨案：先生有《与李生颂韩书》载《茹经堂文集二编》卷四。

吊金氏姨母之丧，姨母为外叔祖胡公六符次女，与吾母情意契合如同胞。适州庠生金君仲德，名庭筵。本年三

月间，金君病卒，姨母遂殉节而死，吾母痛甚，余为作家传一首。

振谨案：先生所作《姨母胡孺人家传》载《茹经堂文集》卷五。

友人陆君庚星卒，余往吊之。庚星少年颇狂放，后食廪饩，深自检束，复与余亲，亦考取南菁书院。春间，其弟先卒。夏，庚星亦歿，妇陈氏殉节死。其堂上父母俱存，且无后。余题其遗像，为之潸然。后阅十余年，为刻遗稿一卷。

是年，吾父馆本邑县署。县尊为吴粤生先生名镜沆，河南光州人。吾父课其子，名敬修，字菊农，极笃实用功。

振谨案：先生有《吴粤生先生六十寿序》载《茹经堂文集二编》卷七。

冬，十一月初二日，吾母生辰，迁居武陵桥南王姓宅。居停王某，开设王大吉药肆于上海，屋有厅，内室三楹，惜俱西向；有廂房，西北有小楼一角，可度藏书籍。后门通九庙前河沿。前居之赵家，厅屋小而邻杂，时闻诟谇声，余家厌苦之久矣。顾以住彼十数年，迁居时颇觉恋恋，余夜间恒梦在是屋中。人之不能无情如此哉！

清光绪十七年（公元一八九一年）辛卯 二十七岁

是年，仍馆顾氏。表弟黄君玉儒，名彬琳；陆生鹭卿，名长序，来受业。陆生，星农先生之孙也。时州尊程序东太夫子，名其珏，吾父壬午科乡试荐卷房师也，与吴县尊提倡文艺月课，优给膏火，颇极一时之盛。姚菴翹先生之世兄柳屏，名鹏图，内表陆君彤士，名增炜，皆年少聪颖，

文名籍甚。柳屏即于是科秋闱中式。

振谨案：先生壬辰作《礼经校释序》，自注云：“代程序东太夫子作。”又有《姚君柳屏传略》载《茹经堂文集二编》卷五。

清光绪十八年（公元一八九二年）壬辰 二十八岁

春，随王师并偕金君蓬生，姚君柳屏赴礼部试。时颇艰于资，得程序东太夫子赠五十金，始克成行，心甚感之。王师自入词林后，本无意进取，因前与姚芷轩太夫子有约，云“柳屏领乡荐，吾当偕同赴京”。至是遂践诺言焉。

榜发，余中式第三十一名贡士。题为《君子矜而不争两章》，次题《斯礼也，达乎诸侯大夫及士庶人》，三题《井九百亩，其中为公田。八家皆私百亩，同养公田》。诗题《赋得柳拂旌旗露未干》，得“春”字。房师为沈子封先生，名曾桐，浙江嘉兴人。座师为翁公叔平，名同和，江苏常熟人，祁公子禾，名世长，山西寿阳人，李公苾园，名端棻，贵州贵阳人，霍公慎斋，名穆欢，满洲人。

谒沈师。师云：“首场未荐，阅二三场卷，知为读书有得之士，补荐遂中。”翁师评语云：“经生之文，必有静穆之气，此作是也。经艺渊雅，不使才锋，策赅博。”覆试二等。题为“大匠诲人，必以规矩”。诗题《赋得学如鸟数飞》，得“如”字。殿试二甲第一百五名。朝考一等第六十五名。题为“廷尉天下之平论”、“审乐知政疏”。诗题《赋得江心舟上波中铸》，得“中”字。（余诗点题云：“万派江心景，都归铸造中，舟浮天上碧，波映日边红。”）引见后，以主事用，签

分户部江西司。故事，凡列二甲一等者均入词林，余失之意外，颇觉怅惘。王师慰之曰：“子何不达之甚？子家况清寒，部曹有印结款津贴，可不取分外之钱。此天之玉汝于成也，子何不达之甚！”余闻言释然。谒许星叔师，以余未入词林，代为抱屈。又述左文襄公之言，再三勗勉，深为可感。

六月，翁师延余至其家，课读学徒二，皆翁君弢甫，名斌生（丁丑翰林）之子，长名之润，字泽之；次名之廉，字景之，天资俱极聪慧，之廉，为翁师嗣曾孙。

受业于嘉兴沈子培先生之门。先生名曾植，庚辰进士，子封师之兄也。博雅夙通，当世殆无匹焉。

振谨案：先生有《上沈子培先生书》载《茹经堂文集二编》卷四。又有《沈子培先生年谱序》编入《茹经堂文集三编》卷五。

王师散馆，得知县，分发河南（后补汤阴县）。暂馆同乡陆蔚庭先生名继辉家。余时往候起居。师著《左传考释》成，命予作序。

振谨案：先生有《书左传考释后》载《茹经堂文集二编》卷五。

八月，请假回籍。吾母患肝风头晕之症，不能起床者六七年矣。请浙江医生沈云程先生诊治。沈素崇拜薛生白先生，奉《医经元旨》为准绳，进以白凤丸，颇见效。至是已能起床，大喜逾望。

吊外大母陈太夫人之丧。初，外大父母有子名秉彝，壬戌年，避难沪上，病卒。乃以外叔祖六符公之子景尧为嗣。外大母素爱余，乃以四月初旬弃养，既未知余捷音，而余

亦未得一侍汤药，深可痛心。

清光绪十九年（公元一八九三年）癸巳 二十九岁

吾乡庚申洪杨之乱，乡民集义勇，皆以白布裹头为号，一时响应，号称十万。战于东门外之板桥，彼悉精锐突出，乡民不知战法，大溃，败死者数万人。至是邑人沈君馥林，就其地作亭为纪念，余为作碑文记之。

振谨案：先生所作《太仓镇官绅义勇殉难瘞骨碑》载《茹经堂文集二编》卷八。

正月，偕表弟黄君玉儒、李生颂韩、顾生公亮赴南菁书院谒黄元同师，不值。随偕曹君夔一赴常熟。曾君表先生，名之撰，偕其世兄孟朴，名朴，又翁君又申，名炯孙，徐君少逵，名兆炜等殷殷接待。即住曾氏虚霏园，盘桓三日，阅其所藏书籍，并游虞山，题名刻石于剑门。

三月，迎养吾父母。并挈内子如京师。先至上海，住八仙桥表姊丈俞君隶云宅。俞君名书祥，邑诸生，为顾氏大姑母长婿。时大姑母亦就养俞君处。大表姊极贤孝，与吾母最契合，亲戚情话，欢乐无涯。小住数日，即乘轮舟赴天津，幸途中无风浪。抵津后，住中和客栈。胡畴生母舅，时在大沽船坞司事，余息伊来照料一切，遂入京。翁君弢甫，为赁屋于东城新开路西头路北那宅。时翁氏住东单牌楼二条胡同，往来极近。惟用仆媪，语言不通，吾母起居颇觉不便。余赴翁宅课读，间一二日到部视事。

秋，吴菊农世兄中式河南乡试。常熟孙君师郑、友人沈君颂棠，名鹏，中式北闱乡试。太仓王君彬儒，名凤璘，

顾生思永，中式江南乡试。

振谨案：先生有《王君彬儒传》载《茹经堂文集二编》卷六。

冬，十二月，外姑杨太夫人弃养。内子闻耗，哭极恸。

清光绪二十年（公元一八九四年）甲午 三十岁

春，礼部试，孙君师郑、吴君菊农、沈君颂棠，均联捷入词林。

宝应刘生翰臣名启瑞，来受业。生为户部同司刘佛卿年丈之子，经学世家，品诣笃实，后成进士，以内阁中书用。

振谨案：先生有《刘佛卿先生神道碑》载《茹经堂文集二编》卷八。

秋，八月，内子郁夫人卒。内子天性婉婉淑慎，孝和而俭。吾母疾病，侍养弥谨，诸事能忍耐，戚党皆称其贤。来归十三年，去冬怀妊，吾母喜甚，余筮之，遇明夷之贲。其繇曰：“不明，晦。初登于天，后入于地。”余心恶之。至是竟以难产卒。吾母大恸，停灵于崇文门外之夕照寺。时在客居，丧务均未谙，悉赖谱兄王君丹揆来照料一切，并偕其夫人及二女，时来慰借吾母，可感之至。

振谨案：先生有《郁夫人家传》载《茹经堂文集》卷五。

中日失和，提督叶志超与日人战于高丽之平壤，辄败走，敌势益张。冬，遂侵入奉天，金州、复州、海威、盖平皆陷，旋旅顺亦失守。风声鹤唳，势且扰及津沽。时吾母卧病床榻，曰：“设有不测，吾当投缳以报国。”余因国祸家难，抑郁无聊，时读《易》以自遣。

高阳相国李公鸿藻，暨翁师，俱入掌军机。余拟上封事，计万余言，翁师激赏之，手自抄出数条，然当事者不能行也。沈子培师及京中诸友，均传诵此文。

振谨案：此即《请挽大局以维国运折》载《茹经堂奏疏》卷一，先生自记云：“此稿翁叔平、沈子培两师深加叹赏，称为万言疏稿，惜两行痛哭，无补时艰也。”

清光绪二十一年（公元一八九五年）乙未 三十一岁

仍馆翁宅，课读。翁生绶珩来受业。生字玉行，内阁中书翁君印若名受珙之弟，苏州人。

三月，李少荃相国名鸿章，赴日本马关议和。日人要挟高丽国自主，割台湾与日本；并索偿兵费二万万。同乡公车汪君仲虎等，谋上书力争之，余为代拟《上察院呈》。然当事者以时机日迫，莫可如何，和议遂成。旋台民拥总督唐维卿名景崧者独立，卒无成就。痛心曷极！

闻邵君心炯之丧，为惨然者数日。邵君因不得志，纵情诗酒，卒以早夭。其自挽联云：“见性明心，立地成佛；好学短命，何敢望回。”盖是年三十一也。歿后，姚君子让、柳屏等为刊《艾庐遗稿》。

振谨案：先生有《邵君心炯传》载《茹经堂文集二编》卷六。

苏州王君蕙卿，名颂蔚，时掌户部云南司，白于翁师，调派余为云南司帮主稿，盖王君丹揆所介绍也。云南司管理滇省财政，兼管漕务、仓务。余时于公牍文字，尚无门径，只得以吏为师，遇事咨询，并与丹揆协商，调取档案目录，

手自钞存。用时指出提阅，吏不能欺。丹揆作《职思随笔》，办稿必摘要钞录，余亦仿行之。

吾父辑太仓陆桴亭先生遗书告成。初，桴亭先生遗书传于世者，不过《思辨录前后集》，及太仓叶涵溪先生名裕仁所辑文钞数卷而已。吾父于《小石山房丛书》中辑得《论学酬答》四卷，于《娄东杂著》中辑得《性善图说》等三种，又于叶涵溪先生家中钞得《八阵发明》一卷，诗集若干卷，又钞得张清恪公所辑文集若干卷，又编订《年谱》一卷，共得二十册，合《思辨录》共二十八册，先后募资授刊。

十一月，继室黄夫人来归。伯岳黄澄之先生，暨内弟玉儒亲送来京。

十二月，学习期满，户部循例引见，奏留。翁师考语云：“人品端方，趋公勤慎。”

清光绪二十二年（公元一八九六年）丙申 三十二岁

阅各国条约事务各书，并评点“万国公法”及曾惠敏、黎莼斋诸家文集，自是于经世之学，亦粗得门径矣。七月，考取总理各国事务衙门章京第二名。试策问一道。引见后，记名传补。首列为会试同年张菊生，名元济，友人李君槃硕，名审之，汪君伯唐，名大燮，及丹揆兄均前列。时翁师掌总理衙门，先期见沈子培师，询问各部人才。子培师首以余对，翁师颔之，曰：“唐某学问、性情、品行，无一不佳。”余闻言，愧无以对知己也。

清光绪二十三年（公元一八九七年）丁酉 三十三岁

阅《经世文正续编》及曾文正、胡文忠全集。《经世文正编》选择极精，《论学》二卷，尤极纯粹，续者远不逮矣。

户部设则例馆，余奉派为纂修官，辑成《漕运门》八卷。

购得苏州周忠介公顺昌《烬余集》三册，系汤文正公斌抚苏时所刻，真难得之书，可宝之至。为集资刊印之。

振谨案：先生有《重刻周忠介公文集序》载《茹经堂文集》卷四。

六月，吾母忽患中风，不能言语。急延医诊治，逾日渐苏，遂成半身不遂之症，不能起床。自问侍奉无状，闷恨之至。

夏，李生颂韩来，将应京兆试，即住余家。

崇明朱生贯微，名诵韩，孙生字晴，名昌煊，来受业。宇晴，余会试同年孙子钧吏部名培元之子。

冬，沈子培师假余无锡高忠宪攀龙未刻稿八册，云得自河南书肆中，盖当时陈稽亭先生辑《高子遗书》所未录者也。其中论学精粹处极多。余喜甚，手自钞录二册，为序其首，并属朱，孙二生，各分钞数册。

振谨案：先生所作《高子外集序》上下二篇载《茹经堂文集》卷四。（序误作子封先生）

清光绪二十四年（公元一八九八年）戊戌 三十四岁

二月，长子庆治生。字曰郁生，欲其不忘前母也，号曰谋伯。内子产后大病类疯癫，延山东医生李葆初诊视，云是肝郁、血枯、痰壅所致。先投以川芎、芒硝，大泻后神色较清，复进以补血、消痰之剂。半年后，始痊愈。

拟《谨弹血诚以维国脉折》，附《请停止搜括之政片》。又代沈子封师拟《谨陈管见以固人心折》。

振谨案：首折载《茹经堂奏疏》卷一，次折载同卷。先生自记云：“此稿系沈子封师嘱为代拟。中间‘正人心、简使臣’两条，即用‘万言疏稿’成说，稍加增损”云云。

闰三月初四日，为吾父五十八生辰；吾母适年六十，称觞于东城之德兴堂。

同乡内表弟陆君彤士，会试中式第一名。友人赵君剑秋亦中式。

四月，翁师奉旨开缺回籍，盖与满大臣荣禄、刚毅不和，为其所构陷也。五月即出京。余送至正阳门东边，黯然而别。此后竟不得复见矣。

六月，传补总理衙门章京。时掌总署大臣为庆亲王及相国合肥李公，次为王相国夔石名文韶及满州敬止斋尚书名信，广东张樵野侍郎名荫桓，凡五人。先派余在电报处译机要电文，旋派在司务厅收发文牒。时总办章京四人：满州舒君春舫名文，四川童君圃瑶名德璋，满州瑞君鼎臣名良，苏州顾君康民名肇新。顾君素长于公牍文字，与余尤相得。余询以办事之要，顾君曰：“勤而已矣，勤则诸事接洽；至公牍之要，纵使千条万绪，不过叙述明晰，无他道也。”余自是于翁氏馆不能兼顾，遂辞退，深愧无以对翁师也。

振谨案：先生有《记和硕庆亲王事》载《茹经堂文集》卷六。又有《祭和硕庆亲王文》载同卷。又有《记王文勤公事》载同卷。

时奉诏，令阁部大臣保举人才。仓场侍郎刘公溥泉名恩溥，留心物色。以余列入荐章。余初未之知也。后友人传述，至为惶悚。刘公官御史时，直声甚著，为人谦抑异常，余以避干谒未往见。后公遽歿，始诣灵前一恸。知己之感，思之辄为惘然。

八月，政变祸作，为吾国一大关键。先是皇上一意维新，励精图治。内外大臣交荐康有为，梁启超破格擢用；又特拔杨锐、刘光第、林旭、谭嗣同为京堂，在军机处行走。革故鼎新之旨，几于无日无之。会有蜚语，谓康梁等将用兵围皇太后求变法。于是皇太后复出训政，逮杨锐等置之法。而康梁则已闻风远逃，不知所往。维时波及者，为李蕊园师、张樵野侍郎、文芸阁学士等。李张均革职发遣，文则逃匿未获，而张菊生亦因上疏言事革职，岂不冤哉。

九月，浙江徐嘯云尚书名用仪，袁爽秋京卿名昶，满州联敬卿名元，均奉旨派充总理衙门大臣。袁公博雅闲通，一见余似旧相识。

冬，浙江许竹簣侍郎名景澄，自欧洲归，奉旨为总理衙门大臣，深器重余，以所印外国司船表、帕米尔图见赠。

清光绪二十五年（公元一八九九年）己亥 三十五岁

日本索福建鼓浪屿，俄国索山东庙群岛，义国索三门湾，徐许两公均力拒之。余随写问答，时同事者苏州邹君紫东名嘉来，松江雷君谱桐名补同，浙江汪君伯棠，名大燮，均极相契也。槃硕、丹揆两兄，亦传补进署。

余每两日赴户部，两日赴总署。户部在云南司正主稿

上行走，事务殷烦，总署尤甚。值夜班恒至天明。司务厅储条约柜，余发而读之，又以暇时学习俄文，灯下海取中俄文本条约对校之，目力遂大伤。后虽悔之，已无及矣。

交满洲世君伯先名善。世君为户部云南司掌印绍文叙五名彝之侄，伉爽豪迈，怀大志。时传补入总署，见余，遂通谱焉。

振谨案：先生有《满州二友传》，一为世君伯先，一为瑞君裕如，转载《茹经堂文集二编》卷六。

冬，余与丹揆兄俱改派在英股办事。

十二月，内弟黄彬瑞在俄文学堂暴卒，可痛之至。余为殓殮一切，停灵夕照寺。

岁杪，奉皇太后慈谕，立端王载漪之子溥儁为皇太子。闻皇太后将废立皇上，为庆亲王所知，跪求四时许，事始寝。

振谨案：其事见先生所作《记和硕庆亲王事》载《茹经堂文集》卷六。

清光绪二十六年（公元一九〇〇年）庚子 三十六岁

吾父六十岁。三月四日，聊具杯酒称觴焉。

四月，北京义和团祸作。义和团为八卦教流派。自言能避刀、枪、火炮，以仇洋教为名，焚烧杀掠。初起于山东，巡抚袁慰亭名世凯禁之，而山西巡抚毓贤加以提倡，遂蔓延至直隶。总督裕寿山名禄，阴袒之，势益张。时皇太后甚恶西法，欲集合其力，以驱外人，各国公使啧有烦言。大臣许景澄、袁昶上疏力争之，俱留中不报。五月，义和团遂纠合大众，拆毁铁路，直入京城，围攻使馆及西城西

什库教堂。时余家尚居新开路，与比国使馆相近，见火光烛天，枪炮声累累如贯珠。吾父偶诣庭中，枪子从顶上飞过，险极。家中所用某媪，并携有幼女，忽闭门而泣，询之，则亦教民也。余亟慰之，给以钱米，遣之还。逾日，见教堂焚毁数处，浓烟四合。维时天津已与各国开战，南归路已断。谱兄伯先招余迁至其家，余因稟商堂上，决计迁避。时吾母卧床，内子亦怀孕，乘舆踉跄以行。世宅住宝钞胡同内王佐胡同，伯先兄夫妇殷勤接待，情极可感，余家惊魂得稍定焉。

义和团攻使馆不克，遂烧正阳门及东西荷包巷。是皆京城精华所聚。商贾逃亡，天日为之变色。旋提督董福祥，亦以劲兵来攻使馆。时使馆守兵不过数百，藏地沟内，官兵每至界线内，辄中枪炮毙，以故卒不能克，西什库亦如之，可叹亦可笑也，户部已在战线之内，改在内廷国史馆内办公。

五月中旬，风声日迫，余偕世宅迁避至北山平义分村。出北直门十余里，为雷家桥。又三十里，为高丽营，大市集也。又二十里，为平义分村，乃昌平、顺义两县分界之地。世宅居村外祠堂内，余家赁居村中。屋仅三间，卑隘之至。房东张姓，其兄在田，尝读书入庠。余家饭食，先由世宅供给，后与房东商定，借灶自炊，布置初定，余乃入城办公。

义和团愈聚愈众，日本使馆记生杉山彬、德国公使克林德赴总署途中，均为义和团所杀。端王载漪、庄王载勋奉旨充总理衙门大臣，二人皆提倡义和团者也。庄王宅中，并设立坛所。其时各国已有联兵攻北京之议，有识者皆引为大戚，而皇太后为载漪等所胁，依违两可，皇上更不敢言。

某日，召廷臣会议。载漪、载勋等力言主战，皇上执许景澄手，流涕而言曰：“此时可战乎？汝宜直言！”载勋厉声曰：“许景澄执皇上手，是何规矩？”太常寺卿袁昶曰：“是皇上执许景澄手，非许景澄执皇上手。”许惶急曰：“求皇上释手。”乃叩头退。随有旨命许景澄宣慰使馆。盖许、袁二公之杀机，已伏于此矣。

义和团扬言总署通洋人，盖意图劫掠也，总办诸君互商白庄王，即请义和团守卫本署。某日，余赴总署，同事者无一人。余饭毕散值，已出署矣。瞥见大队义和团约数百人，首裹红巾，手持白旗，大书“扶清灭洋”四字，自西而来，蜂拥入署。署中苏拉（即茶房），急追余车，谓义和团至，须招待。余因折回，立大堂中，招呼之。旋至西厅，见所谓大师兄者，系满洲某。腰系黄带，怒形于色云：“贵署堂官无一人，司官仅足下招待，何故？”余曰：“本署系兼差，堂官午前均赴各部，午后始克到署，请暂待。”某云：“吾观署中妖气极盛，闻同文馆洋书极多，均须烧毁。倘有通洋语者，即系奸细，须立时杀却，吾先告足下知之。”余曰：“本署系奉文宗显皇帝谕旨所设立，因与洋人交涉，故不能不通洋文。至杀人一事，却须斟酌。如果奉有上谕，自当遵办。惟杀人自有地方，应由本署交出，依法办理，却不能即在本署自由杀人！”某语塞，乃云：“吾为足下焚香升表。”表上升，某云：“足下却是好人。”余付之一笑。旋许公竹箒到署，余往禀白一切。复随同往见某，亦为许公焚香升表。有顷，同事满洲文某来，素信义和团之人也。余与接洽后，急散值，归已薄暮矣。是后，义和团戕杀民教

甚伙，闻之极为痛心。时未敢明言，后补作《纪庚子冤狱》篇一，以志罗织之惨。

振谨案：先生所作《庚子六月冤狱》载《茹经堂文集》卷六。

六月二十七日，谒见许公竹簣。公神色颇惨沮，忧形于色，绝不言疏谏义和团事。但言此次洋兵入京，条款必格外苛刻。君等宜早为预备。辞出后，又谒见袁公爽秋，袁公气象激昂，议论踔厉，亦绝不言上疏事。询余堂上起居，云：“君既迁眷至北山，目下只身在京，何不迁至敝寓，我须与君细谈桴亭先生之学；况此间为君旧居停地（时袁住东单牌楼二条胡同，即前翁氏宅），望即日迁来。”余告以世宅起居较便，至讲学一节，当随时踵门请教，殷勤郑重而别。盖余心知二公祸之将及，而不料其即在旦夕间也。

七月杪，前山东巡抚李鉴堂名秉衡，奉召来京，余向其亲戚某探问意旨。某云，李公将招山东大刀会入京，余闻骇极。

七月初一日，奉旨逮许、袁二公下狱，闻系李秉衡所构陷也。惟时总署人人自危，不敢前往探视。至初三日，奉旨置二公于法。闻二公临刑时，神色洒然。监斩者为大学士徐桐之子，刑部侍郎徐承煜，亦附和义和团者也。袁公戟手骂徐曰：“国家之事，被汝父子败坏至此，吾在地下候汝！”许公止之曰：“爽秋！何必如此。”遂从容就义焉。呜呼！自我圣祖、世宗以来，未尝有杀戮忠良之事。此时许袁两大臣被祸，盖国家元气因此大伤，而人心亦自此渐去矣！

振谨案：先生有《记徐桐崇绮事》载《茹经堂文集》卷六。

余奉派署云南司正主稿，又奉派在内廷译密电，间日住班。丹揆兄亦共事，军书旁午，时天津已失守矣。

七月初十日，奉吾父手谕，悉内子产一子，取名庆平，命余赴乡省视。逆料西人用兵慎重，未必即下通州，到京尚须时日。因与丹揆兄约，请其暂代。于十二日赴北山，大小平安，颇以为慰。乃十六日接同司绍叙五丈急信，谓洋兵已入通州。户部尚书王公夔石拟将仓存米谷全行发放，嘱余速赴京。十七日早，乘车至雷家桥，但见大队义和团向北逃窜。云洋兵已入京城，两宫未知所在。车夫遂不敢前进。余告以设有不测，吾当赔汝车辆。车夫云：“车辆可赔，性命不能赔。”坚不肯往。不得已，退回北山。十八、十九两夜，远望见京城中火光烛天，盖洋兵实于十八日入京，两宫于是日始西狩也。又闻前数日奉旨逮捕总署大臣徐公用仪、联公元、内务府大臣立公山，均置之法。盖亦端王等所构陷也，为之骇叹不置。

时乱兵逃溃，各处抢掠。初，乡民相约在山沟中搭篷十数间，遇急难时往避，余为出资助成之。临时房东张姓云：“山路崎岖，老太太决不能往。”内子闻之云：“吾姑既不能往，余决无言去之理。”吾父云：“如此，则合家并命可矣。”乃郁儿乳媪刘姓，坚欲携儿往避。不得已，书郁儿姓名，裹于衣内，飭乳媪领去。悲痛之极，无可言者。乃逾日早，乳媪抱郁儿悻悻然归云：“是儿终夜啼哭，为邻人所不容，故携之归。”詎料是晚乱兵即赴山沟，抢掠一空，并将妇女掳去。房东奔窜而回，如丧魂魄，乃知郁儿之啼哭有由也。吁，

亦险矣哉！

世宅祠堂内亦被抢，伯先兄及友人陈君子久（名恒庆，工部郎中，与伯先兄同避难者）匿高粱中，余嘱乡民导往探视。伯先兄目直视，云：“君亦不免，何为冒险而来？”余急慰之。是晚，伯先兄携眷避往高丽营。乱兵十余人，即盘踞世宅祠堂中，扬言将至村中抢掠。或与通款，乃得免。越数日，赴某村抢劫，为村人击毙数名，仅六人归，乡民谋围毙之。余语张在田曰：“乱兵虽少，然有快枪，不可轻敌，转致肇祸。”乃谋贿通其马夫，当午饭时，先将快枪从墙隙中递出。乡民刘姓父子为前锋，用乌枪一拥而入，立毙乱兵三名；余三名逾墙逃出。余曰，此祸根也。急嘱乡民各处寻觅。傍晚，于山沟及高粱地中先后觅得，俱击毙之，其患乃绝。然其时风鹤频惊，某日又有溃兵来村中。先至张在田宅，旋至余家。眷口先避匿，余出迎之。兵曰：“吾辈来觅牲口耳。”在田曰：“牲口已为他人掠去矣。”兵遂去，举家庆幸焉。

八月十日，闻庆亲王与相国合肥李公奉旨为全权大臣，与各国议和。余急欲赴京，拟先往高丽营。爰与邻人武庠生赵某商借车辆。赵某谓：“距高丽营七八里，有盗匪盘踞，时出劫掠，不敢往。”余曰：“吾文人胆尚大，若武生何胆怯乃尔？”赵不得已，曰：“车辆绝不敢借，骑驴可乎？”余曰：“可。”乃于十三日早起程。同行者赵某及仆人李升。途中行人断绝。将至高丽营，瞥见盗匪三人自对面来，各骑快马、携快枪，飞驶而至。余辈不敢退，与摩肩过。其为首盗匪问余曰：“往京城乎？”余颌之，曰：“然。”盗遂去。

旋闻其同伙问为首者曰：“认识此人耶？”曰：“此是城中唐老爷，如何不认识。”余深讶之。至高丽营，见伯先兄及陈君子久均无恙。中秋夜，同酌酒啖月饼，可谓苦中得乐矣。余与伯先兄商同赴京，伯先兄迟回不决，余因于十九日，偕伯先堂弟辉山先行赴京。至雷家桥南，步行至北直门，为日本兵所阻，不得进。爰绕道进朝阳门。途中但见洋兵运物，气象愁惨。余迳赴新鲜胡同，绍叙五丈及其弟越千丈，均大惊异，曰：“君竟能来耶？”亟留予宿，告洋兵入城时状，并示余大小炮子数枚，相与咨嗟久之。时无菜蔬，晚饭酱萝卜一味而已。是日，余步行三十里许，困惫已极。夜，足痛发热，幸即愈。

二十日，赴总署临时公所，即在总办施君春舫宅中。盖外国兵入城时，施君与总税务司赫德通函，请其介绍议和，赫许之。时庆亲王已随扈西行，由总署章京朴寿迫请返京。庆亲王奏闻，遂与李相国同奉全权大臣之命。时李已到京，住东城贤良祠。余谒见庆亲王后，随同办理条约文件。越数日，总办瑞君鼎臣、顾君康民及丹揆兄诸同人，均陆续到京。相见之后，悲喜交集。时户部亦设临时公所于东城，尚书敬公止斋派余为留京办事随员，整理一切。

十月中，余赴北山迎吾父母，偕同伯先兄挈眷返京。时京北盗匪充斥，余同伯先兄雇保镖十一人，计费百金。启行后，忽一人单骑过余曰：“唐老爷连日辛苦，消瘦多矣！”余见之，即向在高丽营所见之盗匪也。亟与通谈，始知其人姓杨名七，即高丽营人。盖余在高丽营时，常在伯先兄所开什物肆中闲坐。杨七来购物，余亦加以礼貌，渠因而

感余。乃知当乱世时，谦德为尤要也。中途过一村，名泗儿上，有巨盗单刀李五盘踞其地。车过时，李五出与保镖絮语片时。旋保镖来告余，谓李以余携带衣箱，银钱必多，请留下。余告以衣箱内不过当差衣服，尽可开视。倘有银钱，即当奉赠。爰启视之，皆旧衣、书籍。李无言，余遂行。乃知行路带衣箱，最易为人所覬觎也。

振谨案：先生有《纪庚子遇匪遇盗事》载《茹经堂文集》卷六。

次儿庆平殇。患难之余，不胜痛惜之至。

奉旨昭雪许、袁、徐、联、立五大臣冤案，开复原官。旋许、袁、徐三家属盘柩回籍，各使馆派兵送行，仪仗极盛。总署诸同人设灵路祭，有泣下者。余作“五忠诗”吊之。袁公诗结句云：“流水高山今已矣，天涯何处哭钟期！”盖不胜知己之感也。后外交部陆子兴总长建四忠祠于署后，刻余诗于壁间，以资纪念。自是余夜间常梦许、袁两公被刑状，辄大哭而醒，泪渍枕上，盖肝郁目疾愈深矣。

洋兵焚烧端、庄两王府第，日本兵并捕军机大臣启秀、刑部侍郎徐承煜二人，枪毙之，以其提倡义和团也。初许、袁两公被害前一日，庆亲王跪求皇太后赦免，不许。急往求大学士徐桐，谓得公一言，可胜余百数言。徐曰：“我看此等人，多杀一个好一个。”庆亲王含泪而罢。迨承煜、启秀被戮时，总署江阴陈君梦陶名名侃，谓承煜之弟某曰：“此方是多杀一个好一个。”呜呼！何相报之速耶！亦可为后世之鉴矣。

余建议停废河运，并裁撤津通运米驳船，改归陆运。

所有每年河运费四十余万两，悉行解部，以裕度支。合肥李公见余稿，颇为叹赏。奏上奉旨报可。

满洲那琴轩侍郎名桐，掌户部，派余为北档房总办，盖全国财赋总汇之区也。同事者，满洲瑞君裕如名丰，明敏开通，与余一见如故，因订交焉。

清光绪二十七年（公元一九〇一年）辛丑 三十七岁时正与各国议和，余随办和约事宜，仍兼在户部办事，劳顿殊甚。

四月间，同谱世伯先兄简放浙江衢州府知府，把酒话别，不觉相对流涕。盖交情深挚，兼在患难之后也。余家由王佐胡同，迁至东城新鲜胡同绍宅。叙五、越千两丈接待殷勤，深为可感。

七月间，和议大纲初定。奉旨派醇亲王载灃为德国专使，户部侍郎那桐为日本国专使。盖因义和团前杀德国公使克林德，又杀日本国书记生杉山彬，故命往道歉也。那侍郎奏调参赞四人：顾君康民名肇新，蔡君鹭卿名源深，张君载初名德彝，陶君杏南名大均；又随员四人：诚君玉如名璋，来君忆亭名存，王君嘯侯名念曾，余亦与焉。七月十七日起程。二十日至上海。寄亭七叔，并姊丈许君弼丞、内兄郁君擷芳、内弟黄君玉儒等，均赴沪相候，欢然道故。余随那钦使住天后宫。

振谨案：先生有《奉使日本记》自注云：“代那大臣作”，载《茹经堂文集》卷六。又有《七叔寄亭公家传》载《茹经堂文集》卷五。

去年义和团难作，全家迁避后，余有两事至为迫切：一、前数年刻《陆桴亭先生遗书》及《周忠介公集》，板片藏琉璃厂龙云斋，未知曾否毁失；二、内子郁宜人及内弟黄彬瑞灵柩，停城东崇文门外夕照寺，未知曾否损伤。去冬往访，则均无恙，深为庆幸。至是印《陆子遗书》数十部，分送太仓同乡。又先期命家人李福，运送两柩回南。乃以葬务托寄亭七叔，一诺无辞，至为可感。

八月朔日放洋。四日至长崎，五日抵马关，六日抵神户，改乘火车至横滨；旋抵东京，住帝国饭店。我国驻日公使为李君木斋名盛铎，参赞黄君伯雨名以霖，亦紫翔先生门下士也，均赴车站欢迎。日本政府招待，亦极周至。

八月中旬，递国书后，游各处学校并博物馆。又往游日光山，秋色妍丽，风景绝佳，余特为文记之。

振谨案：先生此记原文载《国文经纬贯通大义》卷二。又略删节，载入《英轺日记》中。

日本立国，大抵效英师德。虽系帝制，而其大政均裁自内阁。近年以来，壹意整理海、陆军及工商事宜，翼翼乎日臻富强。其民外和易而心计极工。然厂肆林立，轨道四达，占农田颇多，米价腾贵，亦可虑也。语详《东瀛日记》中。

振谨案：先生此书尚未刊。

九月初，起程回国。余于五六月间用目过劳，已觉不支。八月间，目濡殊甚。归途至横滨车次，左目忽起黑翳，请日本医生左本隆资诊视。曰：“无妨也。”乃越日眼珠内陷；星期一后，竟无所见矣。

抵长崎后，改乘招商局新裕轮船。账房许君楚卿，太

仓同乡也，人极干练，照料周到。舟中忽遇表母舅陈君玉森、谱兄曹君夔一，并太仓同乡陈君子声，皆来游日本者。异国相逢，欢忭之至。玉森表母舅、夔一谱兄偕同人京。

回京后，仍供职户部、总署。户部各堂，派余帮办捐纳房。或以为优差，余心甚厌之。书吏来白事，余画诺而已。

时大局粗定，谕旨大裁书吏，廓清弊窦。检查云南司，书吏共三千余人。余与丹揆兄定期考试，实到仅四五百人，取定六十人。先期有老吏争于余前曰：“若果考试，吾辈将尽去。”余告之曰：“迩来时局变更，汝辈生计甚苦，不如改作他图。若虑无人办事，余能自为之。”老吏无言而去。各堂亦为余危，且谓终办不到，乃考试取定后，翕然无词。各司遂有仿行之者。

那侍郎因赴日本劳绩，奏保文治，奉旨赏加四品衔，以主事遇缺即补。

冬，总理衙门议改为外务部。设管部王大臣一人，尚书二人，侍郎二人，左右丞二人，左右参议二人。分设四司：曰和会司，觐见交际等事属焉；曰榷算司，通商关税等事属焉；曰考工司，路矿等事属焉；曰庶务司，教案等事属焉。分设每司郎中二人，员外二人，主事二人，计共二十四人。又候补员二十四人。旋简派庆亲王管部，王公夔石名文韶，瞿公子玖名鸿禧为尚书，徐公晋斋名寿朋、联公春卿名芳为侍郎，瑞君鼎臣名良、顾君康民名肇新为左右丞，陈君梦陶名名侃、绍君任庭名昌为左右参议。先期有人告余，庆邸将补余外务部主事，而户部那侍郎属瑞裕如谱弟告余，就户部为宜；并言捐纳房可连任二年，日后京察一等，可

望筒放。余以素性喜研究外交学，婉言谢之。旋赴外务部榷算司主事，得帮掌印差。至是不复赴户部，然余与裕如诸知交相离，颇觉惘然。

十一月，三子庆增生。字曰采生；号曰叔高。姊丈许君弼臣、友人王君沪生名开元来京，留住绍宅，相叙甚乐。

清光绪二十八年（公元一九〇二年）壬寅 三十八岁

是年五月，英国君主爱惠，将于伦敦行加冕之礼。爱惠者，英女主维多利亚之子也。维多利亚卒，爱惠即位。逾年，行加冕礼。先期外务部奏闻，奉旨派固山贝子衔镇国将军载振为专使大臣，赴英致贺。旋法、比、美、日本四国，均请载大臣前往游历，大臣，庆邸之长公子。为人开爽灵敏，干练有为，兼谦恭下士。庆邸询问外交部左丞瑞君鼎臣，孰可随往？瑞君以汪大燮与余二人对。于是载大臣派梁君镇东名诚为参议，汪君伯唐名大燮为头等参赞，黄君子元名开甲、杨君朗轩名来昭为二等参赞，余与陶君杏南名大均，李君佑三名经楚为三等参赞，刘君紫升名式训、吴君盈之名应科，潘君剑云名斯炽为翻译。余遂偕同汪君伯堂谒见载大臣，并检点外务部紧要公牍，预备带往。时各国使馆均邀请叙会，酬应尤繁。

二月，中葡界约议起。按照中葡旧约，有十年后修改之议，本年适值改约之期。葡使因去年新约赔款关系，中国整顿关税，实行值百抽五；而葡国因庚子年无损失，并未得有赔款，而葡商转受值百抽五之损失，故特来照会，声明须推广广东旧界，谓大孤、小孤等岛屿，系属于葡界

岛内范围，应均划归葡国管辖。各堂与丞参因葡使借端要求，词气强硬坚决，颇为棘手。余谓此事不难应付。按中国舆图，并无此岛属于彼岛之例，故十年前旧约，即系一定界限。如果彼此连属，则从前订约时，葡国何以绝无争论。现在自应遵守旧约，不必更改。至值百抽五，各国一律，与分界毫无关涉，不得因此要求也。右丞瑞君鼎臣闻之，大喜，立促余属稿照复。越数日，瑞君闻使馆中人云：“近来外务部办事，何以竟能强硬如此，葡使接复照后，致气忿成疾矣”。余谓瑞君，交涉事终须援据公法，准情酌理，不独对于弱国当然，对于强国亦宜如此。彼自无理，焉能不折服乎？

三月初四日，随同载大臣启行；是日适吾父生辰也。是晚抵天津，登招商局平安轮船。抵上海，住斜桥洋务局。表姊丈俞君隶云、表弟毛君艾生及各亲友均来接见，相叙尤欢。旋寄亭叔亦来，余请其赴京陪侍吾父，并校刻家谱先集，叔慨然应允，十四日晚，登英国公司班哥而船。十五日晨放洋，中途遇雾，十八日，抵香港。港地倚山为庐，分上、中、下三环，遥望之经纬井然不紊，爰悟古人量地制邑之法，大抵如此，益信古人造理字之精，盖细者为治玉，大者为制里也。抵新加坡，华侨欢迎者甚众，夹道欢呼，具征吾民爱国之切。有马来隅王亦登舟，其妃妾臣官均来送行，衣服礼制特殊，详《英轺日记》中。四月朔，抵锡兰岛之格仑埠。至海滨客馆午餐，清风徐来，与波涛声相赠答。相传为文殊降生地，其俗佞佛，其地产贝叶经，余购数页携归。自是由印度洋过红海。天气炎热不可耐。迨抵苏彝士运河，气候骤冷。旋达地中海。越二日，抵法国

马赛。略事休息即行。

振谨案：本年先生游英、法、比、美、日诸国，所经悉详《英轺日记》，已刊行。

四月二十二日，抵英京。英皇派专员偕中国公使张德彝等来接，住昔赛而客店。呈递国书后，随载大臣考察各处学校；以爱司福忒为最，距英京约二百里，分校共有数十处。名儒名相都出其中，洵大雅闳达之藪也。地近达迷斯支河，河中维舟数十，舟中书籍报纸咸具，为生徒课余泛舟消遣之地，人游其间，消去俗尘万斛矣。旋又游英京大藏书楼。楼中书架积长三十二英里，庋藏各国今古图籍三百余万种。东方书籍分中、日两大部。中国典坟，虽不尽备，然亦十得七八。殿本《图书集成》、《西清古鉴》皆有之。法国翻译微席叶陪余偕往，谓：“中国素号文明，今先生来游是邦，见欧洲识字人多乎？抑中国识字人多乎？”言次甚露骄色。余应之曰：“欧洲识字人固多，然中国识字人贵在躬行实践。譬如仁、义、礼、智，必有此四者，方可谓识仁、义、礼、智四字。奸、邪、恶、逆，必绝此四者，方可谓识奸、邪、恶、逆四字。我中国此等识字人固少，谅欧洲亦不多耳！”微有惭色，载大臣以为知言。时英皇患肠痛，经剖治，始渐愈。剖治之夕，英民至宫门问候者数千人。闻君主略痊，相率欢呼。巡捕亟告以君主须静养，毋哗。一语之后，众声寂然，西国人心固结如此。

五月二十五日，由英京起程，赴比谒见比王。年已七十矣，步行答拜，见余尤极殷勤。导观其起居书室，共楼五大楹，图书满架，问余中国学术，研求精细，君主而

不脱书生气，亦罕观矣。在此勾留旬余，临行比王赠载大臣宝星，并赠余四等宝星。六月初八日，赴法京。旋考其议院制度，又游拿破仑庙，庙傍罗马教堂，式极阔敞。又游也鲁铁塔，塔占地数亩，下广上锐，高三百迈，当合中尺九十四丈。俯视齐烟九点，路衢如罨，盖极欧洲最高处矣。又游巴黎旧城之大树林。法语译音，谓之波哇，广可得二十里。丛阴罨霭，清流映带，小艇数十，藏树荫中，微闻人语。小桥有客独坐垂钓，绝似江南风景。中设茶座，几凳皆文绿；异方之乐，啁晰并奏，心旷神怡，几忘人间世也。阅数日，闻法国因新易政府，更定学堂规制，不准男女教士充当教习，并将教士遣归乡里。有不愿归者，则令转徙他国。吁，法人以宗教立国，然近时重学轻教如此，良足法矣。在法濒行时，法总统赠载大臣宝星，并赠余四等宝星。六月二十七日，由法京巴黎起行，抵沙滩屯海口。二十九日，登英公司山博而轮船，渡大西洋。七月初六日，抵美国纽约海口，住华得夫客店。纽约街道宽阔，房屋崇宏壮丽，高至四十层。余始谓其国之富饶在于善贾，而不知其农事为地球之冠，乃天产之利也。时美总统在艾士打湾避暑。载大臣往谒，属余辈在纽约小住。旋乘火车赴温哥华海口。中途树林阴翳，农人黄冠野服，偶有红种人杂处其中。遇早餐时，停车略一游览，野草鲜花，别饶风景。车行六日，始抵温哥华。该埠为通商要地，客寓虽不若纽约之华美，亦极阔敞。十五日，登英公司日本皇后船。过维多利亚埠，舟行太平洋计半月，至二十九日，抵日本横滨。旋抵东京，住上野行宫，地名精养轩。越日，随载大臣觐见日本明治

皇帝，威仪整肃，语言不多而均中窾要，洵英主也。桐城吴挚甫先生名汝纶，考察学务，适在日本，不期而遇，至为欢洽。屡次相约夜谈，论古文源流，并曾文正行谊宗旨甚晰。时值有查办学生事，吴先生力主和平。余因白载大臣办折覆奏，颇得体要。重游日光山。临行时，日皇赠大臣宝星，并赠余四等宝星。八月十八日，由日启行。余请假返苏扫墓，与杨君朗轩同舟赴沪，颇不寂寞。

振谨案：先生有《桐城吴挚甫先生文评手迹跋》，详载吴先生论文之语，编入《茹经堂文集三编》卷五。其略云：“先生曰，读文之法，不求之于心，而求之于气；不听之以气，而听之以神。大抵盘空处如雷霆之旋太虚，顿挫处如钟磬之扬余韵。精神团结处则高以侈，叙事繁密处则抑以敛，而其要者，纯如绎如，其音翱翔于虚无之表，则言外之意无不传，乐记师乙所谓上如抗，下如坠，曲如折，止如槁木，累累乎端如贯珠，皆其精理也。知此则通乎神矣。”“又为余言‘文者天地之精华，牢笼万有，靡所不该；贵在独立，不当偏滞一隅。君文理气太重。夫以理为学，固美矣善矣，若以理学为文，动杂以阴阳理气之说，则易入于肤庸而无变化，其弊与考据家之支离，词章家之浮靡，异体而同讥，宜洗涤之。’余大心折。如是者纵谈三夜不倦，朋僚窃听，莫敢赞一辞。”

八月杪，回太仓，盖十年未归矣。王师自丁忧服阙后未出山。谨往谒见，并献六十寿序一篇。盖去年在京师抽暇所作，亲自缮写者也。越日，赴浏河扫墓，瞻拜松楸，不胜依恋。顺道赴新塘市，谒郁氏岳父墓。旋回城，至西

门外吴塘桥谒外祖父墓。时五房鑫甫叔去世甫逾年，婶母茹苦守节，忽闻蜚语愤甚，悲惨之余，自缢殉节。余大惊叹，出资经理其丧，草具事实请旌。逾年，作碑文以记之。

振谨案：先生所作《二叔母徐孺人墓志铭》载《茹经堂文集》卷五。

九月初，抵京。八万里回家，双亲无恙，七叔父亦在京，相见欢乐。时宗谱及五世祖吟秋公遗稿，高祖墨池公杂著均已刻成，欣慰之至。余仍回外务部供职。载大臣因赴美劳绩，奏保文治以知府记名简放。余公务之暇，为载大臣编《英轺日记》成，进呈御览。

振谨案：先生代清固山贝子载振编《英轺日记》共十二卷。欧美风教，沿途景物，详载靡遗，择善讽行，尤具深意。光绪二十九年二月，由上海文明书局印行，近已少传本。其序文并载《茹经堂文集》卷四。

十二月，山东泰安府知府出缺。时辖境适有教案，闻庆邸将以文治奏请简放。定兴鹿芝轩相国名传霖，以他部中尚有资格较深者，阻之，乃止，未始非余之幸也。

清光绪二十九年（公元一九〇三年）癸卯 三十九岁

正月，庶务司主稿沈子培先生简放知府，余继其任。每八日须进大内一次，见各堂官呈递奏牍要电等，虽极劳苦，然阅历公事，获益甚多。

四月，引见，补和会司员外郎。

辑录许公竹筧出使奏疏函稿成。公被难后，义和团劫掠其家，书籍著作，被毁一空。余自去年回国后，即出资

属外部供事员检觅旧档，将许公奏疏函牍悉行钞出，详加选择，得奏疏二卷，函稿十二卷，付诸铅印以传。非特报知己之遇，亦以阐潜德之幽光也。

振谨案：先生有《许文肃公遗集跋》，载《茹经堂文集二编》卷五。

刻《庚星遗稿》、《玉峰遗稿》成。庚星为余总角交，玉峰为余最初弟子，鸿爪雪泥，聊志纪念。时南中姚柳屏诸君议刻邵君心炯《艾庐遗稿》，余亦助资刊成之。

振谨案：先生有《陆庚星遗稿序》载《茹经堂文集二编》卷五，又有《于玉峰遗稿序》，载同卷。

五月，考试差。题为“国有六职，论学堂以贮才致用，应如何预防流弊策”。

六月引见。补庶务司郎中。旋应试经济特科。先是两宫因时事艰难，诏开经济特科，广求人才。同乡陆伯葵师奏保十二人，余与丹揆兄均与焉。至是考试，首二场均试时务策二道。首场余名列二等，二场未录取。伯葵师深以为惜。盖其时余目疾已深，未能工小楷也。

七月，代载大臣议复候补三品京堂张振勋条陈商务折。张系华侨，粤籍富商，报效巨款，奉旨以三品京堂候补。张乃条陈商务利弊，奉旨令载大臣议复。余为拟稿，逐条奏覆，计共十二事，约二万言。奉旨俞允（原文存奏稿内）。

振谨案：此疏载《茹经堂奏疏》卷二，略谓：“窃维近世之言理财者，莫不以振兴商务为急。而不知商之本在工，工之本又在于农。何者？盖商必有其为商之品物，无工则无以为商也；工必有其为工之质料，无农则无以为工

也。故欲求商务之兴盛，在先求工业之精进，欲求工业之精进，在先求农事之振新。”“农工商三者并重，而握其枢于商部……应请先行特简大员开办商部，俾大纲既立，条目秩如。”

八月，设立商部。简载大臣为尚书，伍君秩庸名廷芳为左侍郎，陈君玉苍名璧为右侍郎。

八月中旬，奉旨简徐世昌为商部左丞，文治为右丞，绍英为左参议，王清穆为右参议。方载大臣任尚书后，招余至府第，密告庆邸将保余为商部右丞。余以骤跻显位，大非所宜，外交学已研究数年，不愿离外部，且商务向未熟谙，极力坚辞。尚书告余，庆邸以余不愿就，意滋不悦云云。余不得已，以此事宜恩出自上，仍望邸堂斟酌。越日，旨遂下。召对一次。遂假顺天府左近房屋，作为商部公所。一面在西城粉子胡同觅购房屋，改建衙署，诸务草创，忙碌殊甚。

九月，拟定《商部章程折》。分设四司：一曰保惠司，专司商务、局所、学堂、招商一切保护事宜；一曰平均司，专司开垦农务、蚕桑、山利、水利、树艺、畜牧一切生殖之事；一曰通艺司，专司工艺、机器、制造、铁路、街道、行轮、设电、开采矿务，聘请矿务师、招工诸事；一曰会计司，专司税务、银行、货币、各业赛会禁令、会审词讼、考取律师、校正权度量等事宜。此外设司务厅，专司收发文件、缮译电报。所有官制，悉照外务部定额。同时又拟定《声明商部办事权限折》，奏上，均奉旨俞允（原文存奏稿内）。当即考取司员四十八名。载尚书派定掌印主稿，内

以熙君隽甫名彦，祝君芷生名孝复，毛君艾生名祖模、胡君劭介名祥鏊、陶君杏南、单君束笙名镇、王君干臣名大贞、阮君子衡名惟和为最得力。舆论以为商部人才，极一时之选焉。

振谨案：以上两折均载《茹经堂奏疏》卷二。

是月，宣布商政宗旨，以保护商民，开通商智，厚结商力，体恤商艰，培植商家元气，减轻担负，不苛扰、不干涉为主要。堂司各官均宜束身自爱，不得自营商业，借图私利。然司官中，尚有苞苴求差者。有某藩司之子来馈二百金，并持某尚书函，求得帮主稿。余怒甚，立即掷还。遂宣言倘有纳贿求差者，当令严参，其风始息。

十一月，徐君菊人改派练兵大臣，奉旨简文治为商部左丞，绍、王二君以次升转，杨君杏城名士琦为右参议。维时杨君兼任招商、电报两局总办，留沪办事。

清光绪三十年（公元一九〇四年）甲辰 四十岁

我国商情涣散，余意非尽力提倡，断难振兴。爰拟定“订立商勋折”，计分五等优奖，以励实业，并拟《请设农工路矿各项公司片》。奏上，均奉旨俞允（原文存奏稿内）。载尚书奏保张君季直名誉为商部一等顾问官。

振谨案：《订立商勋折》载《茹经堂奏疏》卷二。《请设农工路矿各项公司片》载同卷。

陈君玉苍，前在顺天府府尹任内，曾开办京师工艺局，在顺治门外四眼井，分纺织、磁器、玻璃、木工等科。虽不完备，而收养贫民，用意极善。至是改归商部管理。

二月，奉旨调伍君秩庸为外务部左侍郎，顾君康民为商部右侍郎。顾到任后，旧雨相逢，欢洽之至。

六月中，在颐和园召对一次。皇太后垂询商务甚详，并谕：“汝能廉洁办事，亦很好。”此后召见，迭蒙温奖清廉，闻之悚惕。

议设高等商业学堂于西城祖家街。租屋开办。奏请以绍君越千为监督，陈君石麟为教务长。考取学生王兼善、姚履亨等一百余名，族弟静之名文寿，亦与焉。学生宝山张公权名嘉璈、金候臣名其堡、松江项激云名镇方、阮介藩名尚介等，均来受业。

七月，哭翁叔平师。师自戊戌被贬回籍后，杜门不出。辛丑年，通音问一次。余入商部后，闻师对人言，每以余不谙商务为虑。本年五月，遽以疾卒，噩耗传来，痛心何极！谨挽一联云：“公之平生，司马君实；我有知己，欧阳文忠。”嗣后作记文一篇，叙公被谪之由，俾后之君子知所考焉。

振谨案：先生所作《记翁文恭公事》载《茹经堂文集》卷六。

冬，奏派参议王君丹揆，赴江浙等省考察商务。

议设总商会于北京、上海两处，再就汉口等处，次第推广。余草拟奏稿并简章二十六条，大要在通商情、保商利、有联络而无倾轧，有信义而无诈虞。而其办法，重在剔除内弊，考察外情，庶几商政得以逐渐进步。载尚书深为赞成。奏上，召见文治垂询。皇太后意极游移，文治对以商人均有资本，决无流弊。太后始释然，遂邀俞允通行。北京首设商会，载尚书属余莅会演说，从此商人乃知互相团结矣。

商务为国家命脉，提倡之责，惟此稍尽心焉尔。

振谨案：《请设立商会折》载《茹经堂奏疏》卷二。

清光绪三十一年（公元一九〇五年）乙巳 四十一岁

正月，粤商张弼士入都，请办三水佛山铁路，并在山东开办葡萄酿酒公司。余为具奏，邀准。张濒行馈余二千金，余辞之，至于再三，张滋不悦，则严却之。其后粤商张煜南请办潮汕铁路，闽商林尔嘉请办福州银行，均馈巨金，一律峻拒。

三月，沪商夏瑞芳呈请设立商务印书馆，又虞辉祖呈请设立上海科学仪器馆，均批准立案。旋接瑞安黄仲弢学士名绍箕书，谓外人现筹集巨资，拟到中国广售图书仪器等。虞商资本有限，势不能敌，请在轮电两局拨官股接济云云。爰咨商管理轮电大臣袁世凯咨覆，未能照准，深为可惜。

振谨案：黄仲弢学士与先生原函，见《鲜庵遗文》之一。

六月，左侍郎陈君玉苍调署户部侍郎，奉旨以文治署理商部左侍郎。

七月，上《请设立勘矿总公司，以保主权折》。奏上，奉旨俞允（原文存奏稿内）。

振谨案：此折载《茹经堂奏疏》卷三。又同卷有《请筹拨勘矿总公司官股片》，亦乙巳七月所上。

编订《商律》成。

维时官制腐败，事权不一，动多牵制，爰拟《请改定官制折》。奏上，留中。

振谨案：此折载《茹经堂奏疏》卷三。

八月初，奉旨派载泽、端方、戴鸿慈、尚其亨、绍英五大臣，赴各国考察宪政。启行之日，余偕商部同人赴正阳门外车站送行。五大臣甫登车，余等正在车外接谈，忽轰然一声，车中炸弹爆裂。幸余所立之处，距车一丈许，并未受伤。当即至车站客厅内，飭人详细查问，始知有革命党某（后询知为安徽吴姓）施放炸弹，其人已死车中。绍大臣受伤颇重，随员中有萨君霁谦名荫图受弹子伤数处，载大臣之侍卫炸去一臂，幸未死，均送中医院。送行者伍君秩庸在车旁，震倒于地，两耳皆聋，亦入医院。载大臣等暂归。越数日，始行。

时因风气日开，外侮日亟，穷变通久，不得不为先事之谋。爰拟《请立宪折》，奏上，留中。

振谨案：此折载《茹经堂奏疏》卷三。先生自注云：“上此折时，以为切实施行，可挽危局，不意因循敷衍，数年之后，竟致沦胥。呜呼！其可痛矣。”

十月，派司员吴振麟、魏震等数人，赴东三省考察各种实业。余意通商实边，当自东三省迤西，至内外蒙古，以达青海、西藏，以汽车、矿业两公司为根本，以他种商业为后盾。如此则北京一区，如背之有椅，可以高枕无忧。先派员调查，再筹办法。不意阻挠者众，迄未能实行。爰草具《兴办东三省要政奏稿》呈总宪陆伯夔师。则大黻之，为代上，格于部议，其事遂寝。可痛也。

振谨案：先生所拟兴办东三省要政奏稿，载《陆文慎公奏议》中。题为《请飭东三省速举要政折》，共列十项：一、经营营口；二、疏治辽河；三、采掘抚顺炭矿；四、监理

东清铁道；五、赎回安奉铁道及新奉铁道；六、设置大连海关；七、预备十八处通商口岸；八、勘视间岛；九、平靖胡匪；十、收回辽东法权。均分晰利害，胪举办法。未谓“俾东三省不致为朝鲜、埃及之续”可谓痛哭流涕而道之。今竟不幸而言中。先生徒获先见之明。无怪乎先生每谈东北之事，未尝不太息痛恨不置也。

奏请以丁君衡甫名宝铨，周君舜卿名廷弼为商部顾问官。丁君，己丑进士，山阳人，品行峻迈，开通明敏，长于政治学。至是，与余相见如旧相识，遂通谱焉。尝喟然谓余曰：“时局至此，恐难整理。吾辈各尽心力而已。”并痛恶某当道，以为必不能免于祸，后官至山西巡抚。国变后，隐居沪上，无端被刺而死。余未悉其事实，故未为之作传。思之每怆然也。周君系铁业巨商，无锡人。

奏请于正阳门外设立劝工场，始事构造。

奏请将西直门外三贝子废园，改设农事试验场。余初意本拟购置外国农产各种子，如美国棉子、印度茶苗之类，逐一试验，令各省农人改良种植。乃自余离部后，当事者忽将试验场改作万牲园。可叹也。

是年，皇太后寿辰，赏大寿字一副、玉如意一柄。自署侍郎后，每遇令节，必蒙恩赐，如绸缎、普洱茶、春条等。文治每感极而叹曰：“恩礼如此，使臣工仆仆亟拜，曷若信用臣言，改良政治为愈乎？”

清光绪三十二年（公元一九〇六年）丙午 四十二岁
正月，四子庆永生，字曰师莱，号曰季长。

振谨案：先生有《四儿孝长字说》自记云：“此文成后，家大人因孝字已定为后代名，特命改为季长。仍存此文，作为家训云。”载《茹经堂文集二编》卷三。

举行京察大典。奉旨以文治补授商部左侍郎，召对一次。

三月，奏《请办商业模范银行折》。奉旨交户部核议，遂为所沮，未行（原文存奏稿内）。

振谨案：此折载《茹经堂奏疏》卷三。又同卷有《请调用人员设立贮才馆折》，又有《请遣派学生出洋片》，俱丙午闰四月所上。

六月，“议复北洋大臣政务处奏路务议员办事章程不无窒碍折”（原文存奏稿内）。初，商部奏设各省路务议员章程，颁行各省，不独佐商部耳目所未周，亦所以助各省疆吏之督察。乃北洋大臣袁世凯以为不便于己，极力反对，奏请飭商部将章程删改。余因复奏申明理由。同僚以为不宜开罪于袁。余谓事上治下，当明大体，非与袁争权也。折上，留中。

振谨案：此折并附录北洋大臣袁世凯原奏折，均载《茹经堂奏疏》卷三。陈石遗先生撰先生全书总叙，所谓其与直督袁氏争议路务折，侃侃不挠，允为必传之作者也。又同卷有《请设各省农工商务监督以兴要政折》，亦丙午六月所上。

王丹揆兄患胃病甚剧，余为照料一切。至六月中，忽奉旨简放直隶按察司。盖有人忌商部办事精勤，欲去载尚书之左右手也。丹兄遂假归，不赴任。

九月，载尚书奉命，偕徐菊人赴东三省查办事件。奉

旨改商部为农工商部，简文治署理尚书。自维责任愈重，报称愈难。具折谢恩后，召对二次，皇太后益加勉励云。

振谨案：此折载《茹经堂奏疏》卷三。

送载尚书赴东三省，临别依依。尚书嘱将东三省来往要电，由余转饬司员王大贞译送邸第，以期慎密。

劝工陈列所落成。外省送来土产、人工物品极多。载尚书前派司员陆君芝田名大坊、祝君紫升名瀛元管理，当于十月朔日行开幕礼。奏明后，召对一次。

奉旨将工部归并农工商部，接收案卷一切，甚为忙碌。所有工部旧员均须设法位置，幸前任工部尚书陆凤石先生名润庠遇事详晰指示，有令尹子文之风，余因得办妥无误。奏明后，召对一次。

振谨案：先生有《纪陆文瑞公事》载《茹经堂文集》卷六。

十一月初一日，吾母病作。盖初时患半身不遂之症，卧床已十年矣。至是患全身作痛，后患痰涌气喘。福建力君轩举名钧，御医也，随载尚书赴东省，急电请回京诊治。渠云无妨，乃服药后并不见效。

十二月初，载尚书回京，余遂不复到署，一意侍奉汤药。初十日后，病愈剧，不能言语。至二十一日辰刻，吾母竟弃不孝而长逝矣。呜呼痛哉！照料殓殮，一切皆赖同乡陆君勤之名起及李生颂韩之力。载尚书来吊。执余手陨涕云：“余不啻断一臂矣！”诸王公及各部大臣中，如肃邸，泽公，喀喇沁王，那公琴轩，鹿公芝轩，孙公燮臣，陆公凤石，皆亲来吊唁焉。

振谨案：先生有《先妣胡太夫人事略》，载《茹经堂文集》卷五。

清光绪三十三年（公元一九〇七年）丁未 四十三岁
正月，先妣出殡于长椿寺。租屋三间，颇因敞。同部诸君咸设路祭，痛心曷已！

二月杪，由京扶柩起程。王仲虎谱弟名曾武送至天津，许弼丞姊丈送回太仓，情谊均极可感。抵津后，乘新裕轮船，一路平顺。抵沪时，寄亭七叔父、扑丞弟、俞隶云表姊丈及各亲友等，均在码头迎接。顾大姑母及大表姊等，上船来吊，皆痛哭失声。旋雇小船，拖带至太仓。入城，住隆福寺设奠，即扶柩至浏河二十都二图扬子泾先莹，安葬于再昭穴。送葬者七叔父等二十余人，襄葬者吴健候母舅、许君叔明也。计石灰一百担，用一成沙，二成土，七成灰拌匀。铺三寸为一作，土工十人，用木槌轻打之，三寸打成一寸，则一作工竣矣。俗谓之白云葬。余庐墓数日，监视工人事毕后，痛哭别墓，偕弼丞姊丈回京。四月抵京，幸吾父康健，行虞祭礼。

五月，载尚书为人参劾，怏怏辞职。奉旨以溥仲鲁尚书名颀代之，亦宗室也。论者谓农工商部一蹶不振矣。

是时立宪并未实行，大局岌岌可危。南皮张香涛制军名之洞，项城袁慰亭制军名世凯，皆入赞军机。余叹曰：国力尽矣。著《蓄艾篇》二卷，上之庆邸，闻者皆莫之省。

振谨案：先生此书未刊。

七月，编《曾子大义》，先成二卷。第一卷为《孝经》，

第二卷为《论》、《孟》中曾子语。此外，拟编《大戴礼记》中曾子十篇，《小戴礼记》中《曾子问》、《大学》二篇，及经、子中曾子语，以完曾子二十篇之旧。

振谨案：第一案《孝经大义》已刊入《茹经堂全书》中。博采旁稽，详演申论，剴切透达，令人读之，孝悌忠顺之心，油然而生。盖先生用意所在，非徒疏释文字而已。第二卷尚未刊。余未完成。《礼记大义》、《大学大义》则别为专书。

溥仲鲁尚书亲来请余为北京实业学校监督，坚辞之。铁宝臣尚书名良，欲请余为北京贵胄学校监督，亦婉辞之。

七月，谱兄世伯先之丧归自安庆。伯先与余患难之交，一麾出守，洊升安徽藩司，乃因患痼病，遂不起。余往吊之，不禁哭失声焉。

八月，邮传部陈玉苍尚书奏请派余为上海实业学校监督（原名南洋公学）。因念吾父年高，思乡綦切，因允就职。陆伯葵师为吾父饯行，情意惓惓。九月初旬，奉吾父南归。送行者桂月亭尚书名春，及汪君伯唐、胡君劭介诸人。到沪后，暂住俞隶云表姊丈家。旋赴徐家汇实业学堂，就监督职。时教务长为冯君玉蕃名琦，斋务长为梁君巨屏名业，庶务长为周君子衡名铨，附属小学主任为林君康侯名祖潜。学生约三百人，小学生约百人。因前任监督久不到校，颇形废弛。爰力加整顿，并请寄亭七叔襄助庶务，李生颂韩为国文教务主任。旋电请农工商部派学生杨锦生等六名，赴美国学习商科。

清光绪三十四年（公元一九〇八年）戊申 四十四岁

正月，回浏河省墓。墓前始立旗杆二，七叔父及表兄朱君诵六名之经代为经理。松楸无恙，可感也。

实业学校旧设普通工程科，特为改设铁路专科。教务长冯君玉蕃，庶务长周君子衡辞职，请梁君巨屏为教务长，嘉定夏君蕉钦名曰璣为庶务长。又于星期日设国文补习课，余亲自上课教授。

是年，浙路风潮甚急。先是商部奏请建设沪杭甬铁路，派王君丹揆为监督，山阴汤君蛰仙名寿潜为经理。蛰仙，余壬辰同年也。至是英公使言于外务部，谓沪杭甬路与沪宁路并线，按照沪宁合同，应归英人承造，不得由中国人自造。浙人大愤，蛰仙争之尤力。余为之疏通。幸庆邸坚持，仍由中国商人集股自办，以保主权。

八月，江苏教育总会举余为会长。会设上海西门外林荫路。会中同人如杨君翼之名廷栋，雷君继兴名奋，沈君信卿名恩孚，吴君畹九名馨，皆极一时之选。

十月中旬，忽闻皇太后升遐之耗。感念恩遇，曷胜痛悼！而皇上薨逝，在皇太后仙驭前二日，尤可疑也。谨赴上海道署哭临三日。旋廷臣议尊号，皇太后为孝钦显皇后，皇上为德宗皇帝。皇太后遗诏，命醇亲王载灃为摄政王。大行皇帝无嗣，立醇亲王之子兼祧穆宗毅皇帝为嗣。呜呼，国家之变，至此而极矣！闻皇太后真冷时，初，命庆邸摄政，庆邸力辞，此盖气运使然，非人之所能为也。

是年冬，请陆君规亮名瑞清为实业学校斋务长。

清宣统元年（公元一九〇九年）己酉 四十五岁

是年，改元宣统元年。

二月二十一日，释服。白驹过隙，痛心无已。作《大孝终身慕父母论》三篇，附《孝经大义》后。

振谨案：先生所作《孟子大孝终身慕父母论》三篇并载《茹经堂文集》卷一。

三月，随吾父回浏河省墓。

总宪陆伯葵师谥文慎公之丧，归自京师。公因世变多故，郁郁不得志。去年八月，竟以疾卒。其平生气节凛然，有古大臣风。爱才极笃，待余尤厚。临别饯行时，忽语吾父曰：“吾恐不能见君矣！”旋握余手，谆谆以身后之名相属。方共讶其不祥，而不意其竟为先兆也。其长公子芝田扶柩归，余往迎于轮舟之中，抚棺大恸焉。

夏，设立电机专科，请美国人谢而屯为科长。中国学校之有电机，自此始。并定每年选派路电两科毕业生，入美国大学肄业。

秋，苏抚某公因省库支绌，倡征银解银之议。余因民间无现银，折合火耗，吏胥上下其手，剥蚀小民，为害滋大。电达政府，力争之，得罢。

太属诸同乡举余为太仓中学监督，余因未能常驻校中，请同乡朱君叔子名文熊为主任。学生约二百人。余并在太仓设立艺徒学校，分木工、织工两科，友人蒋君仲经担任经费，不足，余捐资补助之。（后数年蒋君歿，改为工艺厂。）

十月间，三儿庆增患伤寒病甚剧，屡濒于危。延陈君莲舫诊治。陈为松江名医，住朱家阁。

冬，编《国文大义》成。先是余上课，苦无国文教授善本。爰随讲随编，普论大义，分才性、理气等凡二十余门。书成分二卷。

振谨案：先生此书已刊入《茹经堂全书》中。

清宣统二年（公元一九一〇年）庚戌 四十六岁

正月，三儿脑背复生外症。时虚弱已极，头足均不能动。本校职员叶君晴峰荐沪医夏君荫堂名绍庭诊治，竟获痊愈。合家相庆，以为死中得生云。

三月初四日，为吾父七十寿辰。命勿称觞，而送礼者络绎，吾父心甚厌之。命余携带大儿庆治，并请西席徐君兰孙名福墉，于初二日早，偕赴西湖，住昭庆寺，游灵隐诸名胜，尘襟一涤，天伦之乐无穷也。初十日，返沪。

苏提学使樊介轩先生名恭煦，偕弟曹君叔彦来沪，请余为苏州存古学校史学教习，余因史学非所长，辞之。先生与叔彦坚请不肯去，不得已，允其寄卷评阅。旋赴存古学校讲学一日，勗勉诸生。

军机大臣袁世凯获谴，奉旨开缺回籍。

夏，在实业学校对门购定房屋，设立商船驾驶科，请英国毕业生夏君应庚名孙鹏为科长。

江苏士绅举余为地方自治总理，以蒋太史季和名炳章、朱太史锡百名寿朋为副。余因地方自治无领袖，颇为危险，爰往就职。自治筹办处，设在苏州五百名贤祠对门，莲池环绕，地极幽雅。驻办为观察夏剑丞名敬观，太守陆勉斋名懋熏，各县参议贤俊之士甚多。余即借寓名贤祠中。往

见苏抚瑞君莘儒名澂；又见臬司左君子宜名孝同，文襄师之少子也。谈甚款洽。是后，余每月赴苏一次。

上海图书公司印《曾文正公手书日记》，挽林君康侯来乞余为序。余恨未及文正之门，常服膺而私淑焉。爰本斯意作序一首，目疾甚，勉强亲书之。

振谨案：先生所作《曾文正公日记序》载《茹经堂文集》卷四。

王紫翔师之太师母张太夫人贤而多才，著有《三省楼诗稿》，余谨序而印行之。王师心甚慰。

振谨案：先生有《三省楼剩稿跋》载《茹经堂文集二编》卷五。

陆文慎师在御史台时，严参权贵，又劾太监李莲英，直声甚著。余嘱陆世兄芝田寄奏稿来，残缺不全，为之潸然。厘定二卷。谨序而印行之。

振谨案：先生所作《陆文慎公奏议序》载《茹经堂文集二编》卷五。

是年冬，辞太仓中学监督。请辜君汤生名鸿铭为实业学堂教务长，陆君勤之为实业学堂庶务长。

军机大臣南皮张公香涛卒于位。张为一代名臣，闻之感叹。其绝命诗云：“南人不相宋家传，自诩陈桥识杜鹃；辛苦李虞文陆辈，终随落日堕虞渊。”可异也！

清宣统三年（公元一九一一年）辛亥 四十七岁

正月，接邮传部电，嘱在吴淞炮台湾建商船学校。余亲往相度地势，命工师绘图。克日兴工，请陆君勤之监造。

八月，竣工。

四月，汪君伯唐来沪。汪时为驻日本公使，见外侮日亟，国势阽危，特回国招余与张君菊生在张宅密议救国之策。议定请醇邸奉皇上赴英美求学，请庆邸当国，多招贤士大夫为之辅佐，或可挽国运于万一。公推伯唐赴京条陈其事。乃伯唐抵京后，醇邸仅召见一次，伯唐痛切敷陈。醇邸曰：“现有海陆军，何有外侮？”伯唐曰：“中国海陆军其可恃乎？”醇邸遽曰：“汝去！”伯唐出语同朝，皆莫之信，甚有以为无病之呻吟者。伯唐废然赴日本，乃知国事万不可为矣。

夏，招考商船学校新生，报考者三千人，拥挤不堪，计专科及中学共取一百八十名。常熟翁君寅臣之世兄某，程度较低，余勉欲录取之。夏应庚以为不可，因摈去，心甚歉然。旋请庄君思缄名蕴宽为商船学校庶务长。

八月，国变事起。初，川汉铁路国民欲收回自办，政府欲借款开办。令有违抗者，格杀勿论，盖用盛宣怀之策也。于是人心大去。适两湖总督瑞澂穷治革命党，军人遂拥戴黎元洪起事。瑞澂逃亡，各省响应独立，遂议改共和政体，不及二月，已遍全国。满人良弼、凤山皆为党人炸弹所毙，其势汲汲不可终日。庄君思缄来，出示伍廷芳等电稿，请求皇上逊位，邀余列名，余叹曰：人才不用，国运尽矣。欲保全皇室，不得不出于此，遂附名焉。后王师深咎余，以为不应列名。沈子封师亦深以为非，见于辞色。后数月，俄国革命，俄王尼可来不从，为国人枪毙。孤臣耿耿之心，当可白于天下后世矣！

九月，在无锡西溪建筑新屋落成。其地本为周君舜卿

所有。余以三千金购之，三月间动工，并建家祠一幢于屋之东北，至是工竣。吾父因乱事方殷，仍居上海。

冬，编《古人论文大义》成。自韩退之始，至吴挚甫止，凡三十家，共分二卷。助余搜辑者，李生颂韩之力为多。

振谨案：先生此书，已刊入《茹经堂全书》中。

民国元年（公元一九一二年）壬子 四十八岁

正月十二日，吾父徙居无锡新屋。余随侍至锡，旋回上海。暂离膝下，不胜依依。是后，遂时往来申锡间，悔不建屋在上海也。

商船学校学生公奉萨君鼎铭名镇冰为校长。萨本海军提督，长于驾驶。余即往迎，以学款、房产等悉交与之。

去年国变，暂改实业学堂为南洋大学。春间，秩序稍定，而校费无着。余因偕陆君勤之赴京，晤交通部（时改邮传部为交通部）总长施君植之名肇基面商。施因无款可拨，嘱动用本校存款，并改名为上海交通部工业专门学校云。在京住许弼丞姊丈家。谒陆凤石相国，时为内廷师傅，殷殷话归，相对歔歔。为余写“唐氏宗祠”、“行素堂”匾额各一。是时庆邸在天津，未及往谒。晤绍越千丈及农工商部旧同僚，均依恋不舍。京师气象，腐败已极。余小住数日，即回上海。

四月，办太仓等处水灾赈务。余自京回南，即赴太仓省墓。某日在舟中，黎明未起，梦中忽闻岸上人语曰：“某家卖妇，得二十四元，可怜，某夫仅得十二元耳。”余惊醒，命停舟觅其人，已不可得。舟子，常熟人也。余问曰：“常

熟去年荒象如何？”舟子曰：“噫！近时乡人家多食豆皮。有一家三人，饿垂毙。邻人为之借米煮粥，粥成，而三人气均绝矣。”余闻之堕泪。回沪商诸李君平书名钟珏，捐米一千石，又募洋一千元。即分散太仓、常熟、昆山、无锡四处。太仓请王君焯甫名乃昌主其事。王君办赈，极为切实。

夏，请胡君振廷名栋朝为教务长。胡为美国康奈尔大学铁路科博士。相见后，欲从余治国文，因执弟子礼，亦难得之士也。

著《人格》成。余初欲作校训，后因胸中欲言者甚多，爰著此书，定子弟学生师友等凡五格，为一卷（后数年又增军人格）。

振谨案：先生《人格》一书，示人以立身处世之标准。上采周秦以来圣贤诸子，下逮宋元明诸儒之论说，加以浅显疏解，允宜家弦户诵，手置一编也。已刊入《茹经堂全书》中。

冬，编《国文阴阳刚柔大义》成。本曾文正古文四象，发挥其义，又别选古人文以广大之，颇为详尽。

振谨案：阴阳刚柔之说，创于姚姬传氏；曾文正继其说而大昌之。先生则综二家之说论之而更进焉。曰：“凡人之情性气质，毗于阳者，阴亦寓焉；毗于阴者，阳亦寓焉。天地之道，阴阳之气。常相胜而相争。惟明于消息之故者，察其偏而调剂之；且因其偏而善用之。善验古人文之神与气，亦若是而已。”所编《国文阴阳刚柔大义》八卷，选《周易》、《尚书》、《诗经》、《论语》、《孟子》、《国策》、《庄子》，贾生、董生、司马子长、杨子云、班孟坚、韩退之之文，而

分注阴阳各名于其下。陈石遗先生撰先生全书总叙，称为论文之至精而无弊者也。其绪言，并编入《茹经堂文集三编》卷一。

民国二年（公元一九一三年）癸丑 四十九岁

二月，家祠始行春祭礼。寄亭叔父来助祭。筑爱莲、坐花二亭成。爱莲为高祖考墨池公别号；吾父手书亭中匾额，思祖德也。坐花亭，吾父所题名，桐城吴芝瑛女士为书匾额。时布置苟完矣。

夏，建造电机试验厂。余先在工业学校上院北，设立机器厂，规模甚隘，其后略加扩充，至是购买电机，价约数千元，别设电机厂，请科长谢而屯主其事（以后逐年增购机器规模略具）。

冬，编《论语大义》成。采用朱注，别下己意为小注，取简单以便初学。又探先圣精意，作大义二十篇（此后删改数次乃成定本）。

振谨案：先生此书，已刊入《茹经堂全书》中。其《乡党》、《微子》、《子张》三篇大义，并载《茹经堂文集》卷一。

十一月，适顾氏大姑母去世。姑丈顾叔英先生先卒，姑母无子，依表姊丈俞君隶云以居。歿后，吾父哭之恸。殡葬一切，皆隶云兄伉俪料理。余送殡至太仓。

民国三年（公元一九一四年）甲寅 五十岁

春，为诸生讲《易》，采用《程传》，并项平甫先生《周易玩辞》、《御纂周易折中》及近代《易》师说。拟编《周

易大义》，先作《易微言》三篇，寄曹叔彦谱弟指正。叔彦亦寄余“易”笺稿本，互相质证。

振谨案：先生前后所作《易微言》俱已编入《周易消息大义》中。

五月，大表姊俞母顾夫人去世，余中表兄弟姊妹共七人，而俞夫人最长，贤而多才，能诗文，幼时，最为先妣所爱赏。乃因外症遽不起。幸三月间，表甥凤宾名庆恩，已从美国游学归。其幼女庆棠，即余聘媳也，哀毁特甚。余为文以祭之。

振谨案：先生所作《祭表姊俞母顾太夫人文》载《茹经堂文集二编》卷九。

六月七日，女庆婉生。

八月，送大儿庆诒赴美国比洛欧大学肄业；科长谢而屯所介绍也。时庆诒年甫十七，甚幼稚，吾父意颇怅快。幸时得安稟，以为慰。

冬，编《孟子大义》、《梁惠王》、《公孙丑》、《滕文公》三篇成。仿《论语大义》体例，采用朱注，兼采张南轩先生《孟子说》。余别为传义，以谷梁释经法行之，颇有古致。每篇后，各附大义一篇。

振谨案：先生此书贯串群言，发挥新义，于孝弟人伦之本，出处取与之经，察识扩充之几，辟邪反正之道，不惮剴切敷陈。而尤注意者，则在剖析义理，警觉良知。又以《孟子》之文，笔阵纵横，兼采眉山苏氏、桐城方氏评语著于篇；于《孟子》道德文章之指归，可谓兼备矣。已列入《茹经堂全书》中，其《滕文公篇大义》等，并载《茹

《茹经堂文集》卷一。

民国四年（公元一九一五年）乙卯 五十一岁

春，仍为诸生讲《易》上经毕。阅姚配中先生《周易姚氏学》，深得先圣忧患之旨。又安徽陈世镛《周易廓》一书，汉宋兼采，亦颇精善。李生颂韩又得书贾送来《周易集解》钞本一巨册。其评语，原本汉易家法，极为精辨，惜其下册，已为他人定购。书贾旋来取去。余仅临得上经，父臂失之可惜也。

五月，澄锡战事起；江阴炮台兵变也。先期余闻警，驰归无锡，迎吾父赴沪。吾父因料理物件，命内子先行，不意火车已阻。晚间枪炮声隆隆，至夜半始止；知江阴兵败退矣。越一日，始随侍吾父到沪，已受虚惊矣。

冬，编《孟子大义》、《离娄》、《万章》、《告子》、《尽心》四篇成，并作自序，颇中时弊。有能读此书者，或可救世道于万一也。

振谨案：先生所作《孟子·离娄篇大义》除已连同他篇刊入《孟子大义》专书外，并载《茹经堂文集》卷一。

民国五年（公元一九一六年）丙辰 五十二岁

春，请阮君子衡名惟和为工校庶务长，并请徐生守五名经郅为英文科长。徐即本校学生，余派赴美国游学者也。

六月，办理长沙赈务。湘省督军张敬尧与党人战，纵兵淫掠，地方糜烂。所掳掠之女子，卖价每名四、五元。有北军掳一妇，不从，兵斩其首，落地时，妇方抱小儿乳，

血溅满儿头，儿亦堕地。有教士见之，大愤，抱见张敬尧。张曰：“非吾兵也！”此外惨酷事多不忍记。余闻之潸然。商诸上海红十字会会长沈观察仲礼名敦和，并经理江君趋丹名绍墀，慨然允拨款。又商诸宗兄郭郑名浩镇，阮君子衡，刘生汝梅名天成，魏生旭东名廷晖，沈君健生名炳焘，同赴长沙放赈。魏，沈皆湘人也。至十月间方竣，计赈款五万余元。沈会长请余为红十字会名誉会员。

振谨案：先生有《宗兄郭郑墓志铭》载《茹经堂文集二编》卷八。

七月，添设铁路管理专科。于是专科凡三，粗具大学规模矣。

冬，编《大学大义》成。用郑注本，参以朱注及刘蕺山、孙夏峰、李二曲诸先生说，共一卷。又可编入《曾子大义》中也。其叙文颇为曹叔彦谱弟所推重，贻书谓可资诵读云。

振谨案：先生此书已刊入《茹经堂全书》中，其叙文并载《茹经堂文集》卷一。

是年，修理澧漕松岩公墓。建造蝴蝶墙门，并赎回坟旁余田二亩，共费四百余元。

民国六年（公元一九一七年）丁巳 五十三岁

三月，为吾父重游泮水之期，宗兄郭郑诸君请于政府，特赠“芹藻重芳”匾额。校中诸同人于初四日吾父生辰，会饮庆祝。忆吾父州试第十三名，入学第四名，学使孙宗师讳葆元，题为“友多闻，益矣”。余当筵背诵吾父入学文起比，尚能一字不误。

夏，编《先儒静坐集说》一卷。自李延平先生始，至李二曲先生止，其中尤以高忠宪公静坐说为最精密。

振谨案：先生此书尚未刊。

编《近思录札记》、《思辨录札记》各一卷，皆二十年前评读之语，辑录成书。

振谨案：先生此书尚未刊。

冬，编《中庸大义》成。如《大学大义》例，惟郑注本以君子之道费而隐，属于索隐行怪章。又末章分节多舛误，不及朱注，特纠正之。又作提纲，推及于天人，本原于诚孝，自谓稍有功于世道也。

振谨案：先生此书已刊入《茹经堂全书》中，其叙文并载《茹经堂文集》卷一。

民国七年（公元一九一八年） 戊午 五十四岁

春，筹办工校图书馆。拟建筑于本校中院之东南，费约八万元。除交通部允拨三万元外，余拟分组募捐。

四月，表姊丈俞君隶云去世。隶兄与余交最厚。为人忠实至诚，崇尚气节。病中风二年。病歿后，余往吊之，见诸甥及甥女哀恸欲绝，余不禁痛哭。后为作墓志铭一篇。

振谨案：先生所作《俞君隶云墓志铭》载《茹经堂文集二编》卷八。

五月杪，赴太仓哭王紫翔先生。自国变后，先生改号溪山老农，日以祈死为事。去年九月，余往省视，先生身体尚健，为余删改《外舅黄浚之先生家传》。余临行时，先生送至门曰：“汝来，吾心甚喜，体必较健，大约尚可相见也。”

乃四月间病甚。余闻信回太，则先生已不能言矣，逾二日，即卒。追念教诲之恩，涕泗滂沱。六月初旬，复往奠一次（祭文存文集中）。与诸同学商，谥曰“文贞”。

振谨案：先生所作《祭先师王文贞公文》载《茹经堂文集》卷六。

六月，编许公竹簣外集成。初，余搜辑许公奏疏，函稿，印数百部。外交部陆总长子兴名征祥，许公之旧属也，见而宝之，亦印行数百部。并属余辑外集。余因托嘉兴门人王君寅清名永礼，于许公亲戚盛萍芝先生处访求搜集，共成五卷，又日记、书札各一卷。余为之叙，请陆总长印行之。

振谨案：先生所作《许文肃公外集序》载《茹经堂文集》卷四。

编工业学校国文课本成。教员李生颂韩、黄君虞孙名世祚、黄君子楨名宗干、邹君闻磐名登泰之力也。

振谨案：先生有《中学国文新读本序》载《茹经堂文集二编》卷五。

冬，编《十三经提纲》、《易》、《书》、《诗》、《三礼》成。并续作《易微言》二篇。

刻王文贞师《读左质疑》。先生著作甚夥，其文集、年谱，已由世兄慧言名保潜刊刻；而《读左质疑》一书，于刘歆所窜入者摘抉精详，余为刊行之，谨作跋于后。

振谨案：先生有《与王君慧言书》载《茹经堂文集二编》卷四，《读左质疑跋》载同编卷五。

是年，修理澹漕文璧公墓，赎回坟旁余田一亩五分零，费与前年略同。

民国八年（公元一九一九年）己未 五十五岁

正月八日，赴太仓，送王文贞师栗主人陆、陈、江、盛四先生祠，盖先生创设四先生祠堂者也。附祀其中，众咸曰宜。恭送者约百余人。同学宿迁黄方伯伯雨远道来送，相与话旧，留三日而别。

五月初七日，学界攻讦曹汝霖、陆宗舆，相率罢课。惟时余目疾日甚，因赴苏州天赐庄医院，请医生张渭渔名卜熊者解剖左目，卒无效。医院起居亦多不便，小住数日，即返锡。悉寄亭七叔父于十一日去世，深为痛悼！

五月十七日，女庆婉以惊风殇。婉儿生六岁，尚不能行走，平日食乳不足，体弱可知。然是儿极有情意，昙花一现，曷胜痛心。棺木一切，均托宗侄肇农代为购办。肇农名谷源，保谦弟之长子，人极诚恳，可感之至。此后一月，余常卧床养目，百念俱灰。

振谨案：先生有《宗侄肇农哀辞》载《茹经堂文集二编》卷九。

八月，聘媳俞庆棠赴美留学，偕其兄颂华名庆尧来辞行。内子送别，为之黯然。余特电达庆诒，命其照料。时庆诒已转入纽约哥伦比亚大学矣。

冬，太仓水灾甚巨，西乡河川桥一带，乡人居屋内水深数尺，无所得食。余商诸旅沪同乡会吴君挹峰名钟秀、项君惠卿名尧仁、张君纶卿名大诚，会同募捐。项、张二君曰：“同乡会无人主持久矣。君能来就会长职，吾辈必当尽力。”余欣然就之。惠卿遂商之济生会王君二亭，允拨赈

款棉衣等，旋复各处劝募。余请陆君蓬士名修瀛、朱君恺传名增元、周君干如名之楨及沈君健生，分赴河川桥、毛家市、鹿湖、蓬莱镇、新丰乡各处散放。而棉衣，请官厅发护照，诸多留难。迟到一日，新丰乡已冻死老嫗一，鹿湖冻死小孩一。嗟乎，余之罪也！古人云“放赈如救火，不可须臾缓”，岂不信哉！是役共放赈洋约二万元。本邑别有以工代赈款，开浚河道，由县知事卢君主其事。

编《十三经提纲》、《春秋左氏》、《公羊》、《谷梁》三传、《论语》、《孝经》、《尔雅》、《孟子》成。合上年所编，共分二卷。是编之意，专为开示初学读经门径，后人得此，当不至畏难中止矣。

振谨案：先生此书，总群经之纲领，吸百家之菁英，发微言，明大义，陈宗旨，辨家法。于真伪得失，详细开示，诚读经之津逮也。已刊入《茹经堂全书》及《无锡国学专修学校丛书》中。

民国九年（公元一九二〇年）庚申 五十六岁

正月初四日，医生张卜熊来，招赴苏治右目。以针挑之，亦无效，心甚悔之。孟子云：“莫之致而至者，命也。”余平日多过，获罪于天，岂能挽救乎！

正月二十日，工校图书馆行开幕礼。工程颇完固，部派刘君同仁名成志来验收。来宾约二千人，极一时之盛。

三月初四日，为吾父八十生辰。时太仓西乡尚须办理春赈，吾父拒绝宾客，命以寿筵之资，移放春赈，共得约二千元。至散放时，因去冬尚有余款，仅用去八百元，尚

余一千二百元。吾父命以此款存放生息，设太仓敬节会，周恤穷婺。定额二十四名，每名每年津贴洋十元，六月、十二月两月抄送给。

四月，组织无锡中学。初，余因无锡高等小学学生甚伙，毕业后远赴各处求学，颇觉困难，拟设立中学，怀此愿久矣。至是门人蔡生虎臣名其标，介绍门人高生践四名阳来言，奉其先人秋荃先生之遗命，于锡邑设立中学。余为订定章程，具呈省县。暂租西水关马氏房屋为校址，计开办费三千元，建筑屋费二万元，基本金四万元。践四坚请余为名誉校长。余因请江太史霄纬名衡为主任，门人周生缉庵名熙为教务长。先招二年级生两班，四儿庆永，亦往肄业焉。

振谨案：先生有《高君秋荃传》载《茹经堂文集二编》卷六。

夏，得庆诒家书，就万国国际联盟会委员严君鹤龄聘为秘书，由美赴瑞士国，会地名日内瓦。庆诒去年学外交科毕业，得硕士学位，尚未得博士，深为可惜。然借此游历欧洲，亦不无裨益耳。

八月，送三儿庆增赴美国比洛欧大学肄业，学经济科（后改入米希根大学）。

族侄庆同逃亡。庆同父宝生名文浩，远族弟也。前数年去世，余时照料其家。弟妇席氏、婶母王氏相继逝世，尚余田产，为太仓田贩朱少山辗转售卖。余一面严追朱少山还款，一面送庆同入学读书，旋逃出，送入太仓工艺厂，因病回沪，由同乡顾君福生送至汉口鸡蛋厂。旋逃回，余因托同乡吴君昆生名增裕介绍，入上海福新面粉厂。旋又

逃出，告其父执汪君春涵，云将赴南通。春涵止之，遂去，不知所往。除迭次所用川资、衣服等费外，尚余洋二百余元。又剩宝山田二十亩，不得已暂为经理；田租托太仓金君桐生代收，岁约得二十元（后以此项款产，交宝生过房子淦弟名文镕收管）。

自八月始，吾父饮食不进，精神委顿，余甚为惶急。后改饮鸡汤，略进面包，至十月后始渐痊。盖湿阻为患，非本原病也。

自上年学潮后，学风愈觉不靖。余因吾父老病，目疾日深，已先辞工业专门学校职数次，而交通部长迄不允。至十月初三日，余遂决计解职回锡。盖函电交驰，至此凡十次矣。部中派员来留，本校同人来请留者络绎于道，均坚拒之。自问精力日衰，私衷歉仄而已。

十二月，钱塘施君省之名肇曾，托友人陆君勤之介绍，属余在无锡开办国学专修馆。定开办费八千元，常经费每年一万元。余思讲学家居，平生之志，爰订定学规章程。托蔡生虎臣租借锡商山货公所楼房两幢为教室宿舍，地在锡山之麓。即于无锡、上海、南京三处招考，报名者近千人，取定师范生正额二十四名，附额六名，爰宣布讲学宗旨，略谓吾国情势，日益危殆，百姓困苦已极。此时为学，必当以“正人心，救民命”为惟一主旨。务望诸生勉为圣贤豪杰，其次，亦当为乡党自好之士，预贮地方自治之才，惟冀有如罗忠节、曾文正、胡文忠其人者，出于其间，他日救吾国、救吾民，是区区平日之志愿也。

振谨案：先生所订《无锡国学专修馆学规》载《茹经

堂文集》卷二。

是年，修理漕漕始祖良鼎公墓。当乾隆年间，吾家颇盛，七世祖宏任公经营良鼎公墓，立有碑石，名梅花坟，余地极多，或云有七十亩，或云四十余亩。洪杨难后，尽为族人盗卖，祠堂亦被拆毁；然闻吾祖父言，尚有余地十余亩。迨吾家赴京后，遂变卖无余，并开垦及方基。吾父扫墓时，为之下泪，命以次修理。至此，三墓均修竣。又有七世祖妣周太孺人节孝牌坊，已迷失数十年矣，吾父屡命访求之。前年朱诵六表兄竟访得之，在浏河土山后，尚属完好。两旁石柱刻联云：“圣德齐天垂片石，清心同月映孤松。”其额云：“皇清特恩旌表已故儒童唐天极妻周氏，给帑建坊。”其年月，则剥蚀不可辨考。金氏《浏河纪略》载“节孝唐周氏，于乾隆三十八年江苏巡抚萨载汇题，请旨给帑建坊，其后裔议叙。县佐唐承照领帑，于乾隆四十六年，建节孝石坊于显佑山后”云云。据此，则建坊时当在乾隆四十六年。《纪略》内称讳承照者，即家谱所载斗光公也。以百六十余年之旧物，一旦访求得之，吾父精诚所感者至矣。尚有翁仲二，为乡人移置他处，庚申年出资赎回。每届清明扫墓，当往瞻拜，子孙其永志之。

民国十年（公元一九二一年）辛酉 五十七岁

正月，新生陆续来见。二十日开馆。余亲自上课，每日二节，讲《论语》、《孝经》、《孟子》。请朱君叔子为本馆教习，并请门人陆生景周名修祐为助教。景周于前数年处馆余家，授庆诒等课，兼司笔札，深资得力。

与施君省之议刻《十三经》。近时吾国学生皆畏读经，苦其难也。爰搜罗《十三经》善本及文法评点之书，已十余年矣。自宋谢叠山先生，至国朝曾文正止，凡二十余家，颇为详备。施君闻有此书，商请付梓，余因定先刻《十三经》正本，冠以提纲。附刻先儒说经世鲜传本之书，而以评点文法作为札记，谨作叙文，并请陈太傅弼庵名宝琛撰序，命上海刻字铺朱文记经刊。分校者太仓陆君蓬士、王君慧言、李君慰农、徐君天劬及陆生景周，期以三年竣工。

振谨案：先生所作《施刻十三经序》载《茹经堂文集》卷四。

六月，编《茹经堂文集》，定初编为六卷，二编为九卷。

振谨案：先生文集已刊者，有《茹经堂文集》六卷：卷一，为经说类，共十七首；卷二，为杂著类，共五首；卷三，为论辨类，共五首；卷四，为序类，共二十二首；卷五，为家乘类，共十四首；卷六，为杂记类及碑铭、哀祭类，共十五首。有贯穿百氏，牢笼万汇之概。前四卷，多发挥圣贤微言大义；第五卷家乘，多至性至情之文，尤足感人；第六卷，载庚子义和团乱状，关系国故。而为文博大精深，实能于八家之外，别树一帜。又有《茹经堂文集二编》九卷：卷一，为经说类，共二十首；卷二，为杂著类，共七首；卷三，为论说、记文类，共八首；卷四，为书类，共八首；卷五，为序跋类，共三十八首；卷六，为传类，共二十三首；卷七，为赠序寿序类，共九首；卷八，为碑铭类，共二十二首；卷九，为哀祭类，共十一首。较初编别有擅胜之处。盖初编较谨严，二编更为豪迈；经说淹贯汉宋，杂文源本经子，出入韩、欧，

至于唤醒世道人心，尤有裨益。其三编亦已编定，为八卷（按茹经堂文集三编、四编、五编、六编，其后亦经陆续刊行）。

无锡中学主任江君霄纬，教务长周生缉庵均辞职，改请高生践四为主任，唐君桐侯名锡恩为教务主任。

七月，庆诒由欧洲回国，吾父甚慰。旋由外交部派为华盛顿会议秘书。十月间，复赴美。

十月，国学专修馆迁居本邑文庙旁尊经阁。先是本馆请邑绅孙君鹤卿名鸣圻为馆董。孙君因旧时金匱县训导署废弃可惜，锡邑原有尊经阁，为明成化时所建，毁于兵燹，乃捐资于训导署旧址，重建尊经阁，修理余屋，由十七乡公呈县署立案。旋经县署知照，请本馆迁入。邑绅杨君翰西名寿楣，复助成之。旋陆君勤之复筹款建宿舍楼房五楹，至是迁入。余为立碑以纪孙、杨二君之德。

振谨案：先生所作《无锡重建尊经阁碑记》载《茹经堂文集》卷六。先生又有《孙君鹤卿墓志铭》编入《茹经堂文集三编》卷八。

冬，招考新生一班，共录取三十名。

十二月，聘广西陈生柱尊名柱为本馆教习。柱尊本任梧州中学校长，辞之，来助余，其文学鸿博可喜也。

振谨案：先生有《赠陈生柱尊序》载《茹经堂文集二编》卷七；又有《与陈生柱尊书》载同编卷四；又有《复陈柱尊论格物书》编入《茹经堂文集三编》卷四；又有《守玄阁诗学序》，载《茹经堂文集》卷四；《说文解字释要序》，载同卷；《中庸通义序》载《茹经堂文集二编》卷五。皆为柱尊作。

民国十一年（公元一九二二年）壬戌 五十八岁

正月，开馆上课。余讲授《左传》、《礼记》、《大学》、《中庸》。乃上课未及旬日，忽患寒热，病颇剧，亦因积劳故也。功课请朱、陈、陆三君分任。淹缠至三月杪始愈。

三月，庆诒华盛顿会议竣事，回国。

四月十八日，娶长媳俞氏庆棠。奉吾父命，所有聘礼、衣服、首饰，以五百元为度。此后娶妇，不得溢出此数，并告坤宅，勿备妆奁。其兄凤宾欣然允诺。庆棠来归后，贤而孝。吾父甚喜，曰：“吾不啻得一贤孙女矣！”

六月，编《洪范大义》成。分传注、政鉴、析疑为三卷。上契尧舜之心传，下开周孔之统绪；本治己以治人，政治之学莫精于此矣。

振谨案：先生此书已刊入《茹经堂全书》中。

刻《陆文慎公年谱》。公自编年谱，仅至中年，同学江阴陈君慕周名宗懿续成之。其世兄芝田寄余稿本已数年矣，谨作叙，刊印之。

振谨案：先生所作《陆文慎公年谱序》载《茹经堂文集》卷四。

冬，编《性理学大义》成。定“周子”二卷，“程子”二卷，“张子”一卷，“洛学传授”一卷，“朱子”八卷。每卷各冠以叙文及传状，发明大义，篇中精要处，各加评语、圈点。学者得此讲本，可窥性理学之门径矣。

振谨案：先生此书已刊入《茹经堂全书》中，其各卷叙文，并载《茹经堂文集》卷四。

民国十二年（公元一九二三年）癸亥 五十九岁

正月，开馆上课。余讲《周易》及《性理学大义》。

无锡中学在南门外羊腰湾建筑新屋成，诸生迁入。高生践四因其尊人所捐建筑费，尚有不敷，并向各处募捐，始得告成。余为立碑，以纪始末。

夏四月，孙女孝纯生，庆诒出。

六月，无锡中学行第一届毕业礼。毕业生仅七名。主任高生践四、教务主任唐君桐侯均辞职。维时余因体弱事烦，亦决计辞去。学生钱宝钧、韦焕章、吴炜庠等来坚留数次，几至下泪。余曰：“噫，余对校务，未能尽职，诸君感情，乃如此厚也。”爰勉允留任，请陈生柱尊兼主任，并请堂弟静之名文寿为庶务主任。静之在北京就学时，向住余家，毕业于北京高等实业学校化学专科，为人极静细。

七月，编《政治学大义》成。余因中国政治学，始自唐虞，传自洙泗，而向无专书；倘有外人询及，茫然无以对，深可愧也。爰编是书，分奏疏、公牍、书函、本论凡四门。而本论十三篇，指陈近时利弊，尤为痛切。本学期即用作课本。

振谨案：先生此书尚未刊，惟序文载《茹经堂文集》卷四。本论十三篇，编入《茹经堂文集三编》卷二。

选印《国学专修馆文集初编》。由教员选择甲班两年、乙班一年之成绩较优者，余为厘定之，著于篇。

振谨案：先生有《无锡国学专修馆文集初编序》载《茹经堂文集二编》卷五。

十月，命诸生编辑《朱子全集校释》。余尝闻宝应有王白田先生《朱子文集》注本，爰函属宝应刘生翰臣代为访觅。旋得刘生复书，谓家藏有王白田、朱止泉两先生朱集签注，甲子完备，朱墨烂然。惟编纂不易，只可过临云云。余乃命馆生王蘧常、唐兰、吴其昌、吴宝凌、戴恩溥五人赴宝应刘家，分钞七日而藏事。回锡后，复命王生蘧常悉心编纂，得十余万言，定名《朱子全集校释》云。诸生之自宝应归也，吴生宝凌赠余朱止泉先生文集四册。余细读之，见朱止泉先生论朱子于己丑岁悟道后，专用力于“涵养须用敬，讲学则在致知”二语，因之精义入神。阳明编晚年定论固非，然谓朱子胶于万物而不知涵养者亦非也。乃知止泉先生于朱子之学，终身服膺，寝馈更胜于白田；且编有《朱子圣学考略》及《朱子分类文选》二书，尤为精密无伦。旋王生购得《分类文选》示余，刘生又访得《朱子圣学考略》，为之大快。

振谨案：先生有《朱文公文集校释序》载《茹经堂文集二编》卷五。

十二月，国学专修馆行第一届毕业礼。先期练习讲演，印《讲演集初编》。复招新生一班。与陆勤之议设理学社，陆续捐资选刻先儒遗集。

民国十三年（公元一九二四年）甲子 六十岁

正月，开馆上课。

二月，黄氏岳母病歿于余家。岳母为先妣胞妹，德性温良。去年七月，病寒热，淹缠不止，遂不起。遗款洋百元，

平时所积存也。疾革时，命余此款修理外祖父坟墓，建筑蝴蝶墙门。且曰：“汝母若在，必极赞成。款有不敷，汝当助成之。”其孝思如此！歿后，余追忆先妣，哭之恸。内弟玉儒偕内子扶柩回太仓。

振谨案：先生有《外姑黄太夫人事略》编入《茹经堂文集三编》卷六。

宝应刘生来书，云朱止泉先生裔孙忆劬名某，刊刻朱止泉先生外集，闻之欣慰，即拟序文寄去。

振谨案：先生所作《朱止泉先生外集序》载《茹经堂文集二编》卷五。

三月，刻陈确庵先生《周易传义合阐》十二卷。是书为安道先生遗书第一种，于程传及朱子本义多所发明，向无刻本。前数年，闻太仓同乡陆君星五名鸿曜，购得钞本。余借钞之，如获异宝。遂拨理学社捐款刻之，逾年，告成。

纂《论语大义》定本。因初稿本注太简略，删改二次，采李文贞、陆清献二公、黄薇香太夫子、刘楚楨先生诸家说，加以按语，较为精深。适施刻《十三经》成，遂附刻于后。及后讲贯，觉意义尚多未尽，学问本无止境也。

五月，与诸同志集赀刻同乡沈即山先生文集。先生文章为明七子嫡派，咸同间太仓顾雪堂先生名师轼曾为排印。友人钱君复三、王君慧言等建议付梓，余为致书旅沪同乡会及陆君勤之，分捐款项刻成之。余为书后一首，颇呜咽，呈诸吾父，竟为心伤落泪。乃大惊，急撤去。呜呼，孰知其为不祥之兆耶？

振谨案：先生所作《书沈即山先生诗文钞后》载《茹

《经堂文集二编》卷五。

六月，无锡中学行第二届毕业礼。

刘生启瑞又来书，云朱君忆劬拟刻《朱子圣学考略》，请为作序，并嘱王生蘧常代为校字，大为快慰，谨拟序寄去。旋吴生其昌在天津图书馆钞得朱止泉先生《宗朱要法》一卷，即寄刘生，属其附刻于《圣学考略》后。

振谨案：先生所作《重刻朱止泉先生朱子圣学考略序》载《茹经堂文集》卷四。

七月，江浙兵事起。齐燮元、卢永祥战于浏河、黄渡等处。此祸酝酿已久，余逆知战事必不能免，先期电达曹锟、吴佩孚，并齐、卢两处，痛哭流涕，求其和解。曹、吴未复。齐、卢复电，均称倘人不犯我，我亦不犯人也。至七月下旬，事益亟。江浙绅士惶急，主议缓冲。乃浙卢派员到会，而苏齐杳然。至八月三日，遂开战。兵士骚扰淫掠，百姓流离，惨不忍言。幸旅沪同乡会设立兵灾善后会，项君惠卿等主其事，救出浏河同乡人不少。旋李生颂韩等来锡避难。静之弟内侄妇盛氏，随其叔徐韵梅自白鹤港逃来，亦暂住余家。

九月中旬，卢永祥出走。北京冯玉祥兵变。清帝蒙尘，避日本使馆，旋避天津，痛心之至。余发二电致段祺瑞，请其保护皇室，均未得复。

无锡溥仁慈善会赴浏河等处放赈，乃命仆人高福偕往。探视先莹扬子泾无恙，漕漕松岩公墓旁，掘壕沟数道，幸未伤及棺木，当即伤人填平。高福归时，带回浏河避难幼童金根全名有明，其父母均中流弹而死，无所依。吾父命往吾家，入小学读书。旋同乡会吴君挹峰来函，云浏河难

民逃回者，因房屋被焚，甚至宿猪圈中度日，情形惨极。商请陆君勤之借垫洋三千元，放给乡民，令其搭盖草屋，俾得栖止。

十二月，国学专修馆行第二届毕业礼。招考新生一班。是月，奉天兵将南来，齐燮元又率兵抗拒之，即以无锡为防守地。时庆诒在上海。十二日闻信，急归迎，吾父不欲往，命内子等赴沪。十四日夜三鼓，忽闻吾父痰哮声，急起视。曰：“无妨，适起，觅火不得耳。”至十五日早，尚食鸡子二枚；旋即病，饮食不进。即请锡医邓君星伯诊治，云老年重伤风，宜谨慎。余因春夏以来，吾父已有神思恍惚，不能记忆之症，心知其危。十七日发快邮，促内子等归。乃十八日火车已断，手足无措，电促庆永归（时肄业金陵大学）。二十日，庆永乘江轮，绕道江阴回。而吾父气喘痰涌病日亟，迭延王君子柳、华君实甫诊治，无效。二十二日，内子等在上海始觅得小轮回，而吾父于二十四日巳刻已弃不孝而长逝矣。二十三夜，尚问庆诒等归否？呜呼，痛哉！午后，内子等始抵家，嚎哭欲绝。衣衾等，先由静之弟督饬老仆吴本树布置。棺木，请宗弟申伯购买。甫运入城，遽闻苏、奉军开战，城门即闭。是夜，小殓礼成后，枪炮声四起，乱军已在城外抢掠矣。呜呼！吾父岂因此而急求解脱耶？痛哉！痛哉！检视篋中，得遗嘱数页，乃本年二月中所书。命不作佛事，不刻文集，不题像赞，不述哀启。其后托沈生健生装裱成册页，以示子孙。二十六日，行大殓礼时，城门严闭，来吊者仅孙君颉香、朱君叔子、陈生柱尊及专修馆学生十余人。

民国十四年（公元一九二五年）乙丑 六十一岁

正月初二日，苏、奉军战于惠山，炮声终夜不绝。初三日已刻，齐燮元逃，奉军追至昆山。秩序安静。越三日，开城。初九夜，忽又闻枪炮声。疑乱兵入城抢掠，举家颇惊惶，余命严闭门户，至天明探听，始知奉军火药库失慎也。

二月二十八日设奠，官绅来吊者百余人。又国学专修馆及无锡中学学生亦百余人。无锡县知事林君干才名芾楨、警察所长宋君静庭名镇涛、太仓县知事沈君希白名兆九，均亲来吊。太仓同乡陆君勤之等来者十余人，可感也。

三月初十日，扶柩回浏河，安厝先灵。堪舆浏河李君汝纲择定明年正月安葬。作《蔚蕞哭》诗四十九首，痛心之至；旋又作《续蔚蕞哭》诗十一首。

六月下旬，到馆上课。

六月，无锡中学行第三届毕业礼。余因居忧，未往。

作《军箴》四卷：一、法守，二、戒律，三、孟子格言，四、先贤遗范。拟作为陆军学校课本。先是岑宫保云阶名春煊见余所著《人格》，甚好之。谓其中《军人格》尚嫌简略，宜别为一书。后溧阳周君敬甫名仁寿来书，所见适相合，爰于暑假时茹痛属稿。岑、周二君，捐资印行之。

振谨案：先生此书专以胜残去杀，唤起军人爱民之心为主旨。倘军人能笃守之，则中国可强，世界之杀机亦可稍息矣。已刊入《茹经堂全书》中。先生又有《周君敬甫墓志铭》已编入《茹经堂文集三编》卷八。

托沈君健生在长沙印《性理大义》。惜校对乏人，鲁鱼

之误甚多，可惜也。

三儿庆增在美国哈佛大学毕业，得经济科硕士学位。至六月杪回国，拜谒先灵，一堂恸哭。

七月二十五日，孙孝宣生，庆诒出。

九月编辑《国文经纬贯通大义》。余初编《读文法》，次第推广，为四十四法，命名《经纬贯通大义》，口授诸生，熟读之。盖余向主道德教育，迨阅历世变，始悟性情教育为尤急。《论语·阳货篇》，详论人心风俗之本。第二章特言性相近，其后即言闻弦歌之声，命小子学诗，伯鱼为“周南”“召南”。又，答宰我问三年之丧，皆性情教育也。厥后子思子作《中庸》，孟子作七篇，皆本此意。故居今之世，教授国学，必须选择文章之可歌可泣，足以感发人之性情者，方有益于世道也。

振谨案：先生此书已刊入《茹经堂全书》中。

谨述吾父事略一篇，并石印手书格言一卷。

振谨案：先生所作《先考府君事略》载《茹经堂文集》卷五。

十一月，谨检先人遗集，作《家祠藏书谨志》及《藏救生绳谨志》。

振谨案：先生所作《家祠藏书谨志》载《茹经堂文集》卷五，《家祠藏救生绳谨志》载同卷。

民国十五年（公元一九二六年）丙寅 六十二岁

正月初五日，率内子、庆诒、庆增、庆永等赴沪。坐汽车赴浏河，为吾父营葬。时连日阴雨。初七日，悬棺入窆。

天适大晴，浏河亲友送葬者，二十余人。陆君勤之自太仓来，李生颂韩自新塘市来；而王君炽甫先两日自太仓至浏河，秤灰督工，俱请其主持。初七、初八两夜，均至三鼓始卧，感激之至。初九午前圆珠，一切工程均与葬吾母同（吾母圻起视时，毫无损坏。炽甫云，此上等工程也）。谨作简志，命庆诒书方砖上，纳于圻首。午刻，痛哭别墓。是晚住塘工局。初十日，赴澹漕省墓。十一日回无锡，作《再续蔚藁哭》诗十二首。

表弟朱君寿臣名大椿，言友人朱君叔涓名锦涛藏有金逸儒先生所撰《浏河纪略》，内有高祖墨池公序，余因借读之。内有五世祖南轩公传；节孝志内有四世祖妣周太孺人传，即在土山旁建节孝坊者也。此书深可宝贵，惜体例稍杂，文字亦尚有俚俗处。倘有人润色而增补之，则成大观矣。叔涓、寿臣请作跋文，谨作一跋，附于卷尾。

振谨案：先生所作《浏河纪略跋》载《茹经堂文集二编》卷五。

三月二十日，开馆上课。

刻高忠宪公别集成。是书系沈子培师所赠，余为作序已三十年矣。至此，志愿始遂。

六月，无锡中学行第四届毕业礼，余仍未往。

是夏，酷热异常，为平生所未经。疫疠极甚，孙女、孙儿均病。延俞甥凤宾诊治，始得先后就痊，可感也。

山东琅琊道尹溧阳周君敬甫，好善士也。前曾印余所著《人格》、《军箴》各千部，及见吾父所书格言手迹，大好之。书来，属印千册，并自作跋文，景仰甚至，为之感泣。

门人金生叔初名绍基，刻余《茹经堂文集》告成。李生颂韩以刻二集为请，爰以稿本付之。校字者蒋生石渠名庭曜、唐生尧夫名景升、何生芸孙名葆恩。而嘉定友人黄君虞孙，与颂韩复为覆校，心甚感之。谱弟曹君叔彦寄来《茹经堂初集序》一篇，正大而有曲折之致。人之相知，贵相知心，读之慨然有动于中也。

十二月，国学专修馆行第三届毕业礼。印《专修馆文集二编》。

是月二十四日，吾父丧已大祥矣。追念甲子年弥留时之苦，痛彻于心，作《三续蔚蕙哭》诗二十八首。

民国十六年（公元一九二七年）丁卯 六十三岁

正月编《蔚蕙哀》二卷。作《胡吟石公传略》，附于第二卷内。公讳溶，为吾母高伯祖。乾隆癸酉解元，应乡试时，闻同舍生语，忽有会悟，遂得佳文。是科第二名吴维锷，亦吾娄人。一时传为盛事，详传文内。

振谨案：先生所编《蔚蕙哀》二卷已刊；《胡吟石公传略》已编入《茹经堂文集三编》卷七。

初编《礼记大义》，从《祭义篇》始。

二十日，开馆上课。是月，革命军入苏。

二月二十四日，行释服礼，白驹过隙，哀痛弥深，尽情一哭。

革命军之人苏也。锡邑教育局长徐梦影，本不以专修馆为然。有朱某者具呈，请封闭专修馆。徐梦影遂令解散。馆生崔履宸、张惟明、路式遵等赴县署力争，不能挽回。

余即于二月二十六日辞职。又有童某者，诿告余把持无锡中学校务。余遂一并辞去。维时外间盛传余为保皇党、复辟党，又有将封余住屋之说，颇岌岌可危。余以镇定处之。后以主持公论者颇多，始得无事。其后徐梦影逃上海。

四月二十一日，三儿妇周氏、四儿妇陆氏来归，均贤孝，深可喜也。

五月二日，馆生崔履宸、路式遵迎余复职。同人咸回馆，而沈君健生自专修馆解散后，常住余家照料一切，始终未去，尤为可感。馆中因军队驻扎，房屋墙壁颇有损坏。此次恢复，崔、路二生之功居多。崔，广西人；路，宜兴人也。

五月八日，孙女孝端生，庆诒出。

六月，改国学专修馆为国学专门学院，添招新生三十名。惟经费不敷，拟募捐以济之。

是月，为两新妇授国文课。两妇作文，尚优秀。

八月，行开院礼。添聘锡邑钱君子泉名基博为教授。钱君博闻强识，品诣亦敦洁英爽。陈生柱尊辞职，改聘门人冯振心名振继之。

九月，门人李颂韩逝世。讣至日，余适小病，家人匿不以闻。越数日，颂韩子家俊以书来乞传，余大骇。追念旧游，于邑不置，为作传文一首。

振谨案：先生所作《李颂韩家传》已编入《茹经堂文集三编》卷七。

冬，编《紫阳学术发微》，共分十二类。参考书共引用四、五十种。此后治朱学者，当可得其门而入矣。

振谨案：先生此书共十二卷。一、为学次第；二、己

丑悟道；三、心性学；四、论仁善国；五、经学；六、政治学；七、论道、释二家；八、辨金溪学；九、辨浙东学；十、晚年定论评；十一、十二、朱学通论上、下。于紫阳毕生学术，提要钩元，洪纤毕备。自李榕村、王白田两先生后，未有能道此者，可谓体大而思精矣。已刊《茹经堂全书》中，其《自序》，并编入《茹经堂文集三编》卷五。

表甥俞凤宾拟排印《太昆先哲遗书》，并请将高祖墨池公诗钞，及先大夫诗赋钞列入，其意甚为可感。谨为作序一篇。

振谨案：先生所作《太昆先哲遗书序》已编入《茹经堂文集三编》卷五。

十二月二十二日，放寒假，二十三日，招考新生，取十九名。

是冬，刻奏疏告成。

振谨案：《茹经堂奏疏》凡三卷。首卷条陈时务，与朱子封事，后先媲美；二、三两卷，则先生在农工商部所作章程、条例，灿然具备，吾国各项要政，肇端于此。至如创设商会，厘定商律，为功尤巨。已刊入《茹经堂全书》中。

民国十七年（公元一九二八年）戊辰 六十四岁

正月元日。辑家谱世系、传、状、艺文志告成。

振谨案：先生所辑家谱中传、状及艺文志，尚未刊。

二十日，行开院礼。

是年，余为诸生讲《尚书》。编《尚书大义内外篇》成。“外篇”，考古今文源流；“内篇”，发挥每篇精义，多有先儒未

经道者。

振谨案：《尚书大义》，分内外二篇。“外篇”，叙古今源流，采择精博，断制谨严，撷江、段、王、孙诸家之菁华。“内篇”，分《尧典》、《皋陶谟》、《洪范》、《康诰》、《召诰》、《立政》六篇为政治学。《汤誓》、《盘庚》、《西伯戡黎》、《微子》、《金縢》、《大诰》、《洛诰》、《无逸》、《君奭》、《多方》、《吕刑》、《费誓》、《文侯之命》、《秦誓》十四篇为政鉴。于禅继大义，著作本源，阐发无遗。尤精者，如论《洪范》八政，《吕刑》刑法，《费誓》军纪，与周秦二代盛衰存亡之故，均足以昭示来兹，振兴世运。附《尚书》应读书目表，则分专门书、专篇书、参考书三类焉。已刊入《茹经堂全书》中，其叙文，并编入《茹经堂文集三编》卷三。

五月杪，行毕业礼。毕业生，崔履宸等十二名。

六月，拟编《诗经大义》分伦理、性情、政治学等，凡八类。因众说浩繁，仅订序目。

七月，行开院礼。考取新生五十名。

是夏，四儿庆永在光华大学毕业。七月十一日，赴美入西雅图华盛顿大学，旋转入中美奥海州立大学肄业，学经济科。

八月患痰病。俞甥凤宾自上海来诊治，始获痊愈。甚矣吾衰，深为慨叹。

国学院具文请大学院立案，迄未覆准。至九月间，派丹徒柳君翼谋、无锡薛君颂华来院调查。二君回京报告，谓本院成绩斐然，办理完善。旋奉大学院批准立案。

十月先高祖《爱莲居诗钞》，先大夫《浣花庐诗赋钞》

均印成。俞甥凤宾作跋文，厚意殷拳，至可感也。

《茹经堂文集二编》刻成。本为门人张贡九名廷金、胡粹士名端行，及俞甥凤宾捐资刊刻，李生颂韩经理其事。颂韩病歿，遂停工。门人金叔初复出资续刻，始得告成。

十一月，北方告灾，前在各部署供职者，饥饿不能出门户，甚至阖门自经。友人溧阳周敬甫办理义赈，余与苏州费君仲深名树蔚向各处募捐，共得一万六千余元。无锡最出力者，同宗保谦、申伯昆仲及华君叔琴也。

十二月二十日，放寒假。

民国十八年（公元一九二九年）己巳 六十五岁

正月二日，辑家谱坟墓志告成。

振谨案：先生所辑家谱中坟墓志，尚未刊。

正月九日，挈长儿庆诒回太仓。为乡先贤叶涵溪先生裕仁，先师王文贞公入乡贤祠事，借住陆勤之亲家宅中。诸亲友欢聚。十日巳刻，送叶、王两先生入祠。十二日，赴浏河。十三日，扫墓，瞻拜松楸，怆然陨涕。顺道参观集善堂，育婴极为完善。是晚住塘工局。十四日，回无锡。

正月二十日，行开院礼。余因病，未能往。病中作“太仓蟹断记”。思亲不置，病十余日，始瘳。

振谨案：先生所作《太仓蟹断记》已编入《茹经堂文集三编》卷六。

课诸生《礼记》。作《礼记大义并研究法》。

辑《论语大义外篇》成。嘉庆时有妄人崔氏，述作《论语源流考》，多引不经之谈。谓《论语》后半部，皆后人臆入。

余特作《论语辨疑》，编入外编中，力斥其谬。

振谨案：先生此书详载授受源流，极为精深；尤要者，辨疑一篇，匡谬阐幽，足破学者之惑。后载师法表、篇次章数表、研究法表、参考书目表，原原本本，指示学者康庄大道，为治《论语》入门必读之书。已刊入《茹经堂全书》中。

五月杪，行放假礼。

六月胡生粹士、陈生柱尊，暨大儿庆诒鸠资印李生颂韩《养庐诗文稿》。颂韩从余游，垂四十年，感情最厚。其平生志事，不获稍一展布，仅留此稿。吉光片羽，流播人间，伊可痛已。余为之序，凄怆累日。

振谨案：先生所作《李颂韩养庐诗文稿序》已编入《茹经堂文集三编》卷五。

七月行开院礼。考取新生五十六人。

课诸生《周易》。编《周易十二辟卦消息大义》。

是秋，请苏州单君束笙名镇，为国学院教授。余以“诗经大义”授之，请其采择传笺，别作注释。

九月，国学院图书馆告成，行落成礼。是馆为本邑孙君鹤卿遗命捐建，院董蔡君文鑫兼三、宗侄炳源、星海等竭力赞成，共费六千五百元。亲家陆君勤之捐书一万五千余册，元、明精本甚多，约共值二万数千元，可感也。

九月十一日，孙女孝英生，大儿庆诒出。

十一月，教育部令，改国学专门学院为国学专修学校。

十二月十七日，放寒假。

民国十九年（公元一九三〇年）庚午 六十六岁

正月二十日，行开校礼。余仍教授《论语》及《礼记》诸经。

二月，辑《阳明学术发微》。自明季讲学之风，流弊日甚，于是王学为世所诟病。实则阳明乃贤智之过，其倡致良知之说，实足救近世人心。日本服膺王学，国以彘强。余特发明其学，都凡七卷；其中四大问题及阳明学通于经学二卷，颇为精审。较之二十年以前，喜辟阳明，自觉心平而气和矣。

振谨案：先生此书共七卷。一、讲学事迹；二、圣学宗传；三、阳明学四大问题；四、良知经学；五、六、通贯朱学；七、龙溪述学髓。荟萃菁英，钩元提要，实功利派之要药也。已刊入《茹经堂全书》中，其自序，并编入《茹经堂文集三编》卷五。

五月杪，行毕业礼，即放暑假。毕业生，学生许寿平等二十余人。

六月，三儿媳患伤寒症颇重。表甥俞凤宾在上海，代请朱医仰高来诊治，无锡许医松泉佐之，旋愈。

七月，四儿庆永由美国回，庆永在美奥海州立大学毕业，得经济科硕士学位。继入哥伦比亚研究院，续读半年。因金价日益昂贵，美金一元约中国洋四元以外；而在美用度，每月需金洋九十元。不得已令其回国。顺道至欧洲游历，旋即在上海交通大学就教授职。

八月，考取新生两班，共八十六名。

辑《紫阳学术发微》成。初，于教授《性理大义》中，

朱子诸篇，不能挈其纲要。后取王白田、朱止泉、秦定叟诸先生书读之，略事分门纂述，粗有成书。本年购得《夏弢甫先生述朱质疑》，更觉秩然有条理。爰仿其意，编辑是书。后附陆桴亭、顾亭林诸先生之评论朱子学者，得九家为九贤。朱子学论，颇足发明朱学源流。书成后，即付印。

朱生贯微寄赠余《十二朝东华录》。因余将辑咸、同、光、宣四朝实录也，意甚可感。旋余又购得李氏《国朝耆献类征》部，共四百册。

十月，表甥俞凤宾卒，痛惜之至。凤宾天性孝友，谦逊和平。学习西医留学美国，得卫生科博士学位。回国后，视人之疾，如己之疾；体恤贫寒，无微不至。刊印《太昆先哲遗书》，有功乡先贤不浅。先高祖《爱莲居诗钞》，先大夫《浣花庐诗赋钞》，皆其所印。其没也，长儿庆诒，儿妇庆棠哭之尤恻，庆棠，即凤宾胞妹也。余为作墓碑文一首，下笔时亦为之挥泪云。

振谨案：先生所作《俞凤宾墓志铭》已编入《茹经堂文集三编》卷八。

十一月，孙女孝慧生，庆诒出。

是冬，教育部令，改放阳历年假，不得再用阴历，并不得再放寒假。

十二月四日（即阳历二月一日），行本校十周年纪念，并第六届毕业礼。毕业者，学生陆宝和等十七人。是日，校董穆君藕初名湘玥来主席。上午训辞，午后开游艺会，颇极一时之盛。

民国二十年（公元一九三一年）辛未 六十七岁

正月二十日，行开校礼。余编《礼记大义》数篇，示诸生。

此因家中生齿较繁，房屋不敷居住，爰与庆诒等谋，在前桑区建楼房三楹。以旧年售得田价，托建筑公司江生应麟承造。二月初动工。庆诒等竭力补助经费。迨后遇水灾、国难，心甚悔之。

三月无锡溥仁慈善会赴陕州放赈，修理陕州召伯甘棠祠。余为作碑记一篇，摹仿昌黎，颇能駸駸入古。

振谨案：先生所作《陕州召伯甘棠祠碑》已编入《茹经堂文集三编》卷八。

去年，中央军与阎锡山、冯玉祥战争。曲阜孔庙、孔林，为炮火所毁；周公、颜子二庙，亦遭灰烬。爰约徐君固卿名绍楨、曹君叔彦等二十余人，具呈政府，请拨款修复。旋得复，不过一纸空文，遂致搁置，可痛矣哉！

五月杪，行毕业礼，即放暑假。毕业者，学生郭则融等三十余人。

六、七月间，大雨滂沱，几近一月。楚、赣、皖、苏各处，皆成巨浸。始则汉口被灾最重，继则江北高邮、兴化等处，因建设局员开运河堤，河水与洪泽湖合流，泛滥更甚，江北各县，无不糜烂，吾乡浏河、宝山，海塘冲塌，天灾人祸，相逼而来。余急电旅沪同乡，发起救济会，并撰“急救水灾议”，遍告同乡。无锡设立水灾筹赈会，推余为理事长。有心无力，抱愧之至。

振谨案：先生所作《急救水灾议》已编入《茹经堂文集三编》卷一，先生又有《续救水灾议》及《学校当研究

水利议》二篇，均载同卷。盖先生关心民瘼，坐议起行，非徒欲载诸空言而已。

上年阅报章，先朝高宗暨孝钦后陵寝，迭为盗匪掘窃殉具。至是，复有太宗母后陵墓被掘之事，惨痛已极。爰约曹君叔彦、周君敬甫等，具呈北京张学良副司令暨于学忠军长，请严缉盗犯，一面派兵保护。旋敬甫寄来复函，照议办理。

函聘福建陈石遗名衍为本校讲师。陈君为余壬午乡试同年，出宝竹坡先生门下，佐张文襄公幕十余年，学术贯通，著作诗文极伙。门人叶长青介绍来校，深为可喜。

七月，行开学礼。考取新生六十名。

八月十三日，次孙孝威生，四儿庆永出。

九月，东北难作。先是吾国内讧不已，宁方与粤方失和；而北方石友三起事，政府命张学良平之，遂饬张坐镇关内。日本乃乘隙而入，袭取沈阳。旋攻去黑龙江省，师长马占山苦战半月。张学良拥兵不救。马退守克山，日人又攻取锦州，张又撤兵入关，丧师失地，全国震骇。盖近年以来人心日坏，罔利营私，无恶不作，侮慢圣贤，荒道败德，以致菑害并至，虽有善者，亦无如之何矣！余特作《废孔为亡国之兆论》一篇。

振谨案：先生所作《废孔为亡国之兆论》已编入《茹经堂文集三编》卷一。

十月，无锡溥仁慈善会赴太仓放赈。余先命价高福前往河川、毛市等乡调查。旋会中又请蓝君仲和赴太仓钱君诵三家。总计同宗保谦弟捐放四千元，余捐放一千二百元，

棉衣二千件。此事之成，实赖保谦与淞源宗侄之力。淞源为同宗申伯弟之子，同乡感颂无涯。

十一月，上海设立国难救济会。由马君相伯名良等发起，推余为会员。余作《新六国论》一篇，痛陈利害；并著《国鉴》一卷，共分十三篇；即以《新六国论》冠于首。印刷分送，借以警醒人心。

振谨案：先生此书已刊入《茹经堂全书》中。陈石遗先生所撰先生全书总叙。谓与《人格》、《军箴》诸书，可谓瘖口晓音，惟力是视者也。

十二月二十三日，上海难作。先是日人要挟上海市长吴铁城取消抗日救国会等四条款，吴勉强应允，以为可以无事矣。詎料二十三日夜，日人竟冒大不韪，攻击闸北宝山路、北四川路等处。焚烧杀掠，惨无人道。上海损失，约八千万以上。商务印书馆、东方图书馆，均付一炬。十九路军军长蔡廷锴，与蒋光鼐、戴戟、翁照垣等歃血为盟，誓师御寇。当夜大败之。而日兵舰纵横海上，络绎而来，连日攻战不已。政府迁徙洛阳，后患不知所底。吾民何辜，遇此荼毒，盖数百年来未有之浩劫也！

民国二十一年（公元一九三二年）壬申 六十八岁

正月十九日，开校。因国难故，学生来者，仅三四十人。

正月中旬，日人遣老将白川来攻上海。白川至，谋用侧击之法。二十五日早，用烟幕弹由太仓浮桥浏河两海口登岸，其时援兵不至，后方仅有上官云相一军，未经战阵，自顾不暇，且风闻有抢掠之事。蔡廷锴等不得已，退守昆山。

日人在浏河、嘉定、大场、吴淞等处，大肆焚掠。十九路军支部退太仓，敌从之，在太仓城内掷炸弹数十枚。毁民房十余处，军民惨死者甚多。余在无锡。二月朔日，先有州桥陆姓母子三人来投奔余家。余因其时学生甚少，暂以校外宿舍为收容所，自出资收养之。二月三日，浏河保卫团长黄君颂声来商量寄存枪械事。四日，太仓门人陆恩溥来，述城中亲友避难状。余既痛太仓被祸，急应救济，而浏河先茔，未卜安否。爰与同乡吴君昆生商量，雇定申新纱厂货船赴沪。校中功课，请钱君子泉等暂代。于初八日早启程。初九日午刻，舟抵前山柳河武帝宫侧，遇盗放枪行劫，幸小轮疾驶得脱。事详《壬申遇盗记》。初十日抵上海，住愚园路愚园坊三儿庆增寓中。

振谨案：先生所作《壬申遇盗记》已编入《茹经堂文集三编》卷六。

二月十二日，太仓同乡项惠卿、张纶卿，表侄朱恺俦等来商量救济事。因沿途抢劫，颇为棘手。十三日，在表侄朱生继莘家中再会商，拟托崇明王君丹揆及黄君伯钧在崇明设立收容所。一面雇大船六艘。在荡茜等海口往来，救接同乡难友。公推黄君颂声赴崇接洽。旋得复信，悉丹揆、伯钧允代设收容所六处。惟钱、米概由太仓同乡会接济。十五日，余往见王一亭君，请其收留在沪同乡。十六日，往见朱子桥君，请助捐款，朱允助二千元。十七日，赴张君纶卿处会议。同乡救济会成立，推余为会长。十八日，致函史量才、黄任之、王晓籟、杜月笙诸君，请在上海地方维持会中拨捐款项。旋黄、史二君来谈，许拨五千元，

可感之至。史君并赠余壬辰年殿试策，盖渠在大内出资购得者也。语详《壬辰殿试策自跋》。二十日，闻实业厅长何君玉书来沪，由恺俦联合嘉宝兵灾救济会，请求拨款赈济并购棉子等事，何君允以去就力请，至诚可感。一面并电请财政厅长舒君来沪会商。旋各救济会员赴镇江请赈。余委托恺俦代表，嗣后请得六万余元，先后散放。

振谨案：先生所作《壬辰殿试策自跋》已编入《茹经堂文集三编》，卷五。

三月初一日，赴徐家汇模范中学演讲。沈君叔逵、沈君同一，并旧同学张松亭、王叔贤等齐集，诸生静穆，无异昔年余在校时，深为可喜。

余忽患腰痛，连及腿部。上下楼、见客、送客，颇以为苦。表侄朱生继莘来赠药，甚可感。后至六月间始愈。

初五日，浏河坟丁何桂林来见，报告先茔无恙，喜甚。并悉伊家眷住崇明，当属以妇女勿遽回浏，惟男丁可由海口还家，播种棉子。越日，王君丹揆、朱生贯微先后来沪。余幸先茔无恙，赈务亦粗有头绪，即于十一日，偕同长儿妇庆棠并仆人高福回锡，坐沪杭车启行。是日，住杭州西湖饭店。四儿庆永来接，盖渠在之江大学教授也。十二日早，在西湖边小坐，胸襟为之一畅。午后，坐汽车至湖州。途中景致清幽，惜风极大。是晚至湖州，住中央大旅店。十三日早，乘小舟至太湖口，登锡湖轮船。舟中鱼片风味极佳，为平生所未尝。申正，抵无锡。酉正，抵家，颇动苍凉之感。十四日早，到校上课。

三月二十日，赴保谦、申伯两弟处，恳请溥仁慈善会

捐助太仓义赈，募得七千元。余自募得五百元。又在上海兵灾救济会拨一千五百元。沙溪黄少彭君为扑丞弟亲家，善士也，亦募捐一千元，共一万元。由无锡蓝君仲和暨钱天福、高福陆续赴湖川、毛市、新丰及浮桥、杨林、七丫、义桥等处散放赈款。高福归，述乡民被灾状极惨，有新丰人包某，被飞机弹炸死，遗一妻三子，惨不忍言，急赙恤之。迨至六月间，余又募得千元，命高福赴浏河、茜泾、新塘市三处放赈，详情载《壬申救济录》中。

太仓被难时，文荃弟妇马氏卧病在北行弄之寓所小楼，为炸弹震死。尸附床坍入邻舍陆君莲史家，惨痛之至，余为作碑铭一篇。旋又作《太仓军民殉难碑记》一篇，在无锡刻石，运赴太仓，嵌入城隍庙内之公所。友人钱君诵三等，并为立主致祭。

振谨案：先生所作《弟妇马氏殉国难碑铭》及《壬申太仓军民殉难碑记》均编入《茹经堂文集三编》卷八。

五月杪，放暑假。维时学生约到七十人。毕业生郭则湘等二十二人。

七月、八月，两次招考新生。来试者尚踊跃，共取八十六名。八月十四日，开校。学生先后到者一百六十三人，别设补习一班。春间因时局不靖，校董捐款及学生所交学费均停滞。不得已，实行减薪：教员减三成，职员减四成，惟月薪三十元以下者不减。诸同人辛苦维持，至是始得复旧。

九月，仿《大戴礼记·践祚篇》铭词之例，作《民性》等箴共五十六首。自尊孔教，致良知，旁逮婚丧祭礼，下至衣、食、住、行，莫不有箴。箴者，针也，将以针人心之疾病也。

呜呼，“七年之病，三年之艾，苟为不蓄，终身不得”，孟子早言之矣。厥后编为一卷，名曰《国箴》。

振谨案：先生此书已刊入《茹经堂全书》中。

九月八日，孙女孝慈生，庆永出。

九月杪大儿庆诒患目疾，网膜脱落，势极危殆。急赴北京协和医院诊治，有奥国医生披拉，治目为世界第二人，惜已将回国，仅施手术一次，约愈十之三四。继之者为中国毕姓医生，效果甚迟，颇为焦虑。

十一月，日人攻陷山海关，并袭取九门口，海军在秦皇岛登岸，河北岌岌可危。诗曰：“日蹙国百里。”可痛矣哉！

十二月下旬放寒假，时适大雪，积五六寸，因整饬校风，令退学者十三人。

民国二十二年（公元一九三三年）癸酉 六十九岁

正月中旬，开校，学生到者一百四十余人。日人攻热河，主将汤玉麟逃避，热省沦陷。日人即由山海关进攻京东宝坻、玉田等处，袭取京北高丽营，距北京城仅五十里。当道遣黄郛赴津议和，并派何应钦驻扎天津。吾国门户洞开，何以善其后乎？

三月清明节，偕三儿庆增回浏河扫墓，住表侄朱恺傅宅中。归途赴苏州访谱弟曹君叔彦畅谈，并购孙氏《周礼正义》一部。

四月，重印《陆桴亭遗书》，因版片收藏家祠中，着地潮湿，以致霉烂一百八十余版。即寄苏州王慧言君处，交手民陈海泉重刻，糜去三百余金。印资因之短少，仅印

八十部。后人藏书版者，务宜置高燥处，按时检点。

五月，放暑假，毕业生俞振楣等十九人。

自正月间，大儿庆诒由北平回，即偕儿妇庆棠赴奥国治目疾。庆棠并赴丹麦、伦敦各处考察乡村教育。至六月间回国，庆诒目疾依然未愈，天道求阙，只可委心任运耳！

六月，与钱君子泉商议，将国学专修学校校舍改建两造，共十四幢，计费共一万二千八百元。落成后，布置膳堂，悬王文成、高忠宪、顾亭林、陆桴亭四先生遗像，并摹刻先师左文襄公所书楹联，并改建忠义孝悌祠，计费三百四十余元。祠费，钱君与余分任之。

七月，招考新生。投考者极踊跃，录取一百余名。八月开校，实到新旧生二百六名。请湖南陈君天倪名鼎忠为教授，品行笃诚，学问渊博，著作极多，真良师也。

八月初，苏州国学会李君印泉名根源、金松岑名天翻等约余赴苏演讲。爰于是月二十四日到苏，住福州同年陈君石遗家。讲《论语》、《孟子》并《性理学大义》。二十五日早，访叔彦一谈。傍晚返锡。讲义印入《国学论衡》中。

振谨案：先生在苏州国学会演讲录并编入《茹经堂文集三编》卷三。

本年七月间，飓风为灾。海口冲决，崇明首当其冲，淹没田户数千亩，倒塌房屋数百家，灾民流离极惨。在苏晤谱兄王丹揆，请为劝募发赈。余向溥仁慈善会、红卍字会两处尽力设法。幸宗弟申伯极为出力，共捐得三千元，丁君梓仁捐得一千元，上海同乡会捐得三百元，先后汇崇

散放。太仓亦受风灾，情形较轻；由朱君恺俦、顾生公亮募款散放。

玉儒表弟为张君亮生介绍，请题其九世祖张天如先生遗像。余作记一篇，历叙吾娄掌故，适庆诒等为余购天如先生《汉魏百三家集》一百册，读其题辞，门径厘然，文气亦醇厚有味。旋又作先师福建林燮轩先生墓表，并同乡毕君枕梅传。因悟文章变化法，全在承转提顿处，有令人不测之妙。爰编《茹经堂论文》一卷，示诸生。

振谨案：先生所作《张天如先生画像记》、《林燮轩先生墓表》、《毕君枕梅传》俱已编入《茹经堂文集三编》卷六、卷七、卷八内。《茹经堂论文》一卷，尚未刊。

余前编《诗经大义》分伦理学、性情学等共八类，吴县单君束笙、同乡朱君叔子为主注释，每篇后并标诗旨，颇为精核。金山局君吹万名燮来索阅，因寄去。高君大叹赏，出贖为印入《葩庐丛书》，极可感。葩庐者，高君书斋名也。

振谨案：先生以孔门之教学诗，曰，兴观群怨，事君事父，多识而已。事父事君，伦理学也；可以兴，可以怨，性情学也；可以观，政治学、农事学、军事学也；可以群，社会学也；多识，修辞学也；伦理性情之精微，义理学也。于是作《诗经大义》九卷。卷首纲要，卷一以下，分选诗篇为各学：伦理十六篇，性情十六篇，政治十六篇，社会十六篇，农事六篇，军事十五篇，义理十篇，修辞八篇。其《诗经大义自序》及《八分类序》并编入《茹经堂文集三编》。

十二月，放寒假。毕业生吴德明等十二人。

寒假后，整理《礼记大义》，助余缮校者，高君涵叔也。

共四十六篇，分四卷，而以类别提要表等别为首卷。

振谨案：治《礼记》者，多重考据名物，而不知修己、治人乃其基本。先生此书，扫尽支离，独标真谛，专以反躬实践为主。其中如《曲礼》、《内则》、《乐记》、《学记》、《大学》、《中庸》、《哀公问》、《孔子闲居》、《儒行》诸篇，尤为广大精微，允救时之良药矣。已刊入《茹经堂全书》及《无锡国学专修学校丛书》中。

民国二十三年（公元一九三四年）甲戌 七十岁

正月中旬，开学。学生到者二百余人。

大儿庆诒因目眚未愈，抑郁成疾，惊怖恐惧，夜不能寐。请锡医邓星伯诊治，在家休养。

二月《礼记大义》整理完竣。又修改《周易消息大义》，加入《读易反身录》一卷并应读书目表，一并交冯生振心校正付印。

振谨案：《周易消息大义》发明十二辟卦消息，凡政治盛衰、国家存亡、人事吉凶、得失进退之道，靡不兼赅。其中《反身录》箴砭痛切。书目表说明汉宋家法，不堕空虚，允为学者必读之书。已刊入《茹经堂全书》及《无锡国学专修学校丛书》中。

三月，门人太仓胡粹士及无锡张贡九，以余七十初度，发起醴资在锡邑建筑茹经纪念堂。辞之不得，由薛君明剑等，相地于五里潮之琴山腰，购地十亩许。昔俞曲园先生在西湖建筑俞楼，自谓有玷湖山。余不及曲园令望，抱惭益甚矣。

四月间，教员太仓朱君叔子在锡寓病卒。临歿前一

夕，在余家小饮，相叙甚乐。不意翌晨猝患中风，口不能言。午后即卒。朱君品端学富，文采斐然，与余自幼相识，五十年交情，不胜惨怛。遗著有《庄子新义》，冯生振心暨同学为之校印行世。

振谨案：先生有《朱君叔子墓志铭》、《庄子新义序》均已编入《茹经堂文集三编》卷八及卷五。

校中增建盥洗室，训育吴君溉亭名良澍布置校景，略种花木，筑一亭以茹经名。同年陈石老撰联云：“栽培林木如名节，枕藉诗书此息游。”

五月，放暑假。毕业生李步青、张尊五等十五名。

月杪，上海交通大学行毕业礼，校长黎君曜生名照寰坚请余往演讲，爰赴沪。见旧同学，相与执手，欢甚。余离校已十三年矣。旋赴华东电气公司灌留声机片音。读文四篇。

本年自春徂夏，迄未得雨。早既太甚，禾苗尽槁。读“云汉”之诗曰：“呜呼何辜，今之人！”痛心已极。余家特开一井，遍劝锡邑乡人开自流公井，无应者。

教员常熟徐君管略名景铨，在锡寓病卒，身后萧条。钱君子泉与余设法募捐，为之料理。而教员陈君天倪又辞职赴粤，爰先后聘潮南刘君柏荣名朴、广东杨君铁夫、本校前毕业生钱生仲联名萼孙，分任教科。

七月，招考新生，录取一百余名。开校后，新旧生到者二百七十二名。

本学期，余讲授《性理学大义》，于周子《太极图说》、《通书》、张子《西铭》、程子《论性篇》及明儒王龙溪、钱绪山、

王心斋诸先生学派，皆有详论。拟编为《性理学发微》。

振谨案：《性理学发微》先生正在属稿，约明年可以成书云。

八月十三日，孙女孝彩生，庆永出。

高君吹万函荐沪医王君仲奇为庆治疗病。庆诒两次赴沪，至秋间，逐渐痊愈。

本省省政府督促民间申报地价，将征土地税。余与邑绅迭次呈请缓办，未能邀准。

十月十六日为余生日。因思程子有言，人子于父母歿后，生日当倍增痛，岂宜张筵做寿。余恐亲友来祝，爰于是日赴浏河扫墓。过沪时，再赴华东公司灌音，讲演孝悌廉耻及读《诗经》、《左传》法。

同年陈石老欲为余做寿序，再四辞之，乃集余所著书为总序。洋洋数千言，深可感谢。惟揄扬过当，心殊不安耳。

十二月，放假。毕业者郑高崧等十七人。

自朱子纂《伊洛渊源录》后，明薛方山应旂作《考亭渊源录》，陆清献《三鱼堂集》尝征引之。余访求数十年，不能得。今冬忽得之于上海富晋书肆，共二十四卷。编辑精详，宗旨纯粹，乃东人翻刻明版，其卷端徐阶、薛应旂序，亦系手迹翻刻，洵可宝贵。因叹外人尊崇理学如此，国安得不兴盛哉！

除夕，追思吾父为善之训，敬撰一联云：“目前福泽何来？谨留有余，上对吾祖考；此后善源易竭！急培不足，申做我子孙。”亦可以作家训云。

民国二十四年（公元一九三五年）乙亥 七十一岁

正月中开学，学生到者二百余人。

本校图书馆历年购书颇多，馆屋实不能容。爰与主任冯生振商定，在校地东北隅，扩建房屋上下四楹，并造过街楼，通至图书馆。由本邑建筑公司江生应麟承造。

同年，陈石遗先生本月四日八秩初度。上年，先生为余作全书总序。余思有以报之，亦为作全书总序。爰征集其所著关于经、史、子、集者，共三、四十种。搜讨极为繁重，竭二旬之力，始克告成，约近万言。

五月，放暑假。毕业者欧阳革辛、徐景贤等二十九名。

五月杪，宗侄星海来谈，有志研究余学说。余告以方今世局颇类战国，当以孟子心性学救之。余《性理学发微》已将告成，即以稿本示之。星海欣然愿任印费。余乃详细整理，厘为三卷，一曰理学大原：言性理为政治之本，当严君子小人之辨。二曰学派大同：自宋周濂溪始，至清曾涤生止，详论学派源流，实事求是，反诸躬行，不存门户之见。三曰读书大路：先总集，次专集，为读书记凡六十二篇。助余缮写者高君涵叔、陆生修祐、沈生詡，流汗霏霏，不稍休息。书成，交星海陆续付印。校勘者钱生君白、洪生长佳。总其成者冯生振。此书一出，期有裨于人心世道云。

六月间，昆山表甥陈剑刚，邀余往听昆曲，爰赴昆山一游。谒归震川先生墓，并游半茧园，颇舒畅。剑刚亦作一园，名剑园。有白莲、绿竹，铺草地，雅洁无纤尘。余赠联云：“三更月朗莲花白，万盏风流竹叶青。”因剑刚善饮，

故用酒名夹写，摹绘景色云。

七月，招考新生，录取一百余名。开学后，新旧生到者共二百四十六名。

去年旱灾极重。本年夏秋之交，霖雨不止，兼以黄河改道，上游淤塞，水势南趋。山东济宁各县，吾苏徐州等处，及河南、湖北两省，均受其厄。余先后捐募六百四十余元，交上海水灾义赈会散发，特杯水车薪耳！至将来黄河为害苏、鲁两省，不知伊于何底？不胜杞忧。

七月间，有渔船数艘，锁在余家门外河干。据闻因盗案株连，男子六人被押监狱。妇女十八口，哭泣之声，惨不忍闻。及询诸法院中表侄毛渊若，证实系被诬。余急托渊若设法。越数日，先后将被诬之人释出。又越数日，公安局将渔船全数开锁放行，一时欢声雷动。

本年夏，锡沪汽车路告成，锡虞往来较便。十月中旬，偕门人钱萼孙赴虞，住友人张君隐南燕园中。徐君少逵自何家市来，欢然道故。越日，偕张君、钱生恭谒先师翁文恭公墓。先诣祠堂致祭，即文恭公庐墓处也。守祠周姓，导观公之膳堂卧室，地甚偏窄。追念先师遇我之厚，怆怀不置。旋适墓展拜，规模亦不大，并无碑记，墓侧松树葱茏，境极幽静。礼成后回城小饮，即坐汽车返锡。

吾校因学生来者日众，校址不敷应用。诸同人提议另行购地建筑，虑无经费。适星海侄来谈，愿为资助。爰于十月中，托区长虞君循真，在宝界桥畔茹经堂对岸，先后购地约二十亩。每亩地价并各项费用，约二百七十五元。先树界石作为校产。至建筑校舍，为费需十万之谱，只可

俟诸异日矣。

十二月初十日，茹经堂行落成开幕典礼。锡邑到者，华艺三、蔡兼三、杨翰西、荣德生诸君，并星海侄。太邑到者，吴省三、金侠闻、朱恺侑、钱星揆诸君。金山到者，高君吹万。杭州到者，邵君祖平。其他南京、上海、崇明诸弟子，如张廷金、吴端行、裘维裕、朱诵韩、孙昌煊、傅焕光、江应麟、张福霖及新旧诸同学约二百余人。赠诗文对联各品甚伙，余深抱不安，未刻行礼，酉刻回城。余有演说词一篇，登载锡邑各报。

闽县叶生长青编《国魂集》。选录古来忠臣义士有关志节诗文，都若干首激励人心，极有裨于世道。余仿《庄子·秋水篇》为撰序一首。自问诙诡之文，不作久矣。放笔为之，颇觉光芒四射。较旧作《说龙》、《释气》二篇为胜，深自喜也。

民国二十五年（公元一九三六年）丙子 七十二岁

正月，开学，新旧学生到者二百四十余人。

二月，孙女孝贞生，庆永出。

四月，庆永调苏州，代理上海银行行长。

本年为本校十五周年纪念，先期向各处征文。印纪念册简鉴，并印新校舍计划图暨礼堂图。于五月杪择日行纪念并毕业礼。是日到者，南菁旧同学钮君惕生，专员臧君启芳，县长陇君体要等数十人，颇极一时之盛。毕业生六十三名。

放假后，偕内子赴茹经堂避暑。依山临水，兼有长桥之胜，风景极佳。惜蚊蚋甚多，起居饮食亦稍不便。住半月后回城。

六月杪，招考新生，共取八十余名。

七月初旬开学，新旧生到者二百三十五名。教师广东杨君铁夫辞职，湖南陈君天倪复来任教，并添聘四川李君后清，安徽魏生建猷为教师。

浏河陶文奎者，医生也，忽被人诬告贩卖红丸，为公安局逮捕。既押太仓监狱，已五阅月。其妻及子女号哭无措，行将槁饿。黄君颂声来函，乞为营救。余于官场，鲜通往来。姑致函太仓温县长，据复已转无锡专员公署。乃托叶生长青，向公署询问。经科长崔君提讯，确系被诬，仍羁留四十余日始释放，举家庆更生。颂声函称陶文奎将来锡叩谢，余亟阻之。

本学期，余为补习班讲《孝经》，觉其文广大精深，初学颇难领曾。爰摘其要端，别编讲义，分十五类：曰孝德宏纲篇、不敢毁伤篇、立身扬名篇、良知爱敬篇、法服言行篇、居则致敬篇、养则致乐篇、病则致忧篇、丧则致哀篇、祭则致严篇、移孝作忠篇、兄弟友恭篇、扩充不忍篇、大同盛治篇、不孝严刑篇，共分三卷。每篇中皆摘录群经中有关孝道者为纲，附以浅说。初拟名《孝经翼》，后因明代辛复元先生已有此名，爰改名《孝经救世篇》。惟因为初学讲解，随讲随编，如朱子所谓急迫之意多，沉潜之味少。质诸谱弟曹君叔彦，复云：“凡立教，有为万世者，有救一时者。君之书，殆救一时者也。”余深愧其言。

十月中旬，江阴祝君丹卿招赴陶社一游，即祝君与诸同人所设诗社也。余因南菁书院本为旧时肄业之所，光绪之季，改为学校。爰偕及门王桐荪、张尊五往游，祝君殷

勤款待，邀赴征存、南菁二中学讲学。至南菁，则规模迥与前异，不胜沧桑之感！住祝氏花园一日，即返归。余应王生绍曾之请，赴塘头桥尚仁中学讲学。在征存讲孟子不忍人之心三章；南菁、尚仁兼讲读文阴阳刚柔大义。征存教师、及门钱一如记录讲义颇详。

妹婿许君弼丞患中风病四年，于十月间歿于北京。追维戚谊交情，痛悼之至。外甥鸿逵来乞铭，为作墓志铭一篇。

十一月，宗弟保谦辞世，本校经济董事长也。平生乐善不倦，惠及鳏寡，凡遇赈灾，皆躬先倡导，而敛藏韬晦，不使人知，惜未克臻上寿。孔子有言：“善人，吾不得而见之矣。”本校为开追悼会，余为作传一篇。

十二月，开校董会，报告本校下学期宿舍内，一律改用二层铁床，每间容十六人。另辟自修室，编号人数与宿舍同。又购宝界桥旁新校基地，共费一万一千余元，得地四十三亩有奇。

民国二十六年（公元一九三七年）丁丑 七十三岁

正月开学，新旧学生到者二百十余人。

二月二十日，花朝日，宝界桥新校址行植树礼。适值大风雨雪，余先至茹经堂。午初刻，诸同人、同学均会集。餐后，雨略止，即赴对岸植树，约共四百余株。半桃半柳，皆傅生焕光所赠。余作颂词，诸君兴致甚高。雨雪更大，不得已，雇汽油船归。途中风烈，颇危险。

五月杪，本校行毕业礼，毕业生三十余人。

七月，招考新生，录取六十余名。

七月七日（公历），中日战事发生于芦沟桥，天津一带遂成战区。大局岌岌可危矣！

陈石遗先生忽于本月初旬，患疝气病遽卒。闻讣电，哀痛之至！后应其孙光度之请，为撰墓志铭。

八月十三日（公历），沪战突起。三儿庆增，自锡仓皇返沪。时锡沪间车路已断，绕道嘉兴，途中极为危险。

九月中旬开学。时日机屡经锡地，往袭南京。人心惶惧，学生到者，仅五十人。余为迁校计，托高君涵叔，在南城外王祥巷觅屋一所。而本校旧同学许生岱云来函欲迎余往居许巷，可感也。

是月，表姊吴作年夫人、表甥王露华夫妇，及静芝弟、祥伯侄、吴君也庵、王慧言世弟等，均因太仓秩序混乱，挈眷避难来锡。余告以此次战事非“九一八”可比，无锡恐亦不免。静芝弟等，遂借居乡间。惟吴家表姊、露华夫妇，居住余家。

十月六日午后，日机轰炸无锡北门车站，并及东门。余家仓促避地室内，闻爆炸声隆隆然。日机投弹二十余枚，约二小时始去。孙儿女等在校陆续归，幸皆无恙。傍晚，高君涵叔来探望。余竟夜不能睡，决计避乡间。

七日早，宣布迁校。略收拾行李，并先人手迹等。次日，叩别家祠，偕内子等赴许巷，寓许生岱云家，并见其弟岱青，厚意殷挚。同时本校教员龙伯纯、江武子、陆景周、王慧言，职员吴溉亭、吴亦庵等，并学生二十人，迁居王祥巷（冯振心及学生二十余人留城中）。儿媳庆棠，率教育学院学生迁方桥，相距约二里许，庆诒住许巷，孙儿女等住方桥。

十月杪后，日机时来轰炸附近周泾巷。至十一月十日左右，每日来三四次，在屋顶盘旋。诸生往来上课，心恒惴惴。会教师陈君天倪，自长沙来函相招，同人遂议决迁校至长沙。慧言、也庵、静芝等，因道远不能往，相对凄然。余西溪房屋，托表甥王露华看守。

孝纯孙女患伤寒症，住南门内普仁医院。十二日午前，遭日机轰炸。时庆棠亦在医院，同避地室内，震动几至坍塌。急雇小船，避至方桥。孝纯经此惊恐，病势愈重，忧虑之至。

十四日，雇小船三艇，晚五时，自许巷起程。船小人众，几无容足之地。途经常州、丹阳，飞机轧轧之声，难民流离之状，震耳骇目，不胜凄惨。

十七日午后，抵镇江，寓大华旅馆。十九日晨，学生陈洵代雇小轮一艘，渡至江心，登德和轮船。舟中拥挤，余与孝纯备极周折困难。幸庆棠觅得房舱一间，余及内子、庆棠、孝纯勉强同住。振心、长青家眷及四儿妇、诸孙女等住统舱中。人声嘈杂，浪激风烈，不堪其苦。二十一日晚，过芜湖。二更许，舟中人惊相语曰：“日机在桅上盘旋。”于是灯火尽熄，约二时始去。二十二日晚，过九江。

二十四日黎明，抵汉口。表甥俞仲华，为定交通旅馆二间，殷勤招待。逾二日，四儿庆永来汉，详告离苏州及中途遇飞机危险情状，闻之泪下。即命庆永在旅行社购买车票。

二十九日午后，乘小轮抵武昌，即行登车。伤兵拥挤争先，混乱已极。翌日，天微雪，经临湘、岳阳、汨罗。晚六时，抵长沙。长青引导，住南方旅馆。诸同人惊相告曰：

“镇江大华旅馆、英公司德和轮船，均遭日机轰炸，死者千余人。”闻之惶骇不置。

十二月八日，长青觅定黄泥街房屋。时余患感冒，饮食不便，暂时迁往。而长沙伤兵极多，情形如散沙。南洋旧同学谭介甫，托其表姊颜畹兰女士，在湘乡铜钹湾，代觅房屋。十八晚开会，议定余先赴湘乡，后再迁校。即雇定小舟三艇：一为余夫妇及四儿妇等用；一为庆棠、诸孙女等用；一为教育学院师生用。次日傍晚登船。湘乡码头有峭壁极高，适天雨泥滑。余坐藤榻扶抬，行半里余，始上船，危险之至！同学陈治安，扶持送至船上，可感也。

二十五日午后二时，至湘乡铜钹湾，起岸。余坐藤轿，轿身狭窄，与江南不同，且透风不稳。内子等均步行。时余疲极，形神几若相离矣。

民国二十七年（公元一九三八年）戊寅 七十四岁

一月八日，叶生长青，偕其弟来云：“时局一时不定，拟将本校暂时解散。”余告以只可疏散若干人，其有愿来者，可迁校至湘乡，照常授课。

十二日晚，钱生仲联来报告，长青急于回闽，已将本校部分疏散。余等经数度周折，暂在铜钹湾上课。

二月一日，为旧历元旦后一日。余为诸生讲格物定论。

八日，顾君惕生来谈，蚌埠失守，徐州颇危急。闻军事消息，敌人或攻沙市，或宜昌，再袭常德，则两湖受其包围，赴川路将断绝，可虑之至。

九日夜七时半，雨甚。庆棠自桂林来言，桂省府主席

黄旭初，因黄任之先生介绍，将以大小汽车迎接余等于衡阳，机缘可谓凑泊矣。

十七日晨起程。四儿媳庆兰，送至县政府。庆棠已偕俞钊文表甥女先到等候，余等五人登车赴衡阳，一时半近湘潭。正欲渡河，忽闻警报，即退树林内暂避。约半时许解除，即赴河干候渡。忽有军人自称冯庸部下军官，有紧急公事，争先渡。庆棠云：“如此，则公安局定章，岂不作废耶！”军人甚怒，立命驱车至岸旁。余命司机人退让，逾时渡河。陆行过株洲、衡山，又渡河一次。六时半抵衡阳，住广东酒店。

十八日晨，日机轰炸衡阳，投弹三十余枚，房屋震动。翌晨，启程赴桂林，途经祁阳、零陵、全州、兴安等地。五时许抵桂林，住乐群社，省政府招待处也。

二十日午前，雷宾南先生自徐州回桂，来畅谈。对于时局，洞见本源，语皆扼要。

二十三日晚，景周及四儿妇等均抵桂林。

二十四日，余偕内子迁入正阳街租屋。旋另租竹园街楼屋三间，是晚迁往。不意门口茅厕污秽不堪，楼上亦臭气熏人。余戏作一联云：“十年有臭，一夜无眠。”

二十五日晨，迁回正阳街。接孙颺香君来信，悉无锡家中无恙，甚慰。

三月间，因正阳街房屋西向，潮热不堪；托关生文俊觅得环湖路十八号房屋，共计十二间，南向。三月二十一日迁入。诸生约二十人，仍照常上课。

二十日，雷宾南厅长来谈，赠余《行政概论》。对于公

务人员之选择修养，均洞见本源，可佩。

四月十日，敌机轰炸岳麓山长沙大学。学生、伤兵死者约五百人，极为惨酷。

十四日，因学生来者渐多，与振心等会商，分为二组。奈桂林书籍稀少，印刷又不便，仅购得《三通·序》作为课本。

十九日晚，父大同学在乐群社开欢迎会，到者四十余人。主席吕焕祥君，邀余演讲，勉诸同学辨析义利，明君子小人心术之分，以正人心而救中国。

五月十一日，悉四儿庆永任成都上海银行分行经理，作“怀古”诗五首寄之。

二十九日晨，赴风洞山访马相伯老先生，年九十九矣，精神稍逊。余语之云：“君年可比周文王矣。”先生愀然云：“人生至此，虽千岁亦复何益！”先生重听，语言由其女公子代传。畅谈时局，相对唏嘘。六月三日晨，报载敌机轰炸广州六次，死数千人，惨不忍言。

十四日上午九时半，桂林遭空袭。敌机轰炸机场附近，投弹十六枚，死伤十一人，房屋均震动。居民纷纷逃避山洞中。

二十五日，毕业考试毕，毕业生袁步祺等四人。

二十六日开会，议定请振心代理校务，余即返沪。是晚，庆棠回桂林。翌日开会，交振心钤记、存折；并托教育院职员李君友松雇定船只。

二十八日早六点，四儿妇挈孙孝威等先启程，临别怅然。十时半，余夫妇动身，景周同行。振心因回北流，亦偕伴送。舟行六塘，每塘十里。

二十九日晨，过阳朔。山水奇特，空灵可爱。夜宿平乐。

三十日，舟行逆流而上，挽舟邪许呼号之声不绝于耳。晚宿昭平。

七月一日，过雷魄滩、松林峡，夜宿缆水。自此以下有黄水夹流，非顺水矣。

二日晚宿乡村，离梧州六十里。三日午前抵梧州。午后，南洋同学龙纯如及其夫人偕友人郑君师许、及国专旧同学崔生履辰等五六人来迓，余等将行李发交小船。时适起大风，幸龙夫人派人照料，同高福押运。余与内子等亦坐小舟，同登大兴轮船，即托龙纯如、郑师许两君发电致香港南洋同学会邵君泉士。是晚大雨，两君匆促登岸。振心将回北流，握手话别，意极惓惓。

四日晨六钟开船。九钟抵都城。夜过三水。

五日晨六钟，过虎门，放零丁洋，颇有风波。诵文文山先生诗，为之凄然。午刻抵香港码头，南洋同学罗锡暄、庄正鼎、邵泉士等十余人，又友人雷宾南均到舟中迎接。闻港埠检查行李甚严，幸有罗君等照料，并无留难。登岸后，住雪厂街思豪大酒店，颇宽畅，罗、庄二君所预定也。

六日下午，南洋同学开欢迎会，到四十四人，俞亮、顾谷同、吴清庠、吴达模等均在坐。罗锡暄、庄正鼎主席演说，摄影，极为热闹。

七日午后，宾南来，介绍雷生泽钊执贽受业。慕道情殷，至为可嘉。五时偕宾南赴孔道学院演讲。地在山腰，正鼎为余另备一车，盘旋而上。至则遇国专旧同学许寿平、卢沅候于门，亦来听讲。院长朱汝珍，号聘三，甲辰榜眼，

款待周至。六钟入坐演讲：一经学，二理学，三文学，四品行。听讲者五六十人，秩序肃然。在座多粤人，请宾南复译。至八钟始毕，即兴辞归。

八日十钟，余偕内子登康脱浮第邮船，诸同学及宾南、泽钊等均登船送行。

十日午刻抵上海，拥挤不堪，人声喧闹。高福扶余走软梯而下，尚不困难。即乘小轮至新关码头。陈柱尊、陆揖文、崔云潜等均在码头迎接。余偕内子赴沧州旅馆暂住。

十二日，借定西摩路南阳路四十四号，计房大小二间，客厅、饭厅公用，每月租金百元。房主人亦唐姓，名文恺，号伯元。夫妇均谦和，意殷勤可感。

十八日午前，接庆棠电云：孝纯孙女等本日由港起程，坐英公司广东号船，约二十二日可到。甚慰。

十九日，向张菊老处借顾亭林先生《天下郡国利病书》之原稿本，并附印年谱，日读十余页。

八月六日，接庆棠汉口航空函云，连日救济避难妇女西行，交通工具缺乏，极为困难。年少者只得步行。难童救出二千余人。现定八日坐轮船赴重庆。余覆：难童衣服上应各挂牌子，注明父兄姓名籍贯及年龄，且须设难童学校，分级教授。此事有关国家将来种族，切宜注意。

二十日饬高福回锡。

高福返沪，报告家中房屋、书籍无恙。衣物损失约十之六七；茹经堂附近宝界桥被轰断，宝界饭店等均炸毁，茹经堂幸无恙，器物损失约十之三，黄宾虹名画、磁器为日人窃去，寄存许生岱云家各物幸无恙。不胜沧桑之感。

九月四日，胡生粹士携黎照寰校长信来，谓交大拟设特别讲座，请余每星期讲授一小时，以道德文学大纲为主。许之。

十一日，四儿妇抵沪，孝威孙等均安好。

十一月，近冬至节，余患病，热度一百零三度，请表侄朱继莘诊治；打针后，热势渐退。惟因避难奔波，困顿过甚；兼发劳伤，疲惫不能起床。至年底，渐就痊。

民国二十八年（公元一九三九年）己卯 七十五岁

正月初旬，甫能出见客，家人以为幸而不死。余谓际兹国难，不幸而不死耳。

去冬，通州旧同学卢生景纯议兴复国学专修学校。方余病时，常来与陆君景周商酌，至二月间议定：借康脑脱路通州中学作为校址。通校午前上课，吾校下午二钟后上课。乃聘嘉兴旧同学王生瑗仲为教务主任，景纯充事务主任，景周仍充秘书兼助教，并请嘉兴沈君苏儒助理教务，昆山姜君谋生仍来充缮务。

三月三日，正式上课，同学约五十余人。余讲授《诗经》、《论语》二课。四月，赴大夏大学演讲。余讲王阳明先生“致良知”及“知行合一”之学，可以正心救国。听者至为肃静。有学生唐敬德记录颇详，在报章发表。

六月下旬放暑假，本校设立暑期班。余教授读文法。余在交通大学逢星期日演讲已二学期，校中为印讲演初、二集。

九月初旬招考开学。新旧同学共九十余人。钱生仲联

自桂林回沪，并携来教部补助校费二千元，欢然道故，即请其担任教课。

民国二十九年（公元一九四〇年）庚辰 七十六岁

正月开学，同学九十余人，合旁听生共一百零四人。余授宋元哲学及读文法二课。逢星期日上午，仍赴交通大学演讲经学、文学，经学讲《孟子》分类；文学讲余自作文数篇，以救民命为宗旨，内以《说雪哀民》、《慈幼保种》二篇最为诚挚感人。

三月，四儿庆永在成都患下血症颇剧，养息月余，幸渐愈。

六月下旬放暑假。

六月间，印交大演讲三、四集，至八月出版。

九月初旬，招考开学，新旧同学一百二十五人。嘉定同乡高君介人在其六十初度时，招免费生一班，共三十名，作为纪念，借以周济贫寒子弟，诚善举也。暑期时，来商归入本校，所有一切费用仍由高君担任。惜系初中程度，未能与本校衔接，允其附于本校，另设课堂，请何生芸孙主持其事。

余在本校任课如前，每星期日上午仍赴交大演讲。

民国三十年（公元一九四一年）辛巳 七十七岁

正月开校，新旧同学共一百三十六人。

余昔年长南洋大学，原设附属小学，请沈君叔逵主持。迨余与叔逵辞退后，崇明沈君同益接办，扩充为南洋模范中、

小学。本年二月二十六日，举行四十周年纪念会，请余演讲。余为讲《孝经大义》，诸生鼓掌雷动。旋在校午餐。孝威孙在是校肄业，有成绩陈列，并作《校诞记》，文理条达，可喜也。

三月，儿妇庆棠患血压过高症至一百八十余度，入上海妇孺医院医治，渐就痊愈。余因牙齿脱落，请邓法言医师诊治。邓医将上排齿拔去，仅留二枚，颇觉痛苦；且精神体魄，亦觉损伤。乃知老年人拔齿，实非所宜，饮食只能进流质。迨装好后，虽能食略硬之物，然终觉不便也。

七月间放暑假。

九月间开学上课。余因交通大学地址较远，星期日上午改在本校演讲，交大及他校诸生均可入座听讲。本校礼堂较狭窄，用扩音机传播，附近教室及廊檐下亦可传达，听众约三百余人。

十二月间放寒假。

前年余在太仓纠合钱君涌三等诸同志设积善会，开办施粥厂。至今冬，经费支绌，向无锡诸同乡募捐，约得十万元，汇交钱君等散放，每天约费五百元。别有住居南门纯阳庙中鳏寡孤独废疾者共二十一人，皆系隐贫。此外尚有妇孺不能出门者，均须送米送粥前往。钱君暨诸同志热心任事，同乡颇沾实惠。

民国三十一年（公元一九四二年）壬午 七十八岁

正月开学，新旧同学共一百十余人。上海生计日艰，米价腾贵，来学不易，可叹。余仍照旧演讲，并在校任《诗

经》、《论语》课各一节，均用余自编大义本。

六月一日，当局变更币制，以二元作一元。而物价非特不能平，且更有加无已，米价每石涨至九百元，小民困苦日增。虽经工部局发给户口米，较市价廉三分之二，然每人每日仅限米二合，杂粮二合，食不能饱。盖每人每日以煮饭计，需米七合，以煮粥计，需米五合也（小口照上数减半）。

秋间，本校事务主任卢君景纯辞职，请教务主任王生瑗仲兼任。瑗仲提纲挈领，主持一切，深资得力。请常熟陈君养浩为训育员。又会计员王君友干辞职，请无锡张君仲礼继任。

八月间，宝山金君巨山介绍纱号孙君煜峰名寿熙、孙君邦瑞名寿征、采办事务所顾君丽江、缪君天行名振堇、高君君藩名垣（高君吹万之哲嗣）、电影界费君敬庐名穆（孝行纯笃）来受业，每星期课以《论语大义》及《诗经大义》各一节，先朝掌故一节。

十月初，余忽患癃闭症，始而小便不通，继则点滴流出。表侄朱继莘介绍泌尿科专家陈君邦典来诊治。邦典为嘉定同乡仲达先生之世兄，谓系膀胱炎。送入体仁医院，内子陪往。陈君谓须割去摄护腺，惟恐流血过多，老年不能支持。乃施用小手术，使小便改道。住医院一月回寓。虽无大痛苦，然改道后皮管不能离身，诸多不便，亦无可如何也！

太仓粥厂改施粥为放米，略为节省，同乡报告，口碑颇佳。余并托顾君秉成、邵君孟刚等分趋浏河、浮桥、杨林、七鸦各处散放冬赈。

本年秋，为余重宴鹿鸣之期，诸执友皆通函或赋诗道贺，西安友人王幼农兄亦寄诗来，厚意可感，而浏河张君纶卿赠余棉衣票二十五套，作为贺礼，散发太仓，救济贫民。当即请钱君诵三遣人来沪运太。仁德热心，尤可钦佩。

民国三十二年（公元一九四三年）癸未 七十九岁

本年岁朝立春，且在子正交春，极为难得，太平其有望乎？正月开学，学生实到者百余人。余仍授《论语》与读文、作文法。

孙君煜峰等仍来听讲，每星期二节。余为编《读易入门》，接讲《周易消息大义》。其中《学易反身录》于修己治人之道最为切近，不可不熟读也。

本校仍复名国学专修馆，仍请王生瑗仲为教务主任，陈君养浩为训育员，张君仲礼为会计员。惟经费拮据，幸金城银行吴蕴斋先生为补助一万元，可感之至。

六月放暑假，八月开学，余仍上课二节，一《孝经大义》，一《国文大义》。

太仓粥厂因米价腾涌，购买不可得，幸赖钱君诵三与邵君孟刚、顾君秉成等尽力向常熟及双凤镇分头购买。兹因捐款日艰，米价每担贵至数千元，只得买元麦搭放。计贫民约八百五十口，买到米麦存钱氏廩仓中。

民国三十三年（公元一九四四年）甲申 八十岁

正月开学，学生及旁听生百余人。

余每逢星期二到校教授读文法一节。各亲友因余八十

初度，致贺者络绎。至十月，谱弟曹君叔彦赠寿序，以道义相勉。北京张君新吾等亦赠寿序，叙述昔年在商部时苦心维持各事，均极可感。

孙君煜峰等五六人仍来听讲。每星期授课二节，一《周易消息大义》，一《孟子大义》。

孙君煜峰为余印《茹经堂文集四编》，闻排印费甚昂，深为可感。

民国三十四年（公元一九四五年）乙酉 八十一岁

入春以来，太平洋英美海军与日本舰队作战，进展甚速，先后收复吕宋、马尼拉、硫磺岛等地。

欧洲方面，苏联军于三月十二日攻入柏林。德意两国无条件投降。闻意大利首相墨索里尼为民众所枪毙，德国元首希特拉亦自杀，善战者终服上刑。自欧战发生以来，迄今五年八个月，人民死者不计其数，诚空前浩劫也。

秋，上海物价飞涨，薪水阶级已成涸辙之鱼。余于衣食家用，力求樽节，尚能勉强维持。处困顿之境，惟有俭以养廉而已。

六月十五、十六二日，美国飞机来沪轰炸，三马路惠中旅馆亦被波及。虹口居民纷纷入市区避难。余家颇受虚惊。余力求镇定，处理校务如常。

七月三日，日本屈服求和。先是中英美通牒日本，提出和平条件，日方置诸不理。美国乃在广岛、长崎两处投原子弹，工业精华，均成灰烬。苏联亦对日宣战，击溃我国东北日本关东军，胜局遂定。

七月六日（公元八月十五日），日本天皇广播演说，令驻华派遣军队速即投降。上海日人闻之，多伏地痛哭者。日本侵略战争，至此遂告结束。

八月，学校开学，仍称无锡国学专修学校。添聘旧同学唐生尧夫为总务主任。余任读文法一课。

冬，嘱王生瑗仲赴锡，筹备复校事宜，并筹设附属中学。共取本部及附中新生三百余人，聘定教职员二十余人。

民国三十五年（公元一九四六年）丙戌 八十二岁

正月开学，余任课如前。

二月下旬，南洋同学会开会，议决于交通大学五十周年校庆时，建立新文治堂，主持此事者为赵生祖康、赵生曾钰等。

夏，嘱王生瑗仲赴锡视察锡校，并欢迎桂校复员。三处生徒合计达五百余人。

七月八日上午，交通大学举行第四十六届毕业典礼，校长吴生保丰，邀余到校演讲。余以敦人品、励气节，为中国领袖人才勗勉诸生。

十年以来，国共谈判，若断若续，至本年冬，完全破裂。国民党在南京召开国民大会。而北方战事，风云日急，殷忧无已。

十月二十六日，国专全体教职员同学赠余红木手杖，上镌“天寿平格”四字。上午十时，举行献杖仪式。王生瑗仲致辞，余答谢，并勉同人作中流砥柱云。

民国三十六年（公元一九四七年）丁亥 八十三岁

正月开课，余任读文法如旧。

自国共谈判破裂后，内战益急。本年春，国共两军在苏鲁冀等省混战。各地物价腾涌，人民生活陷入绝境。

今岁上海学潮蜂起，各大中学校学生纷纷罢课，高呼反内战口号。学生集会，常被军警拘捕，群情愤慨。四月十五日，余与张君菊生、陈君叔通等十人，联名致函当局。大意谓学潮近因，不过学校内部问题，亦有因生活高涨，痛至切肤，而推源于内战。政府派兵调警，殴打逮捕，甚至有公开将逮捕之学生送往中共区域之言，似非政府爱民之旨。应将被捕学生释放，由学校自行开导。其呼吁并不悖于理者，亦宜虚衷采纳，则教育前途幸甚。书上不报。

六月二十四日，长孙女孝纯，长孙孝宣，乘美琪轮船赴美留学。孝纯攻教育，孝宣习化学。

八月十九日，余与内子迁居静安寺路一二七四号，房屋三间，较南阳路故居略宽敞，空气亦佳。

十月杪，俞甥颂华在苏州逝世。颂华为隶云兄次子，尚气节，有父风。二十五日，上海各界在静安寺举行追悼会。长媳庆棠哭之甚痛。余挽以“廉行劲骨”横幅。

民国三十七年（公元一九四八年）戊子 八十四岁

正月，沪校开学，余任课如前。是月，有及门诸弟子薛志伊名桂轮、谢仲显名绍祖、周志仁名树慈、陆景周名修祐、陆汝挺女士、冯振心名振，及长子庆诒等发起余读文灌音片之举，由薛生志伊总其成。灌音片正集凡十张，

每张二篇，预约出售，颇风行一时。薛生志伊等为宣扬吾国文化起见，复议定发行通用集五张，每张亦二篇，内有中英文对照，英文译文为庆诒所撰，冀可留传海外。灌音片为大中华唱片厂所制，主其事者范君式正也。

七月间，政府颁布新币制，采用金本位，每金圆券合法币三百万元，每四元合美金一元。未几，价格狂跌，小民深受剥肤敲髓之痛，而中产阶级亦遭殃及。盖政治泯替，至今日而极矣。

八月二十九日，长媳庆棠应联合国文教会之聘，调查欧美儿童教育，乘机赴美。

十二月中旬，国军杜聿明部队在蚌埠一带与共军决战，全军覆没。未几，北平和平解放，同时扬州亦为共军占领。

公元一九四九年 己丑 八十五岁

正月，沪校开课。

三月二十九日晨，突有武装军警二千余人包围交通大学，以装甲车冲进校内，并开枪击伤学生多人。其他学校亦同时发生类似事变。

四月一日，教育部下令疏散上海十五大学，庆诒原寓交通大学宿舍，亦被迫迁出，避居戈登路底申新二厂职员宿舍。

四月十三日，闻炮声隆隆然，与雷声相和，盖共军渡江后即攻克南京，分兵东下，如疾风扫箨，方与国民党残军激战于上海西郊也。二十八日（公元五月二十七日），共军进入上海市区，居民安堵。

六月四日下午，国军飞机在闸北、虹口、静安寺等处投弹轰炸，死伤百余人。

六月二十九日晚，台风袭沪，大雨如注，风势之猛，为数十年来所未有，积水一片汪洋，交通断绝，而雨势有增无减。稻棉收获，均已绝望。

七月一日，难民十余万人无家可归，流浪市中心各处，情形惨极。交大等校发起赈济，惟募捐之数，仅杯水车薪耳。

八月，无锡国学专修学校呈准改为中国文学院，分文学、史地、哲学三系。余任院长，聘王生瑗仲为副院长，严生济宽为秘书长，钱君海岳为教务长，蒋生庭曜、朱生东润、冯生励青等为教授。

八月十日（公元十月一日），中华人民共和国成立，毛泽东主席，定都北京。

十一日，嘱王生瑗仲赴锡代余主持中国文学院改院成立庆祝典礼及补行开学典礼大会。余作演讲词一篇，由瑗仲在会宣读。

十月十六日，长媳庆棠在京逝世。先是庆棠，自美取道香港回国，参加新政协会议，旋任中央人民政府教育部社会教育司司长，积劳过甚，骤患剧疾，十六日晨不起。比孝端孙女奔赴省视，则已气绝，号哭呼叫不应。医生谓是脑充血症。噩耗抵沪，家人匿不以闻。数月后，亲友有传闻者，乃知庆棠死矣。庆棠视教育如性命，一身所办事业甚伙，于家庭之间，常觉依依不舍，乃至是卒死于学，惨痛之至。余为作墓志铭一篇。

十二月十九日为长媳庆棠营葬于虹桥公墓。余因年迈

未往，由内子代表。孝纯、孝端两孙女自京来沪参加葬礼。

公元一九五〇年 庚寅 八十六岁

正月二十六日上午，国军飞机空袭龙华机场，投弹五十余枚，历一时余始解除警报。

本月，沪校奉华东教育部令与锡院合并。自侨沪以来，凡十有二年，先后所聘教授如陆颂襄、吕思勉，郝昺衡、周予同、周谷城、胡曲园、蔡尚思、张世禄、夏承焘、童书业、王佩诤、葛绥成、李长傅、朱大可、鲍扶九诸先生，皆一时之选，毕业达三百余人云。

五月，锡院同人鉴于一般私校学生锐减，经费支绌，来沪会商，请求并入无锡社桥苏南文化教育学院语文系。旋奉令允准。教职员工及学生共一百余人，全部转往，而余任名誉教授，薪水并未裁撤，虚糜廩粟，至为惭恧。

六月间，无锡西溪我家房地产，因地价税负担太重，以后园地三亩余售与蒋某。余嘱三媳兰征、四媳庆兰赴锡代余签约。代价白米二百五十石，每石以二十万元计算，后园房屋围墙走廊茅亭作价均在内，得主允筑一字形围墙作界，两家公司用。

七月中旬，余患重伤风，内子失眠症亦复发，幸得继莘表侄诊治，获痊。

八月十六日，长孙孝宣自美乘威尔逊总统号轮返国，于今晨安抵家中，旋随同内子暨三、四儿媳赴锡，布置祠堂，并奉庆棠神主人祠。

孙女孝端本在外交部供职，十月初申请参军，照准，

即离京赴沈，编入陆军部队。

公元一九五一年 辛卯 八十七岁

四月间，宝山同乡金巨山先生介绍上海浦东潘生光霁来受业。初受《尚书》，既受《国文经纬贯通大义》、《孟子救世编》等。潘生笃好国学，除攻读经集外，购余读文灌音片正集及通用集，研习读文法，颇饶兴趣。

九月二十一日上午，余缮信稿时，忽觉头眩气塞，咯痰无数。午后神志少清，旋又患寒热，体气虚弱。延朱继莘表侄诊治，渐愈。

九月二十七日，长子庆诒承表妹陈佩萱女士介绍，续娶太仓王廷钰女士。女士年三十六岁，为吾娄王藻儒八中堂之后，性情淑慎，治家有法度，过门后夫妇极相得云。

公元一九五二年 壬辰 八十八岁

二月间，美机在朝鲜北部及吾国东北各地投掷细菌炸弹，惨无人道。近代火器，制造日精，如原子弹、细菌弹、氢气弹，皆为杀人利器，荼毒生灵，莫此为甚。倘此种武器不加禁止，人民无噍类矣。

三月十三日，金君巨山、陈君仲达暨朱生贯微等发起为余庆祝重宴琼林。余本以节约为主旨，然因诸君盛意难却，遂允之。金君等莅余寓所小酌志贺，列席者十三人，尽欢而散。

三月中，连接秦生雨溪自锡来信，报告无锡西溪我

家房屋后宅，有人堆积花生壳，投入香烟，以致两次起火，烧毁房屋一间，显系有人故意破坏。无锡公安局正在调查中。

六月杪，庆诒夫妇赴锡察看家中情况，旬日返沪，报告；西溪后宅楼下房间，已租与苏南行署文教处，琴山茹经堂已于去年划入风景区，无锡建设局未经业主同意，将堂屋拨交公营采石公司使用。余嘱庆诒备函呈江苏省人民政府报告此事，并申请将茹经堂捐献。嗣接复函，指令茹经堂仍归余老年休养之用。未几，无锡采石公司即迁出。

十月十一日，内子旧病复发，不能安睡。高福突患中风症。亟延继莘表侄诊治。内子渐愈，而高福右臂形成瘫痪，一时不能复原。陈邦典医师介绍吉君祉辉为余洗涤膀胱并换皮管。因吉君事冗不能常来，旋聘金君调良继任，每日来寓一次。

公元一九五三年 癸巳 八十九岁（男庆诒谨述）

本年春，吾父精力日衰，上午勉强起坐进餐，下午卧床休息。朱贯微先生时策杖来问候，可感也。

八月中，茹经堂原经江苏省人民政府指令归吾父作老年休憩之用，近悉无锡建设局又将堂屋租与无锡庆丰纱厂。吾父嘱长媳妇廷钰赴锡了解情况，经迭次磋商，建设局始将茹经堂归还原主，仍租与庆丰纱厂，此事遂告一段落。

十月十六日为吾父八十九生辰，晚间在寓家宴。

十二月七日晨，吾父小便内发现血水甚多，庆诒、廷

钰闻讯，亟往省视，延陈邦典医师诊视，陈医师嘱须勤涤膀胱，使血液不致凝滞。晚，四弟妇庆兰暨金君调良每小时为吾父洗膀胱一次，至翌晨流血渐止，尚能安睡。

公元一九五四年 甲午 九十岁

正月，吾父神志尚清，惟右腿风瘫不能动。

二月二十九日晨，吾父病剧，全身抖动约一小时，亟请俞松文、朱继莘二医师诊视，呼吸困难，系老弱征象，情况严重。

三月七日（公历一九五四年四月九日）吾父病势骤增，脉息下沈，呼吸时常停顿，不能言语。晚间全家侍疾，至子夜十二时三刻竟溘然长逝，呜呼痛哉！庆诒、庆增暨诸儿媳等跪哭良久，勉慰萱堂。黎明，奉吾父遗体至万国殡仪馆，并迎吾母迁入交通大学宿舍。十二日，举行大殓。四弟庆永由京奔丧来沪。亲友来吊者凡二百五十余人，自太仓、无锡来者颇众。此次丧事，由静之叔、子淦叔及薛君桂轮等主持。上海市人民政府统战部、交通大学、江苏师范学院等机关均派代表致唁。张菊生、冒鹤亭、姚虞琴、高吹万、金巨山、吴眉孙、朱贯微先生等七人发起公祭，仪式隆重。嗣张菊生、冒鹤亭、金巨山、朱贯微先生等百一十人，复议决为吾父行易名礼，私谥“文成”，高谊均可感也。

四月二日下午，奉吾父灵柩至江湾第一公墓安葬，吴眉孙、葛渔父两先生远道来执紼。吴先生年近八旬矣。公墓面积甚广，小溪环绕，风景清幽，吾父坟地在昃字区，

松楸葱郁，穆愉万年。

先君原有自订年谱，至七十为止，已发刊行世。嗣后每年有纪事稿本，迄八十止。八十后精力且衰，所记仅数则而已。去年秋，庆诒谨将原稿整理补充，完成续编，年月体例，一本自订年谱，其有关无锡国学专修学校教务者，请王瑗仲兄覆核，瑗仲兄于病中将全稿校阅，为补入若干条，厚意至可感也。先君生平以宏敷教养为己任，中年供职清廷，殫精竭虑，擘划振兴我国农工商业，疏屡上不报，旋以亲丧去官，遂不仕，在沪主办南洋大学，即今之交通大学也。掌校务十余载，设电机、机械、土木、铁道管理等科，培养科学人才，为我国工业开辟途径。晚岁遭丘明之厄，退居锡山，创立国学专修学校，讲学著述，风雨晦明不稍辍。惜乎抱济世之宏愿，未能大展其材为可悲也。今先君弃养忽忽已逾两载，展读遗书，如聆警欬，每念鞠育顾复之恩，辄为之凄怆伤怀不能自己云。民国四十五年（一九五六年）春日男庆诒谨述。

茹经先生自订年谱跋

甲戌岁，茹经先生年七十，同门诸子，既谋建纪念堂于太湖之琴山以为先生寿；又请先生以自订年谱刊布于世。先生谦让未遑，未之许也。振以旦夕随侍于先生，乘间窃请者屡，始蒙付校。因就年谱中著作所系，略加案语，以当索引。又综先生文集奏疏所载，逮各专书，编为著作年表，附刊于后。既毕业，窃僭识其末曰：先生八岁即立志为伊尹，顾生丁叔季，虽抱尧舜其君其民之盛德宏愿，不获见诸功业，识者莫不为先生惜。退而讲学，则以先知先觉觉斯世斯民，弟子遍天下，著作充栋梁，闻风感发，斯道之兴，当不在远。孟子论禹稷颜回同道，伊尹未尝干汤，先生虽不得大行乎其志，其传道授徒之盛业，亦何愧于伊尹之任。今老矣，而筋力坚强，神明完固，讲授述作，无一日或息。继今以往，八十、九十以跻乎期颐，吾知天之所以成先生之任者，盖未有艾也。民国二十四年二月二十日门人冯振谨跋。

唐文治

自述



第二编

茹经先生著作年表

茹经先生著作年表

清光绪十年（公元一八八四年）甲申 二十岁

礼记月令习五戎义 茹经堂文集（以下简称文集）二编卷一

原情 文集二编卷二

清光绪十一年（公元一八八五年）乙酉 二十一岁

陆象山言先立乎其大辨 文集初编卷三

宋明诸儒说主一辨 同上

乐无大夫士制论 文集二编卷一

清光绪十二年（公元一八八六年）丙戌 二十二岁

易丰配主夷主义 文集二编卷一

读焦礼堂孟子正义 同上

清光绪十三年（公元一八八七年） 丁亥 二十三岁

陈同甫与朱子辩论汉唐治法论二篇 文集初编卷三

易屯二爻辞义 文集二编卷一

易讼大象传义 同上

易蛊先甲后甲巽先庚后庚义 同上

易升上爻消不息义 同上

易既济东邻西邻义 同上

读书汤誓 同上

礼酬爵莫而不授辨 同上

恶圆篇 文集二编卷二

清光绪十四年（公元一八八八年） 戊子 二十四岁

易师履临大君义 文集二编卷一

易观六四爻辞义 同上

易坎九五爻辞义 同上

易解朋至斯孚义 同上

易涣涣汗涣血义 同上

诗皇父考 同上

鲁诗有传无传考 同上

礼亲歿不得为人后议 同上

释子云 同上

汉书艺文志尔雅属孝经说 文集二编卷二

贾生深于礼述 同上

叔孙通所著书考 同上

郑君述汉律考 同上

汲黯论 文集二编卷三

清光绪十五年（公元一八八九年）己丑 二十五岁

思亲诗（十月作未刊）

清光绪十六年（公元一八九〇年）庚寅 二十六岁

书嘉庆太仓州志后 文集二编卷五

清光绪十七年（公元一八九一年）辛卯 二十七岁

祭李母王太夫人文 文集二编卷九

清光绪十八年（公元一八九二年）壬辰 二十八岁

礼经校释序 文集二编卷五（自注代程序东太夫子作）

张海明遗集序 同上

书左传考释后 同上

书翁云樵先生文集后 同上

章丽生先生墓志铭 文集二编卷八

清光绪十九年（公元一八九三年）癸巳 二十九岁

太镇官绅义勇殉难瘞骨碑 文集二编卷八

清光绪二十年（公元一八九四年）甲午 三十岁

请挽大局以维国运折 茹经堂奏疏（以下简称奏疏）

卷一

郁夫人家传（自注庚戌改正）文集初编卷五

送嘉定徐季和先生视学浙中序 文集二编卷七

清光绪二十一年（公元一八九五年）乙未 三十一岁

与李生颂韩书 文集二编卷四

王葆卿先生六十寿序 文集二编卷七

顾廷一先生墓志铭 文集二编卷八

外舅黄浚之先生诔文 文集二编卷九

清光绪二十二年（公元一八九六年）丙申 三十二岁

上沈子培先生书 文集二编卷四

吴粤生先生六十寿序 文集二编卷七

清光绪二十三年（公元一八九七年）丁酉 三十三岁

高子外集序二篇 文集初编卷四（文集注戊戌作）

刘母郝夫人传 文集二编卷六

清光绪二十四年（公元一八九八年）戊戌 三十四岁

谨殫竭血诚以维国脉折 二月 奏疏卷一

请停止搜括之政片 二月 同上

敬陈管见以固人心折 三月（自注代沈子封师作） 同上

清光绪二十五年（公元一八九九年）己亥 三十五岁

与友人书 文集二编卷四

清光绪二十六年（公元一九〇〇年）庚子 三十六岁

纪徐桐崇绮事 文集初编卷六

纪庚子六月冤狱 同上

宝梦莲先先生诗集跋 文集二编卷五

五忠诗 十月作未刊

清光绪二十七年（公元一九〇一年）辛丑 三十七岁

奉使日本记（自注代那大臣作） 文集初编卷六

东瀛日记一卷 随那桐使日本时作 未刊 游日光山记
（随那桐使日本时所作已刊入《国文经传贯通大义》卷二，
又删节刊入《英轺日记》卷十二）

清光绪二十八年（公元一九〇二年）壬寅 三十八岁

英轺日记序（自注代载大臣作） 文集初编卷四

郑公孙挥能知四国之为论 文集二编卷三

陶母金夫人传 文集二编卷六

王紫翔先生六十寿序 文集二编卷七

英轺日记十二卷（代固山贝子载振编 九月成光绪
二十九年文明书局印行）

清光绪二十九年（公元一九〇三年）癸卯 三十九岁

议覆张振勋条陈商务折 七月（自注代载大臣作） 奏
疏卷二

拟商部章程折 九月 奏疏卷二

声明南部办事权限折 十一月 同上

- 重刻周忠介公文集序 文集初编卷四
二叔母徐孺人墓志铭 文集初编卷五
正谊堂逸书序 文集二编卷五

清光绪三十年（公元一九〇四年）甲辰 四十岁

订立商勋折正月 奏疏卷二

请设农工路矿各项公司片 正月 同上

请设立商会折 十一月 同上

陆庚星遗稿序 文集二编卷五

于玉峰遗稿序 同上

清光绪三十一年（公元一九〇五年）乙巳 四十一岁

请设立勘矿总公司以保主权折 七月 奏疏卷三

请筹拨勘矿总公司官股片 七月 同上

请改定官制折 七月 同上

请立宪折 八月 同上

清光绪三十二年（公元一九〇六年）丙午 四十二岁

请办商业模范银行折 三月 奏疏卷三

请调用人员设立储才馆折 闰四月 同上

请遣派学生出洋片 同上

请设各省农工商务监督以兴要政折 六月 同上

议覆北洋大臣政务处奏路务议员办事章程不无窒碍折
六月 同上

附录北洋大臣袁世凯原奏折

署农工商部尚书谢恩折 九月 同上

清光绪三十三年（公元一九〇七年）丁未 四十三岁

刘君葆真传 文集二编卷六

太仓方烈女传 同上

陆贞烈女碑记 文集二编卷八

蓄艾编二卷 五月成未刊

曾子大义（七月成二卷 第一卷孝经大义已刊入茹经堂全书〔以下简称全书〕 第二卷论孟中曾子语未刊 大学大义别为专书 余未成）

清光绪三十四年（公元一九〇八年）戊申 四十四岁

陆文慎公墓志铭 文集初编卷六

汇刻太仓旧志五种序 文集二编卷五

知止齋文集序 同上

国粹教科书续编序 同上

女甥俞庆和哀词 文集二编卷九

清宣统元年（公元一九〇九年）己酉 四十五岁

孟子大孝终身慕父母论三篇 文集初编卷一并附孝经大义后（文集注庚戌作）

重印文文山先生集序 文集初编卷四

学校培养人才论 文集二编卷三

中学国文读本序 文集二编卷五

国文大义二卷 十二月成 全书之一

清宣统二年（公元一九一〇年）庚戌 四十六岁

说龙 文集初编卷二

箕子论 文集初编卷三

曾文正公日记序 文集初编卷四（文集注己酉作）

王考府君事略 文集初编卷五

先妣胡太夫人事略 同上

归高阳姊氏墓志铭 同上

外祖古愚胡公家传 同上

安雅堂文稿序 文集二编卷五

陆文慎公奏议序 同上（文集注辛亥作）

三省楼剩稿跋 同上（文集注丁未作）

金竹庭先生传 文集二编卷六

国文阴阳刚柔大义绪言 文集三编卷一

清宣统三年（公元一九一一年）辛亥 四十七岁

古人论文大义二卷 十二月成 全书之一

中华民国元年（公元一九一二年）壬子 四十八岁

四儿孝长字说 文集二编卷三

陈砚香先生传 文集二编卷六

朱湘舟先生传 同上

忆苓女侄哀词 文集二编卷九

人格一卷 六月成 全书之一

国文阴阳刚柔大义八卷 十二月成 已刊未再版

中华民国二年（公元一九一三年）癸丑 四十九岁

论语乡党篇大义 文集初编卷一（文集注己未作）

论语微子篇大义 同上（同上）

论语子张篇大义 同上（同上）

驳学校不祀孔子议 文集二编卷二

论语大义二十卷 十二月成 后修改为定本 全书之一

中华民国三年（公元一九一四年）甲寅 五十岁

孟子滕文公篇大义 文集初编卷一（文集注丁巳作）

释气 文集初编卷二

与曹君叔彦书 文集二编卷四

工业专门学校国文成绩录序 文集二编卷五

沈君竹初传 文集二编卷六

祭表姊俞母顾太夫人文 文集二编卷九

中华民国四年（公元一九一五年）乙卯 五十一岁

孟子离娄篇大义 文集初编卷一（文集未注年月）

谷梁传选本跋 文集二编卷五

哀二薛文 文集二编卷九

孟子大义七卷 十二月成 全书之一

太仓孝贞女陈氏生传 文集六编卷五（据校核似己卯作）

中华民国五年（公元一九一六年）丙辰 五十二岁

大学大义自序 文集初编卷一（文集注己未作）

中庸通义序 文集二编卷五

黄君暗伯传 文集二编卷六

赠陈柱尊序 文集二编卷七

大学大义一卷 十二月成 全书之一

中华民国六年（公元一九一七年）丁巳 五十三岁

书洪范言无党论语言不党论 文集初编卷一

中庸大义自序 同上（文集注戊午作）

孟子善战者服上刑论 同上

谒孔陵文 文集初编卷二

外舅郁铭轩先生家传 文集初编卷五

外舅黄浚之先生家传 同上

姨母胡孺人家传 同上

祭和硕亲王文 文集初编卷六

与陈生柱尊书 文集二编卷四

顽潭诗话序 文集二编卷五

工业专门学校国文成绩录二编序 同上

工业专门学校杂志序 同上

许文肃公遗集跋 同上

陆成甫先生传 文集二编卷六

刘佛卿先生神道碑 文集二编卷八

内姊郁氏仪贞殉难记 同上

孙君子钧墓志铭 同上

黄君幼亭墓志铭 同上

龚君绍康墓志铭 同上

祭尤母赵太夫人文 文集二编卷九

先儒静坐集说 六月成 未刊

近思录札记思辨录记各一卷 八月成 未刊

中庸大义一卷 十二月成 全书之一

中华民国七年（公元一九一八年） 戊午 五十四岁

许文肃公外集序 文集初编卷四（文集注已未作）

唐樊绍述先生附祀西湖白公祠记 文集初编卷六

祭先师王文贞公文 同上

梦游诗经馆记 文集二编卷三

示郁儿书 文集二编卷四

中学国文新读本序 文集二编卷五

读左质疑跋 同上

汪君穰卿传 文集二编卷六

洪君漱霞六十寿序 文集二编卷七

俞君隶云墓志铭 文集二编卷八

闽省郑母陈太夫人墓表 文集六编卷六

中华民国八年（公元一九一九年） 己未 五十五岁

瓶社诗录序 文集初编卷四

七叔寄亭公家传 文集初编卷五

宜兴蒋孝子碑 文集初编卷六

记义犬 文集二编卷三

与王君慧言书 文集二编卷四

崇正录序 文集二编卷五

王君丹揆六十寿序 文集二编卷七

庄思谦先生祠堂碑记 文集二编卷八

十三经提纲十三卷 十二月成 全书之一

中华民国九年（公元一九二〇年）庚申 五十六岁

无锡国学专修馆学规 文集初编卷二

读经救国论序 文集二编卷五

无锡秦二孝子传序 同上

高君秋荃传 文集二编卷六

顾母秦太恭人墓志铭 文集二编卷八

祭邓母廉太夫人文 文集二编卷九

陕县曲雅堂先生墓碑铭 文集五编卷七

中华民国十年（公元一九二一年）辛酉 五十七岁

黄元同先生学案 文集初编卷二

施刻十三经序 文集初编卷四

无锡重建尊经阁碑记 文集初编卷六

太仓育婴堂征信录序 文集二编卷五

王文贞公文集跋 同上

宗兄郭郑墓志铭 文集二编卷八

中华民国十一年（公元一九二二年）壬戌 五十八岁

周子太义自序 文集初编卷四（文集注癸亥作）

- 二程子大义自序 同上 (同上)
- 张子大义自序 同上 (同上)
- 洛学传授大义自序 同上 (同上)
- 朱子大义自序 文集初编卷四 (文集注癸亥作)
- 曹月川先生集序 同上 (同上)
- 陆文慎公年谱序 同上 (同上)
- 守玄阁诗学序 同上
- 说文解字释要序 同上
- 东林学校陶斋记 文集二编卷三
- 记黑猫 同上
- 周易故训订跋 文集二编卷五
- 钱安之先生传 文集二编卷六
- 孙有卿先生家传 同上
- 邵孝子传 同上
- 胡母顾太夫人七十寿序 文集二编卷七
- 黄君公续碑 文集二编卷八
- 宗侄肇农哀辞 文集二编卷九
- 不忍人之政论三篇 文集三编卷二 即政治学本论共十三篇 癸亥作七篇
- 政本审六气论一篇 文集三编卷二 即政治学本论共十三篇 癸亥作七篇
- 礼治法治论二篇 同上 (同上)
- 洪范大义三卷 六月成 全书之一
- 性理学大义十四卷 十二月成 全书之一

中华民国十二年（公元一九二三年） 癸亥 五十九岁

礼始于男女之别论 文集初编卷一

政治学大义自序 文集初编卷四

朱文公文集校释序 文集二编卷五

无锡国学专修馆文集初编序 文集二编卷五

太仓钱氏宁远义庄碑记 文集二编卷八

章君琴若墓志铭 同上

王君子云墓志铭 同上

亡聘媳钱氏瑞坤哀词 文集二编卷九

地方自治论 文集三编卷二（政治学本论之一）

学校论 文集三编卷二（政治学本论之一）

文化论 同上（同上）

选举论 同上（同上）

财政论 同上（同上）

兵政论 同上（同上）

表论 同上（同上）

政治学大义四卷 七月成未刊

中华民国十三年（公元一九二四年） 甲子 六十岁

天命论三篇 文集初编卷一

书尧典皋陶谟大义 同上

周易孔义序 文集初编卷四

重刻朱止泉先生朱子圣学考略序 同上

读文法笺注序 同上

纪和硕亲王事 文集初编卷六

- 纪翁文恭公事 同上
 纪王文勤公事 同上
 纪陆文端公事 同上
 纪庚子遇匪遇盗事 同上
 谭叔裕先生墓表 同上
 朱止泉先生外集序 文集二编卷五
 书沈即山先生诗文钞后 同上
 汪君我庾传 文集二编卷六
 陈忠愍公殉难碑记 文集二编卷八
 陈君千丞墓志铭 同上
 葛燮生碑铭 同上
 天地机论 文集三编卷一
 外姑黄太夫人事略 文集三编卷七
 论语大义定本二十卷 四月成 全书之一

中华民国十四年（公元一九二五年）乙丑 六十一岁

- 先考府君事略 文集初编卷五
 家祠藏书谨志 同上
 家祠藏救生绳谨志 同上
 外祖古愚胡公手迹谨志 同上
 华君觉堂墓表 文集二编卷八
 张生光炤哀辞 文集二编卷九
 蔚薰哭诗四十九首 三月作 未刊
 续蔚薰哭诗十一首 三月作 未刊
 军箴四卷 六月成 全书之一

国文经纬贯通大义八卷 九月成 全书之一

中华民国十五年（公元一九二六年）丙寅 六十二岁

与曹君叔彦书 文集二编卷四

柏子俊先生文集序 文集二编卷五

夏文敬公年谱并遗诗后序 同上

刘河纪略跋 文集二编卷五

满洲二友传 文集二编卷六

邵君心炯传 同上

张君拙嘉传略 同上

王君彬儒传 同上

姚君柳屏传略 同上

许君稻荪传 同上

李母王恭人传 同上

赠苏寓庸先生序 文集二编卷七

李君远甫墓表 文集二编卷八

知觉篇 文集三编卷一

溧阳张氏宗谱序 文集三编卷五

吴氏宗谱序 同上

一粟诗草序 同上

明刻铜版音论诗本音跋 同上

蔡子厚先生家传 文集三编卷七

朱节母陈孺人家传 同上

刘母陶太夫人家传 同上

荣母石恭人家传 同上

顾君伯圭墓志铭 文集三编卷八

再续蔚蕙哭诗十二首 正月作 未刊

茹经堂文集六卷 六月刊成 全书之一（即初稿）

三续蔚蕙哭诗二十八首 十二月作 未刊

嘉兴王生季闳哀辞 文集六编卷六

中华民国十六年（公元一九二七年）丁卯 六十三岁

王文贞先生学案 文集三编卷一

读朱子仁说 同上

朱柏庐先生学庸讲义序 文集三编卷三

读左研究法 同上

陈子遗书序 文集三编卷五

太昆先哲遗书序 同上（文集自注戊辰作）

庄子新义序 同上

许复庵文集序 同上

张毅龢遗文序 同上

太仓胡吟石公传略 文集三编卷七

汪义门先生家传 同上

汪棣圃先生家传 同上

李颂韩家传 同上

无锡杨君翰西商团功绩碑 文集三编卷八

金君巩伯墓志铭 同上

翁君佩孚墓志铭 同上

茹经堂奏疏三卷 十二月刊成 全书之一

蔚蕙哀二卷 五月编成 已刊

中华民国十七年（公元一九二八年） 戊辰 六十四岁

周易易解序 文集三编卷三

尚书大义自序 同上

答胡敬庵书两封 文集三编卷四

沈敬亭先生文稿选序 文集三编卷五

明龚母王太夫人寿诗遗迹序 同上

赵叔宝先生行年纪略后序 同上

休宁程氏六烈妇传序 同上

顾辟疆园记 文集三编卷六

华子随先生家传 文集三编卷七

郁君佩如传略 同上

秦佩鹤先生墓志铭 文集三编卷八

钱祖耆先生墓志铭 同上

孙君鹤卿墓志铭 同上

高老愚先生墓志铭 同上

殷烈妇熊氏碑铭 同上

傅母朱太夫人墓碑铭 同上

家谱世系传状艺文志共二卷 正月成 未刊

尚书大义内外篇各一卷 五月成 全书之一

宝山张君润之墓碑铭 文集五编卷七

中华民国十八年（公元一九二九年） 己巳 六十五岁

诗经大义自序 文集三编卷三

诗经伦理学序 同上

- 诗经性情学序 同上
 诗经政治学序 同上
 诗经社会学序 同上
 诗经农事学序 同上
 诗经军事学序 同上
 诗经义理学序 同上
 诗经修辞学序 同上
 娄东孙氏家集序 文集三编卷五
 李颂韩养庐诗文稿序 同上
 勺轩文钞序 同上
 杏墩文集序 同上
 太仓蟹簪记 文集三编卷六
 孙君华楼家传 文集三编卷七
 胡君劭介家传 同上
 钱君复三家传 同上
 高母李太孺人家传 同上
 陈节妇王孺人家传 同上
 陈君善余墓志铭 文集三编卷八
 黄烈妇李氏碑铭 同上
 寡母董夫人墓志铭 同上
 王蔚人哀辞 同上
 家谱坟墓志 正月成 未刊
 论语大义外篇一卷 五月成 全书之一
 茹经堂文集二编九卷 十月刊成 全书之一

中华民国十九年（公元一九三〇年）庚午 六十六岁

急救米荒揭 文集三编卷一

上海交通大学第三十届毕业典礼训辞 同上

周易探原序 文集三编卷三（文集无目无文）

礼记摘要序 同上

赠闵采臣序 文集三编卷四

阳明学术发微自序 文集三编卷五（文集自注己巳作）

紫阳学术发微自序 同上

锡山秦氏文钞序 同上

沈子培先生年谱序 同上

郁佩如拙尊诗稿序 同上

勤补斋杂著序 同上

施襄臣己巳函关秋赈图序 同上（文集自注庚午作）

国术进化概论序 同上

桐城吴挚甫先生文评手迹跋 同上

王紫翔先生文评手迹跋 同上

王紫翔先生书函手迹跋 同上

宗伯子良公积善传家记 文集三编卷六

朱君蓉舫家传 文集三编卷七

朱秀坤先生家传 同上

傅君耐寒家传 同上

华耀廷先生墓志 文集三编卷八

俞凤宾墓碑铭 同上

李胞与先生墓志铭 同上

过智修赈灾死事碑铭 同上
薛母施太夫人墓碣铭 同上
太仓九曲镇杨龚氏焦氏暨二女分媛瑛媛殉难哀辞 同上
阳明学术发微七卷 二月成 全书之一
紫阳学术发微十二卷 八月成 全书之一

中华民国二十年（公元一九三一年）辛未 六十七岁

废孔为亡国之兆论 文集三编卷一
克己为治平之本论 同上
急救水灾议 同上
续救水灾议 同上
学校当研究水利议 同上
中庸篇大义下 文集三编卷三
儒行篇大义 同上
答曹叔彦书 文集三编卷四
高忠宪朱子节要后序 文集三编卷五
读经志疑序 同上
史学钩元序 同上
杏墩笥记序 同上
重建安我素先生祠堂记 文集三编卷六
陆母吴太夫人入祀节孝祠记 同上
清明扫墓记 同上
王晋蕃先生传 文集三编卷七
傅君晓渊家传 同上

汪夫人吴氏家传 同上

陕州召公甘棠庙碑 文集三编卷八

雷君补同墓志铭 同上

萧君肖甫墓志铭 同上

卢君锦棠墓碑铭 同上

王君霭亭墓碣 同上

乡谥惠毅施君左虚墓碑铭 同上

戴惠苍哀辞 同上

国鉴一卷 十一月成 全书之一

中华民国二十一年（公元一九三二年）壬申 六十八岁

八德诠释 文集三编卷一

五德箴 同上

答胡敬庵书 文集三编卷四

治平统鉴序 文集三编卷五

孔门学史序 同上

壬辰殿试策自跋 同上

上海交通大学工程馆记 文集三编卷六

壬申遇盗记 同上

烈士尚吉元传 文集三编卷七

义士美国人萧特传 同上

庐江徐孝子传 同上

马君云亭神道碑铭 文集三编卷八

王君受尹墓志铭 同上

袁君汝舟墓志铭 同上

- 弟妇马氏殉国难碑铭 同上
 壬申太仓军民殉难碑记 同上（文集有文、漏目）
 国箴一卷 九月成 全书之一
 项君惠卿家传 文集四编卷七
 宗兄慕潮家传 同上

中华民国二十二年（公元一九三三年）癸酉 六十九岁

- 礼记大义自序 文集三编卷三
 中庸天命章五辨 同上
 苏州国学会演讲录 同上
 宗嫂吴太夫人七十寿序 文集三编卷四
 黄君伯钧七十寿序 同上
 答陈柱尊论格物书 同上
 新安讲学会第二集序 文集三编卷五
 风雨勘诗图序 同上
 重印娄东十子诗选跋 同上
 重建无锡忠义孝悌祠记 文集三编卷六
 张天如先生遗像记 同上
 毕君枕梅家传 文集三编卷七
 冯母李太孺人家传 同上
 林燮轩先生墓表 文集三编卷八
 茹经堂论文一卷 七月成 未刊
 诗经大义九卷 十二月刊成 全书之一
 朱君寿臣墓志铭 文集四编卷八

中华民国二十三年（公元一九三四年）甲戌 七十岁

- 周易程传纂注序 文集三编卷五
孙侍郎奏议序 同上
张豫泉同年重游泮水诗序 同上
刘河保卫团纪功碑 文集三编卷八
张子虞先生墓表 同上
蒋君伯言墓志铭 同上
窦生海澗墓碣铭 同上
周君敬甫墓碑铭 同上
朱君叔子墓志铭 同上
唐母陈夫人墓志铭 同上
凌夫人石氏墓志铭 同上
周易消息大义五卷 二月成 全书之一
礼记大义五卷 二月成 全书之一

中华民国二十四年（公元一九三五年）乙亥 七十一岁

- 沈君蓉汀墓志铭 文集三编卷八
中庸新义序 文集四编卷四
胡文忠公语录序 文集四编卷六
唐荆川先生年谱序 同上
云在山房类稿序 同上
广思辨录序 同上
乙亥志稿序 同上
漱寒轩记 文集四编卷七
侯室丁夫人墓志铭 文集四编卷八

野园题词序 文集五编卷五

中华民国二十五年（公元一九三六年）丙子 七十二岁

王一亭先生七秩寿序 文集三编卷四

读经条议 文集四编卷四

孟子不忍人三章讲义 同上

谱弟曹君叔彦七秩双寿序 文集四编卷五

许文肃公年谱序 文集四编卷六

菽园杂记序 同上

尤旭斋先生家传 文集四编卷七

宗弟保谦家传 同上

何君颂三家传 同上

吴粤生先生鞠镇洋冤狱记 同上

夏君应堂墓志铭 文集四编卷八

许君弼丞墓志铭 同上

朱节母陈太夫人墓志铭 同上

庐江吴家齐先生墓表 同上

国学专修馆十五周年纪念刊序 文集五编卷五

叶君长青国魂集序 同上

中华民国二十六年（公元一九三七年）丁丑 七十三岁

赠刘腴深先生序 文集四编卷五

答高君二适书 同上

袁评经史百家杂钞后序 文集四编卷六

农隐庐文集序 同上

张君仲仁文集序 同上

罗念庵先生文要跋 同上

天心鹤闻图跋 同上

薛氏烈妇张嘉卉传 文集四编卷七

祝氏怡春阁记 同上

孝烈吴许氏殉姑殉夫记 同上

陈石遗先生墓志铭 文集四编卷八

宗弟申伯墓志铭 同上

中华民国二十七年（公元一九三八年） 戊寅 七十四岁

颜曾思孟四贤宗要 文集四编卷二

宗颜子法 同上

宗颜子法述录 同上

宗曾子法 同上

宗子思子法 文集四编卷二

宗子思子法述录 同上

宗孟子法 同上

宗孟子法述录 同上

原仁 文集四编卷三

原信 同上

原耻 同上

原慈一 同上

原慈二 同上

原慈三 同上

原慈四 同上

- 放赈急救条议 同上
- 饿者言 同上
- 大学格物定论 文集四编卷四
- 孟子分类简明读本序 同上
- 孟子论战学题辞 同上
- 孟子尊孔学题辞 同上
- 孟子贵民学题辞 同上
- 孟子孝弟学题辞 同上
- 孟子政治学题辞 同上
- 孟子心性学题辞 同上
- 孟子教育学题辞 同上
- 孟子论辨学题辞 同上
- 孟子气节学题辞 同上
- 孟子社会学题辞 同上
- 孟子大同学题辞 同上
- 孟子通周易学论 同上
- 朱生贯微癸卯乡试朱卷评语跋 文集四编卷六
- 黄省轩先生家传 文集四编卷七
- 陆君蓬士家传 同上
- 王君慧言家传 同上
- 周君赞尧墓志铭 文集四编卷八
- 蔡君兼三墓志铭 同上
- 论孝道之要 文集五编卷一
- 论妖孽 同上
- 俭德菲食约 同上

天问兽言感辞 同上

香港孔道学院演讲录 同上

中华民国二十八年（公元一九三九年）己卯 七十五岁

文周孔三圣宗要 文集四编卷一

宗周文王法 同上

文王之学在内勘诸心 同上

文王至孝 同上

文王畏天命 同上

文王爱民之大德 同上

文王自述境遇自道心得 同上

孔子宗文王 同上

宗周公法 同上

周公敬天命 同上

周公之至孝至弟至性至情 同上

周公勤政爱民树八百年之基业 同上

周公制礼 同上

孔子宗周公 同上

宗孔子法 同上

庸言之信 同上

庸行之谨 同上

仁者不忧 同上

知者不惑 同上

勇者不惧 同上

精义入神 同上

开物成务 同上

崇圣祠急宜兴复议 文集四编卷三

慈幼保种篇 同上

说雪哀民篇 同上

读周易大纲 文集四编卷四

论周易君子教育 同上

论语分类要旨 同上

娄郡诸生谱序 文集四编卷六

斗航诗钞序 同上

宋朱子勅书跋 同上

理学宗传辨正抄本跋 同上

邓君星伯家传 文集四编卷七

镇洋王文贞公遗书室记 同上

甲戌修筑海塘纪绩碑 文集四编卷八

重建金沈祠碑记 同上

劝惜字纸文 文集五编卷一

读书经大纲 文集五编卷三

盛杏荪先生愚斋存稿序 文集五编卷五

曹君松乔手钞四书集注序 同上

唐君穗卿遗像跋 同上

陈君干丞林下课孙图跋 同上

严母卢太夫人家传 文集五编卷六

邓母朱夫人家传 同上

太仓萧孺人殉难记 同上（文集注庚辰作）

江阴祝君丹卿墓志铭 文集五编卷七

中华民国二十九年（公元一九四〇年）庚辰 七十六岁

读诗经大纲 文集四编卷四

诗小雅常棣篇讲义 同上

诗小雅蓼莪篇讲义 同上

孝经开宗明义章讲义 同上

梦湘盦劫余诗序 文集四编卷六

朱生贯微读经笔记序 同上

谢氏咏史诗辑注跋 同上

书陈生柱尊临诸家评点韩集后 同上

沈思齐先生传 文集四编卷七

秦砚畦先生家传 同上

项母张太夫人家传 同上

重修唐荆川先生读书处碑 文集四编卷八

朱母赵太夫人墓志铭 同上

冈君之孝八十寿序 文集五编卷四

松江交通志序 文集五编卷五

粹芬阁四书读本序 同上

双梧馆秋课图跋 同上

中华民国三十年（公元一九四一年）辛巳 七十七岁

三纲论 文集四编卷三

朱子学术精神论 同上

精气魂魄神为五宝论 同上

治心在研几论 同上

- 救济丛谈 同上
- 王杏塘先生七秩寿序 文集四编卷五
- 朱君苏吾五秩寿序 同上
- 答谱弟曹君叔彦书 同上
- 孙氏玉鉴堂先哲遗书目序 文集四编卷六
- 娄水琴人集后序 同上
- 顾晴沙给谏风草图题咏跋 同上
- 王文恪公行状 文集四编卷七
- 沈君梦莲传 同上
- 谢君钟英家传 同上
- 顾嫂高恭人家传 同上
- 黄室唐夫人家传 同上
- 王母沈太孺人二百龄诞辰记 同上
- 丁恪敏公神道碑铭 文集四编卷八
- 钱氏三代墓表 同上
- 唐永龄先生墓志铭 同上
- 杨君玉书墓志铭 同上
- 太仓先哲遗像册序 文集五编卷五
- 高氏中学成绩录序 同上
- 吹万楼文集序 同上
- 江君武子本国历史地图序 同上
- 明季忠节贰臣字迹跋 同上
- 武进朱君芷庭家传 文集五编卷六
- 沈母徐太夫人家传 同上
- 嵩山草堂记 同上

中华民国三十一年（公元一九四二年）壬午 七十八岁

周作民先生六秩双寿序 文集四编卷五

俞金门先生遗著序 文集四编卷六

丹华火柴公司历史序 同上

王麓台先生艺菊图题跋 同上

王梅森先生家传 文集四编卷七

杨君在田家传 同上

姚君承砚家传 同上

袁燮元先生家传 同上

金君侠闻家传 同上

奉贤朱遁叟先生家传 同上

童君金辉家传 同上

荣熙泰先生家传 同上

陈母凌太夫人家传 同上

翁文端文恭两公墨迹记 同上

重绘娄东十老图后记 同上

松禅图书馆纪念碑 文集四编卷八

张君谪隐墓志铭 同上

王君选卿墓志铭 同上

王母朱太夫人墓志铭 同上

胡生敬佩哀辞 同上

壬午九月患膀胱症自述 文集五编卷一

辞贺重宴鹿鸣文 文集五编卷二

郭晋之先生九十寿序 文集五编卷四

- 胡母顾太夫人八十寿序 同上
- 重印南通张君季直年谱序 文集五编卷五
- 嘉定钱氏宗谱序 同上
- 冯君紫珊七旬纪念刊序 同上
- 当湖雪映庐画鉴序 同上
- 李君惠农诗文集序 同上
- 钱君士青全集序 同上
- 石刻王阳明先生遗像跋 同上
- 镇海方君粹彦家传 文集五编卷六
- 吴江吴君植如家传 同上
- 春夜思亲翌日闻周太孺人节孝坊被毁怆怀感赋（用古韵） 文集六编卷一

中华民国三十二年（公元一九四三年）癸未 七十九岁

- 读书管见序 文集四编卷六
- 憲斋金石考释题跋记序 同上
- 书谱兄王文恪公铁路痛史后 附录铁路痛史 同上
- 李君季康家传 文集四编卷七
- 周君念耕家传 同上
- 孙君莲初墓志铭 文集四编卷八
- 论不忍 文集五编卷一
- 述徐杨二太翁行善事 同上
- 论行善为吾辈之天职 同上
- 论行善当先人后己 同上
- 论国家善气恶气关系废兴存亡 同上

- 续劝善救民篇 同上
- 古本大学微言 文集五编卷三
- 赠缪生天行序 文集五编卷四
- 荣君德生七十寿序 同上
- 张君竹溪七十寿序 同上
- 伯元宗兄五十寿序 同上
- 王君次清诗词集序 文集五编卷五
- 孙君筹成三十周从戎纪念序 同上
- 增订古文观止序 同上
- 明杨椒山先生手迹跋 同上
- 钱君孙卿私乘跋 同上
- 太仓张君纶卿家传 文集五编卷六
- 无锡高君践四家传 同上
- 海门童君涤青家传 同上
- 青浦高君荫嘉家传 同上
- 重修陆陈江盛四先生祠记 同上
- 重修沈即山先生祠记 同上
- 胡生敬佩衣冠墓记 同上
- 竹径草堂记 同上
- 南汇唐君问余家传 同上
- 梅母崔孺人家传 同上
- 乐亭马益堂先生纪念碑 文集五编卷七
- 三原王幼农先生墓表 同上
- 唐乌窠道林禅师碑 同上
- 祭无锡荣宗敬先生文 同上

无锡溥源宗侄哀辞 同上

无锡颖瑚宗侄女哀辞 同上

中华民国三十三年（公元一九四四年） 甲申 八十岁

追记母病二则 文集五编卷一

孙君煜峰五子字说 文集五编卷二

香草居题辞 同上

学易入门录 文集五编卷三

周君止庵八十寿序 文集五编卷四

林君菽庄七十寿序 同上

许君润生七十寿序 同上

金君宗城五十寿序 同上

纪云宗弟六十寿序 同上

上海荷溪金氏族谱序 文集五编卷五

闻孙蓉先生遗诗序 同上

钱君躬行诗存序 同上

唐氏孝友乐善图序 同上

野航吟稿序 同上

陈君征宇诗集序 同上

萧屋泉先生师生画展集序 同上

南郊送别图序 同上

百兰图画册序 同上

缪文贞公会试遗墨跋 同上

娄东十老图跋 同上

朱氏传家乐善图跋 同上

- 汀州伊峻斋先生家传 文集五编卷六
南汇盛亮生先生家传 同上
鄞县陆元利先生家传 同上
宝山潘君润芝家传 同上
江阴周君醇葆家传 同上
唐母史太夫人家传 同上
旌表节孝周太孺人石碑坊记 同上
太仓十二古迹记 同上
太仓粥厂图画记 同上
太仓翼维保婴所记 同上
陆桴亭先生枪法遗闻记 同上
陀罗寿世图记 同上
无锡旅沪同乡会记 同上
海滨修禊图记 同上
上海曹豫材先生墓碑铭 文集五编卷七
太仓钱君诵三墓志铭 同上
如皋顾母徐太孺人墓志铭 同上
同族保谦公孝善遗型图总序 文集六编卷四
广西北流陈君柱尊墓志铭 文集六编卷六
太仓陆君彤士墓志铭 同上

中华民国三十四年（公元一九四五年）乙酉 八十一岁

- 人生三不及论 文集五编卷一
任琪女士悬壶纪念训辞 文集五编卷二
孝纯孙女大学毕业训辞 同上

- 胡君春台收藏先哲书画题辞 同上
- 弟妇蔡太夫人七十寿序 文集五编卷四
- 袁母杨太夫人七十寿序 同上
- 复旦大学政治学系行政练习序 文集五编卷五
- 元历纪年法序 同上
- 嘉定潘伯申先生家传 文集五编卷六
- 嘉定吴氏读经教孝图记 同上
- 宝山瞿君祥芝墓志铭 文集五编卷七
- 嘉定夏君琅云墓志铭 同上
- 崇明龚母陈夫人墓志铭 同上
- 无锡张娴女士墓碑铭 同上（文集注甲申作）
- 论世界之和与战 文集六编卷一
- 论定国要策 同上
- 仁寿鉴 同上
- 江宁陈亮伯先生墨迹题辞 同上
- 无锡张娴女士风雨勤斯图题辞 同上
- 周易天命学 文集六编卷二
- 周易保民学一 同上
- 周易保民学二 同上
- 送周予同先生赴台湾序 文集六编卷三
- 滁县杭铭渠先生七十寿序 同上
- 宝山王鲤庭先生八十寿序 同上
- 崇明瞿氏诗礼永怀图序 文集六编卷四
- 无锡奚文宪先生诗文集序 同上
- 无锡华艺三先生八十有五寿诗序 同上

- 嘉兴钱君海一辞辨序 同上
嘉兴王君璩仲文集序 同上
三民图书公司二十年纪念刊序 同上
嘉定陈仲达先生行政练习序 同上
义马记 文集六编卷五
安徽方公佩斋神道碑 文集六编卷六
泰县陆答山先生墓志铭 同上
历城曹幼珊先生墓志铭 同上
泰县卢母崔太夫人墓志铭 同上
江阴章君子卫哀辞 同上

中华民国三十五年（公元一九四六年）丙戌 八十二岁

- 穷民叹 文集六编卷一
劝施衣施米并设施粥厂文 同上
太仓张啸湖先生画像题辞 同上
劝居家勿鞭挞小儿说 同上
赠蔡君伯仑序 文集六编卷三
慈溪秦润卿先生七十寿序 同上
无锡周氏世谱序 文集六编卷四
江阴唐氏续修支谱序 同上
太仓修理文庙暨四先生征信录序 同上
太仓季君调卿诗文集序 同上
泰兴丁君素堂曾子学序 同上
平湖赵春培先生家传 文集六编卷五
江阴徐邦基先生家传 同上

- 嘉定胡君春台家传 同上
崇明龚母沈太夫人家传 同上
丹阳姜母姚太夫人家传 同上
海门王母杜孺人家传 同上
无锡王剑秋夫妇母女殉难记 同上
无锡二泉桥记 文集六编卷五
广西平南欧阳谢太宜人家传 同上
浙江王一亭先生功德纪念碑 文集六编卷六
海门薛雨霖先生墓志铭 同上
太仓胡君粹士墓志铭 同上
长沙黄母杨太夫人墓志铭 同上
钱塘施公省之墓志铭 同上

中华民国三十六年（公元一九四七年）丁亥 八十三岁

- 先考妣忌日哀诗当哭 文集六编卷一
再记浏河石碑坊被毁文 同上
无锡族伯子良公隐行善事三则 同上
记太仓杨君俊丞自戕殉职事 同上
续劝施衣施粥文 同上
南洋大学演说稿 同上
无锡国专校友会春季大会训辞 同上
赠吴生常焘序 文集六编卷三
无锡杨味云先生八十寿序 同上
武进谢桂堂先生八十寿序 同上
定海刘鸿生先生六十寿序 同上

- 无锡宗弟妇华太夫人八十寿序 同上
- 答冯君振心书 同上
- 武进张氏族谱序 文集六编卷四
- 武进袁氏续修宗谱序 同上
- 青暘黄氏续修宗谱序 同上
- 古隍朱氏续修宗谱序 同上
- 无锡顾氏续修宗谱序 同上
- 吴县沈信卿先生诗文集序 同上
- 嘉定陈君仲达先生民国政治文选序 同上
- 上虞沈君思敏颜子传略序 同上
- 孟子救世编自序 同上
- 醒狮月刊序 同上
- 伉俪月刊小序一 同上
- 伉俪月刊小序二 同上
- 高君践四传跋 同上
- 临川黄稚棠先生家传 文集六编卷五
- 无锡朱福明先生家传 同上
- 江阴郁咏唐先生家传 同上
- 永康吕月轩先生家传 同上
- 无锡王君翰仙家传 同上
- 武进沈耀庭先生暨德配汪夫人合传 同上
- 江阴沈源兴先生暨德配谢夫人合传 同上
- 上海黄云僧先生生传 同上
- 武进张惟鲈先生生传 同上
- 无锡王淑靖孝女割股疗亲奇验记 同上

无锡许氏三畏堂记 同上
上海交通大学文治堂行奠基礼记 同上
上海永康中学增建思齐斋记 同上
无锡辟疆园移置金匱山记 同上
泰县韩公紫石神道碑铭 文集六编卷六
慈溪宓公庄晓墓表 同上
庐江吴南陔先生墓表 同上
吴兴杨甸侯先生墓志铭 同上
江阴沙君循矩墓志铭 同上
无锡刘母顾夫人墓志铭 同上
重修无锡东林书院碑记 文集六编卷七
重修太仓隆福寺碑亭记 同上
重修太仓周烈女凤姑碑亭记 同上
浙江熊剑东先生殉国碑记 同上
南汇张效良先生哲嗣捐田助学纪念碑记 同上
南翔怀少教育院落成碑记 同上

中华民国三十七年（公元一九四八年） 戊子 八十四岁

政治道德论 文集六编卷一
崇明沈同一先生同虾书屋祝辞 同上
周易积善学 文集六编卷二
答曹君叔彦书 文集六编卷三
答黄生光焘书 同上
武进章氏宗谱序 文集六编卷四
毗陵刘氏宗谱序 同上

崇明沈君汝梅通庐丛稿序 同上

太仓陆勤之先生家传 文集六编卷五

崇明陆才甫先生家传 同上

无锡戈仲翔先生家传 同上

无锡李晴村先生家传 同上

宜兴陆母吴夫人家传 同上

海滨续修襖图记 同上

美国李克乐先生纪念碑 文集六编卷六

太仓黄君伯樵墓志铭 同上



著名教育家、国学大师

上架建议◎人物/传记

ISBN 978-7-5396-44



9 787539 644899 >

定价：24.00 元